

2.332

SÉBAST.

MICHAELIS

PNEVMALOGIE


R

454

SERVÉ


PARIS 1587






R 80 454 Rio.

Dm. 2.332









R 484

QV'IL EST DE BESOING, POVR
entendre & resouldre la matiere dif-
ficile des Sorciers, comprins en la
sentence contre eux dōnee en Aui-
gnon l'an de grace, 1582.

A Monseigneur le Reuerendissime Euesque
de Marseille.



A PARIS.
Chez Guillaume Bichon, rue S. Jacques à l'en
seigne du Bichon.
1587.

Avec privilege du Roy.

C. 521 part 7

EXTRAICT DV PRIVILEGE
DV ROY.

PAR grace & Priuilege du Roy, Il est permis à Guillaume Bichon Marchant Libraire en l'vniversité de Paris d'imprimer ou faire imprimer vendre & distribuer vne fois ou plusieurs, vn liure intitulé Pneumalogie ou discours des esprits faict & composé par le R. P. F. Sebastien Michaelis docteur en theologie de l'ordre de S. Dominique au couuent de Marseille & defence à tous Libraires & Imprimeurs d'imprimer ou faire imprimer vendre ne distribuer ledict liure sinon que de ceux que ledict Bichon aura faicts imprimer & iusque au temps & terme de six ans à commencer du iour que ledict liure sera acheué d'imprimer sur peine de confiscation desdicts liures qui se pouront trouuer & d'amende arbitraire comme il est plus amplement déclaré esdictes lettres de Priuilege donnez à Paris ce vingtiuesme d'Octobre, 1586,

Par le Conseil DE LAVETS.

Nous soubz signez docteurs en theologie de la faculté de Paris, confessons auoir leu vn liure intitulé Pneumalogie ou discours des esprits auquel liure n'auons trouué rien qui ne soit tres-Catholique & digne d'estre mis en lumiere pour tous ceux qui font profession de religion chrestienne tesmoins noz seings cy mis ce deuxiesme iour d'Octobre, 1586.
F. Anthoine Berthomier. F. Augustin le Duc.



A MONSEIGNEUR LE
REVERENDISSIME EVESQUE
de Marseille, M. Federic
Ragueneau.

MONSEIGNEUR se pro-
teste avec Tertulien qu'il au fait
des sorciers (qui est le subiect
de ce traicté) Je n'ay oncques
affecté par curiosité l'intelligē-
ce, pour estre une science laquelle ne feist ia-
mais que troubler mon esprit, comme estant
ennemie à mon ame qui se déplaist de telle co-
gnissance, & de fait c'est chose commune
à toutes gens qui ont la pieté en recommanda-
tion. Ainsique ce saint & ancien pere en
baille une docte & generale deduction en
beaux termes, disant. Nos spiritualia ne-
quitia, non quidem socia conscientia,
sed inimica scientia nouimus: nec inui-
tatoria operatione, sed expugnatoria
dominatione tractamus, multiformen-
luem mentis humane, totius erroris ar-
tificem, salutis pariter animæque vassa-

Tertul. li.
de anima.

à u



EPISTRE.

Marc. 16. torem. Enquoy il a tres-veritablement par-
lé. Car que pourroit on que par ceste pestifere
science, entendre autre chose sinon vne vraye
peste du genre humain, Vn pur aueuglement
de tout erreur, & finablement Vn vray pre-
cipice de corps & d'ame és abismes des enfers?
Neantmoins la cognoissance de telle science
& theorique est necessaire à noz Ecclesiasti-
ques, d'autant qu'il nous est expressement cõ-
mandé par Iesus-Christ en la personne des
Apostres d'exorciser repousser & chasser en
la vertu de son nom tous malins & immundes
esprits, voulant que nous soyons diametrale-
ment (ainsi qu'on diët) contrai res aux magi-
ciens qui doucement & avec supplications les
euocquent & appellent à eux. Mais quant à
nous (comme diët est) Non inuitatoria
operatione, sed expugnatoria domina-
tione ipsas tractamus. Si que les admira-
bles effects de telle & si digne charge, seruoit
de toute responce & solution à la demande des
payens, qui demandoient (par maniere de re-
proche) Aux premiers chrestiens, qu'elle
plus grande cognoissance auoient ilz des es-
prits malins que les autres. Ausquels respon-
doit le mesme bon pere Tertulien, qu'il falloit
bien que les chrestiens en eussent plus grande
congnoissance, puisque (comme la preuue en

Tertul. lib
de testim.
animæ.

EPISTRE.

rendoit tesmoignage, s'estoient les seuls Chre-
 stiens qui auoient puissance & autorité de
 les chasser de toutes parts avec violence &
 en despit d'eux. Comme doncques Un sieur &
 maistre, qui est tousiours apres à dompter son
 esclau plain de rebellion il y a Vne plus am-
 ple cognoissance de sa proternité que non pas
 les autres, ausy & tout du mesme les Chre-
 stiens à l'endroit des esprits immundes. Dæ-
 monia itaque affirmamus esse, inquit,
 sanè quasi non & probemus qui ea soli
 de corpore exigimus. Et de là nous pou-
 nons tirer que pour mieux dissiper & ruiner
 le regne de Sathan, telle science est necessaire-
 ment requise aux gens d'Eglise de mesme que
 la cognoissance des heresies est necessaire aux Hier. lib.
 Catholiques docteurs pour mieux les confu- 13. comm.
 ter, & les maladies pestilenticuses aux mede- in Elai.
 cins pour les abbattre. Ce pendant ie deplore ad ca. 47.
 en ce faiët icy nostre maniere de faire, comme
 faisoient iadis les Stoiques la façon de parler
 du monde, tenans à grandissime abus de nom-
 mer les choses turpes par noms honnestes, &
 les choses honnestes & saintes, par noms
 turpes au lieu d'exprimer chacune chose par
 propres dictions & vocables. Les vertueuses
 & louables par termes ne sonants & signifi-
 ants que leurs decentes vertus & louanges, &

EPISTRE.

les vicieuses & vituperables par leurs noms
 & conuenables epithetes sonnant l'horreur
 de leur ordure & contumelie. Ce que ie ne dis
 sans iuste cause, pource que la malice de nostre
 temps a faict que les noms des choses sacrees
 sont adaptés à ce qui est abiect & ridicule.
 Ou au contraire on a voulu honorer de beaux
 noms ce qui est de soy turpe & indigne des
 Chrestiens, D'où est aduenu que plusieurs se
 sont de tant oubliez qu'ils tiennent pour bar-
 bares & inciuils ceux qui vsent du propre nō
 Grec, sçauoir Diable, ou du nom Hebreu,
 qui est Sathan, qui signifient aduersaire &
 calomniateur. Noms si vsitez pour leur con-
 uenance que l'escripture sainte en est toute
 plaine. Neantmoins refusans & comme aiās
 en horreur ces noms ils vsent pour l'ornement
 de leur langage, du doux nom de Demon si-
 gnifiant doctē & sçauant. Comme en effect
 Platon & plusieurs grands Poetes & Philo-
 sophes l'ont vsurpé pour le nō de Dieu qui est
 tout sçauant. Ainsi que l'enseigne Tertullien
 de anima. ou toutesfois ils pourroient vser de la copiosi-
 té des noms fort frequents en l'escripture &
 recitez au long par S. Hierosme, qui sont,
 Diable, Sathan, Belial, Aspic, Basilisc, Liō
 bruyant, le grand dragon, Apostat, Preua-
 ricateur & autres semblables noms qui sont

Tertul. li
 de anima.

Hiero. li 8
 Esai. ad ca
 put. 27.

EPISTRES

manifeste expression de sa sanglante malice. Parquoy ie souhaite que quelque gentil esprit nous controuue en nostre langue françoise nõ conuenable à l'ordure & infame de la miserable condition de ses auengles & plus que bestiaux sorciers. Attandu que ce terme de sorciers, ne signifie de soy autre chose qu'un personnage qui vse de sort, chose qui se peut prendre en bonne part & estre bien & saintement exercee, comme en font entiere soy ces passages de l'escripture, Mittēs super vtrū-
 que hircum sortem. Cuius fors exierit domino offeres. Iosue sorte terram diuidet sorte exul vt in censum poneret. Cecidit fors super Mathiā. Si bien qu'on
 en peut encores vsar au besoin, voire au ministère des choses ecclesiastiques qui sont de plus grande importance comme sort bien l'enseigne saint Thomas apres saint Augustin. Qui est la cause que ie desire infiniment que ce nom de sorciers soit desormais esteint pour eux en controuuant quelque vocable qui ne sonne point si bien, ains que comme ils sont les plus sales & brutaux du monde, ils ayent aussi un nom qui soit de soy si odieux aux gēs qu'il ne sonne que pure vilenie. Ainsi que saintement le vouloient les Stoiques & Platon aussi, quand il s'efforçoit de prouuer

Leuit. 16.

Deut. 1.

Luc, 1.

A&t. 1.

S. thom. 2

2. quæst. ar.

Plato in

Crauil.

EPISTRE.

que les premiers noms signifioient naturellement & non à la volée, & de faict il le monstre par experience, Car disoit il quand ie dis moy, ie retire ma voix par deuers moy & quand ie dis toy, ie la retorque contre celuy a qui ie parle. Et sont traictés de Philosophie qu'on experimente veritables, non seulement en la langue Grecque en laquelle escripuoit Platon, Mais encores és deux autres principales Hebraïque & Latine. Si doncques on vouloit nommer telle maniere de gens par ces noms Diabolo-larres ou Sathano-larres ou pour le moins Diabolistes Sathanistes ou autres semblables appellations qui leur conuiennent on feroit sonner plus naturellement leur nom qu'en les appellât sorciers qui deriue du mot Latin sortilegus. Attendu qu'en ses pauvres miserables, on ne scauroit remarquer apparence aucune de vertu ou bonté fors en la seule subsistance naturelle, comme aux Diables & de faict ils sont les plus sales ydolatres qui iamais feurent ny pourroient estre, puis qu'ils adorent le diable en sachant bien que c'est le diable ou iadis les ydolatres l'adoroient pensant toutesfois qu'il feust Dieu. Et pource comme saint Augustin dict que le simple peuple des ydolatres n'offensoit point si grieuement comme les do-

Aug. lib.
20. cont.
faust. ca.

EPISTRE

ètes Philosophes, pource que le peuple igno-
 roit la source & causes de telles idolles, ou
 les Philosophes scauoient fort bien l'origine
 qui venoit de l'impudicité vices on inuentiōs
 des hommes, aussi faut il estimer qu'en cela
 les chrestiens sont sans comparaison beaucoup
 plus damnales. Mais apres le discours des
 noms, ie viens au faict. Ie sçay bien que
 plusieurs ont cy deuant exercé leurs esprits à
 discourir des sorciers, si que à bon droit ie me
 repute indigne d'en traicter apres eux: neāt-
 moins l'excuse de Lactance Firmien me serui-
 ra à ce propos, qui s'excusant surce qu'il en-
 treprenoit descrire contre les gentils en fa-
 ueur de la religiō chrestienne, Ores que tant
 de grands & doctes personnages Iustin, Ori-
 gere, Tertulien, Arnobius, en eussent aupa-
 rauant escript: Ie le faicts dict-il comme par
 contraincte, & pour contenter la variété
 des volontés des hommes, estans obligez nous
 accommoder pour la commune vtilité aux
 doctes & aux vulgaires. Les vns donc dict-il
 ont escript contre les gentils par seule autho-
 rité de l'escripture, enquoy ils n'ont contan-
 té les ydolatres qui ne les recoignent, ains
 seulement les chrestiens & en partie les Iuifs
 autres ont seulement argumenté & soubstenu
 par raison naturelle le iugement de leurs cō-

EPISTRE

ceptions surquoy ceux qui sagement preferent
l'escripture à toute humaine raison y desiroiēt
quelque autre chose. Et si encores diēt-il nul
ne les a confondus par leurs propres auteurs
ce que restoit à faire: Ainsi conclud Laſtance
que s'il vient à faire un meslange de toutes
ces choses, il pourra donner contentement à
un chacun, voire iusques aux atheistes i en dis
tout autant pour legitime excuse. Car aucuns
ont traité des sorciers sus un simple recueil
des histoires ou procédures criminelles contre
eux faictes & sus leur propre tesmoignage &
confessions. Les autres y ont procedé puremēt
scholastiquement, ne sortans presque point
des commentaires faictz sus les quatre liurs
des sentēces les troisiemes sensuyans de ceste
façon de proceder ils ont mieux aymé en par-
ler suyuant la doctrine qu'ils auoient lassé
aucuns anciens Philosophes payens, comme
Mercurius, Proclus, Iamblicus lesques ils
ensuyuent bien souuent mesmes contrel au-
thorité de la sainte escripture. Surquoy n'ap-
perceuois ie qu'il y auoit encores à lesirer
une autre maniere de proceder beaucoup plus
seure & legalle, sçauoir qu'elle fust tiree de
la mesme escripture sainte & de la leçon des
anciētes peres de l'Eglise en prenant sur cela un
fondement principal, bien qu'autre auteurs y

EPISTRE.

fussent amenez. Car quant aux premiers, ils reiectoient les faiëts simplement, Mais ils ne les prouuoient point. Les secondes en donoient des resolutions scholastiques, Mais les chatouilleux de nostre temps ny vouloient entendre. Quant aux autres qui sont au tiers rang nous leur opposons par maniere d'admonition ce que disoit Tertulien. Dæmonem soli no uerunt christiani, vel quæcunque apud dominum secta. En Un autre liure il prouue ceste sentence en ceste maniere ? Cui veritas comperta sine Deo ? Cui deus cogni tus sine Christo ? Cui Christus explora tus sine spiritu sancto ? Cui spiritus san ctus accommodatus sine fidei sacramen to ? Par laquelle gradation il faiët assez entē dre que nul n'a iamais exactement & sans er reur manifeste cogneu que c'est que de l'ame, ou des esprits bons ou mauvais (car cest de quoy il parle aux susdiëts passages) S'il n'auoit ben de leau de Iesus-Christ. Les Philosophes diët il ont bien escrit quelques veritez, mais ou elles n'estoient point en fin sans estre entremê lees de quelques erreurs, ou bien ils auoient cela prins de l'escriture, ou veritablement il leur aduenoit quelquefois comme à vn homme qui seroit perdu dans des catacombes, lequel s'il trouuoit en fin quelque issue,

Tertul. li.
de testi.
anime.
Tertul. lib
de anima.

EPISTRE

ce ne seroit que par rencontre. Et ainsi ilz n'auoient point assurance aucune en rien qu'ilz disent ou inuentassent de nouveau. Et pource les Academiques aimoyent mieux dire librement qu'ilz ne sçauoient rien de certain. Sainct Augustin conformément à Tertullien. Si Mercure Trimegiste ou autres ont rien dict de bon, Tout cela ne nous peult, dit-il, servir d'autorité pour enseigner vne saine doctrine, Mais seulement pour en batre & rembarrer les autres payens. Et quant à ce qu'ilz ont bien dict conformément à la Verité il y a non moins de difference entre leur autorité & celle des Prophetes, qu'entre celle des diables & des bons Anges. Or les diables ont quelquefois dict Verité, nonobstant il ne faut sur cela fonder vne doctrine catholique. Il est donc question d'en sçauoir selon iouxte ce que la sainte escripture & les anciens peres de l'Eglise en ont enseigné. Qui est le seul but auquel ie tends en cest oeuvre, auquel seront aussi admenées (quand le propos le requerra) les Philosophes en tant que ie les trouueray se conformer à l'escripture & aux anciens peres. Et ceux qui auront contrenu y seront rembarrez par raisons naturelles pour contenter, attirer, ou confondre du tout les Atheistes le nombre desquels est

Aug. lib.
13. con. fa.
manic. ca.
15.

EPISTRE.

plus grand qu'il n'en seroit de besoin & en-
 cores (à nostre grand regret) est il beaucoup
 plus grand de ceux qui symbolisent avec les
 sorciers, & leur adherent par infinies super-
 stitions, enquoy bien souuent les plus riches
 s'embarquent. Si bien que ie puis dire avec
 Sainct Chrysostome que s'il estoit facile (à
 l'Eglise & autres) faire iustice des grands
 aussi bien que des petits, toutes les prisons se
 trouueroient incontinent remplies des magi-
 ciens & sorciers encores ailleurs. Ce bon pere
 deplore (avec grande effusion de larmes) l'a-
 ueuglement de telles personnes, quand il dict
 Lachrimis & gemitib⁹ digna, vaticinia,
 obseruationes genesis, signa, ligaturæ,
 diuinationes, incantationes, & cætera
 huiusmodi. Quæ omnia magno profe-
 cto scelere præsumuntur, Denique iram
 prouocare consueuerunt atque eò ma-
 gis quò post ingentis beneuolentiæ &
 insignis miserationis indicia, postquam
 ille filium suum pro redimendis ho-
 minibus misit hæc nefario ausu admi-
 timus. Saint Augustin de bonne grace nous
 enseigne à ce propos, que c'est un moyen que
 Dieu permet pour nous faire embrasser
 plus estroictement Iesus Christ nostre
 mediateur puis que nous entendons que si

Chrysosto
 hom. 2. in
 epist. ad
 heb. Chri-
 sost. hom.
 10. in pri
 mam epi.
 ad Timot.

Augu. lib
 18. de ciuit
 cap. 18.

EPISTRE.

impudemment & manifestement le Diable nous retire & tire comme par force de luy comme faiçt le loup affamé la pauvre brebis, Quantò quippe in hac ima (inquit) potestatem demonum maiorem videm⁹, tantò tenacius mediatori est inharendum, per quem de imo ad summa contendimus. Restoit encores. Monseigneur traicter si telles choses qu'on dir des sorciers aduiennent par songes & illusions, ou si elles sont reallement veritables : Mais craignant telle prolixité vous estre en ceste epistre plus tost ennuyeuse que delectable, Iay remis & accommodé ce discours & la conclusion de ce liure, m'estant venu en souuenance ce que disoit saint Augustin que le lecteur voyant la fin d'un liure ou d'un chapitre il est autant aise comme le passager voyant le logis. Vous suppliant tres-humblement d'excuser les fautes, & rudesse de langage, que iay

Aug. lib. 1. cont. iad. uer. leg. & pro phe. c. 24. submis soubz vostre faueur, & en faire censurer comme il vous semblera que s'il vous semble bon ieter vostre verge dor sur ce mien discours, receuray le tout comme de la main d'un Assuere ou d'un Aristarque. M'assurant (Monseigneur) que si vous y trouuez chose digne ce sera muraille suffisante & forteresse pour opposer aux risées & detra-

EPISTRE.

Etions populaires , & mesmes de ceux qui se
sentent atteints de la lepre & contagion de
laquelle nous traitös. Sur ce vous baisant tres
humblement les mains ie prieray Dieu vous
donner

Monseigneur en parfaicte santé treslongue
& tres-heureuse vie. De vostre maison de
Marseille ce treiziesme Iuliet mil cinq
cens quatre vingt & quatre.

Vostre tres-humble & tres-
obeissant seruiteur & orateur

Michaelis

SONNET A L'AUTHEVR.

VOYANT Michaelis Rembarrer les sor-
ciers

Et par fortes raisons renuerser leur doctrine
Qu'un chacun à bon droit deteste & abhominé
Comme le Nautonnier les perilleux rochers.
Alors il me souuient des beaux exploits Guerriers
De l'Archange Michel lequel mit en ruyne
Enfuytte & desarroya la legion mutine
Des diables desguisez en dragons laicts & fiers.
Et comme Sainct Michel de sa main rude & forte
Les a tous desconfictz: ainsi de mesme sorte
Puisse Michaelis destourner cet erreur
Alors Diuin autheur ta louange & ta gloire
Esgallera de prez de l'Ange la victoire
Voyla comme en ton nom il y a du bon heur.

AD EVNDEM AVTHOREM

Epigramma eiusdem argumenti.

Angelicum nomen claris virtutibus æquas
Conueniunt rebus nomina sæpe suis.
Angelus vt domini magna virtute draconum
Turbam deuicit, corpora foedè necans
Sortilegos tua sic vincit Doctrina Michael
Quæ clarè illorum dogmata falsa probat
Angelicæ laudi tua credito gloria par est
Dæmonis astutiam fortis vterque fugat.

BAPTISTA BADERVS

parisiensis in eodem parisiensi
senatu patronus.



PNEVMALOGIE,
OU DISCOVERS

DES ESPRITS, EN TANT
qu'il est de besoin pour entendre & resoul-
dre la matiere difficile des sorciers, com-
prinse en la sentence contre eux donnee en
Auignon, L'an de grace 1582.

CHAPITRE PREMIER.

S'il y a des Esprits, ou non.

C'EST l'ordinaire en tou-
tes choses qu'on veut
sçauoir de s'enquerir de
la cause d'icelles, aultre-
mēt on auroit tousiours
ocasiō de douter de l'effet ou au moins
de le desguiser, ce qu'est naturel à l'hō-
me singulierement quand il void cho-
se inusitee & extraordinaire ainsy que
l'exemple proposē par Aristote le de-
monstre, des rustiques qui voyās Ecli-
Lib. 1. me.
taph c. 2.
& lib. 1.

pſe de Soleil ou de la Lune ſoudaine-
 ment ſe tournēt en admiration. Com-
Exod. 16. me les enfans d'Iſraël voyans la man-
 ne, & demandant qu'eſt cela. Et telle
 admiratiō (diēt Ariſtote) a eſtē la ſour-
 ce de toute la Philoſophie: car voyans
 les gēs de bō Eſprit choſes admirables
 ilz ſe ſont mis en debuoir d'en ſçauoir
 la cauſe, Ainſi fault il proceder en ce
 faiēt icy qui eſt d'aultant plus admira-
 ble & à pluſieurs incroyable que plus il
 eſt eſlongné de la cognoiſſance & ex-
 periēce de la plus part & plus ſaine par-
 tie des hommes il fault ſçauoir la cauſe
 laquelle no⁹ eſtāt venue en euidēce in-
 clinera facilemēt noſtre entendemēt à
 croire que telles choſes non ſeulement
 ſont poſſibles, mais auſſi pl⁹ frequētes
 qu'on nedit. Et pource que la cauſe ſont
 les anges ilz eſt de beſoing ſçauoir pre-
 mierement ſil y a des eſpritz ou non.
 Or y ail trois manieres de gens qui ont
 niē les eſpritz les premiers ſont aucuns
 Philoſophes, les ſecondz ſont les Sadu-
 ciens, les troiſieſmes ſont les Atheiſtes.
Lib. 8 phy- Quant à Ariſtote maistre des Peripate-
ſic. ticiens il n'accorde point autre choſe
Lib. 12. ſinō qu'il y a vne ſupreme cauſe laquel-
methap.

le est sans corps & avecq' icelle il met
huiet ou neuf espritz pour le plus selon
le nombre des cieulx qu'il a cogneu cō-
siderant bien que les corps celestes ne
se pourroient mouuoir nullement sil
n'y auoit avecq'eux quelque esprit de
vie: Or soit qu'il aye cela desrobé de
l'escripture sainte, ou pour le moins de
son maistre Platon qui l'auoit leüe où il
est dict en Ezechiel parlant des corps
celestes qu'il appelle roües : *Spiri-* Ezech. i.
tus vite erat in rotis, ou qu'il ait esté in-
uenté par les experiences qu'il en voy-
oit en cela il dict fort bien hors mis en
ce qu'il met l'exclusion, disant qu'il n'y
en a point d'auantage. Car il deuoit aussi S. Tho. lib.
considerer que si besoin estoit de telz 2. cont. gēt.
espritz pour le mouuement ordinaire c. 92.
& continuel des corps celestes & par cō-
sequent pour le seruice de l'homme qui
est *Quodammodo finis omnium*: à plus forte Lib. 2. Me-
raison il estoit seant à ceste premiere & raph.
suprême cause qu'il appelle seul Princi-
pe d'en auoir vn grād nombre pour son
seruice en admetant le dire de Daniel Daniel. 7.
qui nous enseigne que *Millia millium*
ministrabant ei, & *decies Centena millia as-*
sistebant ei Et de Dauid qui en donnoit

- la raison naturelle, disant. *Ministri eius ut faciant voluntatem eius*: aussi bien qu'il accorde tacitement la sentence de Ezechiel, quand il dict: *Spiritus vite erat in rotis*. Mercurius Trimegistus cōme recite S. Thomas, a nié tout court qu'il y eust des esprits bōs, fors ceux qui tournoient les cieux, en cela d'accord avec Aristote, vray est qu'il estoit meilleur Theologien que luy, car il accorde que Dieu les a faicts & creéz, ce que ne faict Aristote qui met vne eternité, mesmes à la fleur du chardon & aux papillons: tant y a qu'ils sont d'une opinion quant au nōbre des esprits. Mais Aristote nie qu'il y ait de mauvais esprits, lequel a enfuiuy les Medecins. Comme recite Pselhus (mais il entend de ceux qui ne sont Chrestiens, ou qui ont laissé la vraye religion) ils tombent ordinairement en deux erreurs: l'une cōtre l'immortalité de l'ame, qui est recitee Sap. 2. disans, que de l'ame c'est tout de mesme comme du feu à la lampe: & l'autre c'est des esprits, & quand on leur monstre à l'œil les effects du diable qu'il pratique aux corps des possédez, ils rapportēt cela plus bas que Aristote disans telles choses adue-
- Psal. 102.
- Ezech. 10.
- S. Thomas.
- S. Tho. 1. p. 9. 115. ar. 5.
- Psel. 116. de energia demonū, cap. 14.
- Sap. 2.

nir par la mauuaise disposition des humeurs & des esprits. Et ainsi comme ils font de l'ame, ils changēt vn esprit immortel & incorruptible en vn esprit subtilisé, & tiré des qualitez naturelles, qui n'est que vêt & fumee: Dont à bon droit saint Augustin ameine plus tost l'histoire d'vn medecin que d'autre mestier, lequel (dit-il) fut conuaincu par vn songe qu'il fit, voyāt ce qu'il n'auoit iamaïs veu, & parlant aussi pendant qu'il dormoit, y voyant les yeux fermez, & oyāt bien que les sens fussent estoupez du sommeil: & c'est à cause que telle maniere de gens s'arrestent par trop à la Philosophie & causes de nature. Les Saduciens sont aussi à ce rang, lesquels comme est recité aux Actes des Apostres, ils nioient les esprits: De là ils tombent en vn autre inconueniēt de nier l'immortalité de l'ame, & puis s'ensuy-
 uoit par necessité qu'ils nioiēt la resurrection des corps: lesquels trois poincts sont communs aux Atheistes, & à tous ceux qui nient les esprits. Or d'autres en y a eu, qui n'ont esté tant impudens, mais ont accordé que comme il y a veritablemēt des bōs esprits, que le mou-

Aug. epist.

100. ad

Enodium.

Act. 23

Math. 23.

Iustin. apo-

log. 2. hæc

tria vnico

medio pro-

bar.

uement du ciel les contraignant à celà: car vne tant bõne œuvre & tant neceffaire ne fçauroit proceder que de bõne part, qu'il y en a auffi de mauuais, attendu que d'iceux plusieurs chofes mauuaises en procedent. De ceux cy faiët mention Porphire, *In Epiftola ad Anebuntem*, cité par fainët Thomas, difant qu'ils font les maiftres des forciers, & tous autres qui vfent de malefices, & que iamais ils n'induifent perfonne à bien faire, mais aydent bien ceux qui font en volonté de faire quelque mal. Platon & fes feëtateurs accordent auffi y auoir grand nombre d'efprits, qui habitent en la fupreme region de l'air, comme font les oyfeaux en la baffe & moyenne region, & comme les poiffons dans l'eauë: mais ils y entremeflent plusieurs abfurditez, comme nous verrons cy apres. En fomme nul n'a iamais fçeü que c'eft que des efprits, excepté ceux qui ont receu & entendu la fainëte efcriture. Or contre tous Philofophes & Payens, nous auons l'experience, contre les Saduciens, & heretiques entre les Iuifs (comme diët Tertulien) nous auons les cinq liures de

*s. Tho. lib.
3. cont. gē.
cap. 107.
¶ 108. ¶
Aug. lib.
10. de ci.
uit. c. 11.*

*Tertul. de
prhſcrip.
heretic.
Helias in
Thisbi di
ctonum
Quarain.*

Moyse qu'ils reçoient seulement, & pour les Catholiques & Chrestiens nous auons toute la saincte escripture tant celle du vieil que du nouueau testament. Sainct Thomas au liure troiesme, contre les Gentils dispute fort doctement contre toutes raisons des Philosophes, qui disoient que quand il aduient quelque chose prodigieuse, Il faut cela rapporter à l'influence des corps celestes qui peuent plusieurs choses à nous ocultes, il est vray, dit-il, que nature peut beaucoup, Si est-ce pourtant qu'elle est limitee, & si fort que le plus souuēt elle ne produict qu'un seul effect, soit ou pour la propriété de la cause agente, ou bien pour l'imbecillité de la matiere, laquelle n'est susceptible que d'une chose, comme le Soleil ny tous les cieux ne scauroient faire produire au sep de vigne autre chose que raisins, ny au pommier que pommes: Et pourtant il faut accorder qu'il y a plusieurs choses qui sont cōtre tout pouuoir de nature. Cōme que les oracles qui n'estoient que statues aient, iadis parle & faict responce à ceux qui les interrogoiēt en leur declarant plu-

*S. Thom.
cont. gent.
lib. 3. cap.
104. 105.*

*Mercurius
Trimegiste
in Asclepio*

*Lactan. li.
inst. cap.
et aug.
lib. 10.
de ciuit. 16*

sieurs choses absentes, occultes, & futures. Que aucuns hommes ayent soudainement & sans aucun estude parlé Hebrieu, Grec, & Latin, Syrien, Chaldeen & tous autres langages, citans les sentences des poëtes & orateurs desquels ils n'auoient iamais eu cognoissance ny des lettres que les boeufs & asnes ayent parlé & autres semblables choses aduenues contre toute puissance naturelle, partie recitee par Lactance Firmien. Comme d'une vierge vestale laquelle estant soupconnee d'impudicité en tesmoignage de sa chasteté. Il porta deuant tous les Romains vn crible tout plein d'eau. Et Claudia pour la mesme occasion traina vn gros nauire à contre fil de l'eau avec sa ceinture, Aëtius Næuius avec vn rasouer couppa vne pierre à esguiser. On a trouué par experience & de cela en est fait mention aux loix des douze tables, qu'une terre estoit transportee d'un lieu en autre. On void d'abondant que ceux qui font telles choses, ils vsent de certaines parolles, caracteres, prieres, prostrations & autres façons de faire qu'on ne peut presenter que follemēt & en vain

excepté aux substances qui ont entendement ou raison. De là il conclut que tous ces prodiges faut qu'ils procedent des esprits, Il y a donc d'Esprits. Et s'il faut adiouter icy l'escriture laquelle ils pourrôt receuoir comme vne autre histoire pour le moins) on ne scauroit dire que le Soleil se soit arresté, & le ciel reculé du temps de Iosué & de Ezechiel par aucune vertu naturelle, car mesme l'Aristote dict que cela est impossible mesmes à l'intelligence qui tourne le ciel autant cōme il est impossible à l'ame de sortir hors du corps à sa volonté ou veut donner vie au corps pendant qu'elle y est, y ayant en cela vne necessité naturelle. Cela est donc adueni par autre voye que du mouuement du Ciel. Et ainsi il faut accorder que plusieurs prodiges doiuent estre rapportez non au mouuement du ciel, mais à d'autres causes qu'il faut inuestiguer. *Aristot. lib. 8. phis. & lib. de celo & mundo*

Vray est que Mercure Trimegiste a²³ voulu bailler solution à l'argument des oracles. Disant qu'il est vray que Dieu a faict autant d'esprits qu'il y a, & que les hommes auoient fait les Dieux en dressant les oracles mais que c'estoit

vide Aug. lib. 8. de ciuit. cap.

DISCOVRS

par certaine influence du ciel, car dit-il
telles statues peuuent estre si bien ac-
commodees à certains aspects du ciel
qu'elles pourront parler, deuiner, pre-
dire, faire venir maladies & les guerir
& en somme faire miracles. Mais en ce-
la il luy en a prins comme à Plutarque,
lequel voulant donner la raison pour-
quoy les oracles auoient cessé de faire
toutes ces choses (ne voulât recognoi-
stre l'aduenement de Iesus Christ, par
lequel il a entierement ruiné le regne
de Sathan) Il a faict vn liure expres de
leur taciturnité, Mais en fin il se treuue
court, car il ne ameine point aucune rai-
son laquelle ne puisse estre facilement
conuaincue d'insuffisance, autant tout
pareillement en est aduenü à Trimegi-
ste, quand il veut donner la cause de
leur babil, il s'intrique luy mesme, car
on luy pourra facilement demander,
Premierement pourquoy aujourd'huy
les hommes nē peuuent ils faire de mes-
me par semblables obseruations du ciel
attendu qu'on est bien plus experimē-
té aujourd'huy aux mouuemēs celestes
qu'on n'estoit iadis, puis qu'on trouue
que Ptolomee est corrigé d'erreur, &

*Plutarch,
lib. de ta-
citurn. orat*

Aristote encores dauantage par les recens Astrologiens? Puis comment vne cause peut estre moins excellente que son effect? Que si l'homme comme il confesse a fait tels oracles de son industrie: Il s'ensuiuroit par cela en bonne philosophie que a plus forte raison l'homme feroit toutes ces choses que si on allegue l'influence du ciel qui est concurrente, pourquoy telle influẽce ne pourra aussi bien tomber sur l'homme comme sur vne statue de bois? Et bien encores dauantage: car il est plus susceptible de raison, de parolle, & de toute autre action. Puis donc que iamais homme ne fust oracle, il faut conclurre que telle raison est du tout insuffisante, car il est assure que dez tout temps, il ya eu gens qui n'ont rien mieux pourchassẽ que de foy faire deifier, retenans en cela le venin du serpent qu'il getta contre nos premiers parens en disant, *Eritis sicut dii*, dont Gregoire Nazianzene en baille assez bon nombre d'exemples, comme de Aristeus Empedotinius & Trophonius qui se cacherẽt dans terre pour estre estimez dieux. Empedocles aussi se ietta dans la montaigne Sulphurique

Genes. 3

Greg. nazian. oratione prima. & secunda in Iulian. Apost.

de Sicile qui est tousiours plaine de feu
 & Iulien l'Apostat pouffé de mesme cu-
 pidité, dont il brusloit de desir se vou-
 lut getter dans vne grosse riuiera. Ari-
 stote a voulu donner raison naturelle
 de toutes choses mais en fin ne scachant
 trouuer la cause suffisante du fluement
 & refluxmēt du canal de mer. Euripides
 de dueil se precipita dedās cōme disant
 puis que Aristote ne peut cōprēdre ce
 fleuue il fault que ce fleuue comprenne
 Aristote (Ainsi qu'escript Sainct Au-
 gustin martir) il a voulu donq de mes-
 me dōner la raison naturelle des choses
 admirables en l'hōme qu'on ne peut
 rapporter à aucune cause naturelle fors
 à Dieu ou aux esprits, & a dict que les
 Sibylles & les excellens Empereurs &
 les grāds Philosophes auoient vne hu-
 meur melencolique par lequel ils disoi-
 ent & faisoient choses admirables vou-
 lant en cela preuenir comme il semble
 l'argumēt, qu'on pourroit faire des de-
 moniaques & possedez, qui est vne expé-
 rience toute manifeste & inuincible à
 tous Philosophes du monde; car il est
 assleuré que deuāt Aristote, il y en auoit
 puis que Salomon a enseigné des exor-

*Iust. mart.
 oratio. pa-
 renetic. ad
 gentes.*

*Arist. in
 Problema.
 sect. 30.*

*Tertul lib.
 de testimo-
 nio animæ*

cismes pour chasser les diables des corps humains tesmoin Iosephe & autres. Il rapporte doncques tout cela à la melancholie, Mais Aristote oseroit il bien confesser que ceste humeur crasseuse & corrompible, feust plus excellēte en l'homme que l'entendement & la raison? Il accorde qu'il ny a rien plus noble en l'homme que la raison, comme il est vray. Or si la raison par quelque moyen que ce soit ne peut descouvrir des choses qu'il n'a apprinses ny faire parler la langue autre langage que celuy qu'elle a de lōgue main conceu en foy, ny deuiner choses absentes ou futures, ny alleguer ou interpreter sentences qu'elle n'ait apprinses. Comment cest humeur terrestre pourra il faire tout cela? Attendu mesmement que ce sont effects appartenans proprement à la raison? Et puis quand on demanderoit la cause pourquoy telle humeur peust attaindre, ce qui est fort eslongné de nous de lieu & temps plustost que la raison on n'en scauroit donner aucune. Puis ce sont choses qui aduiennent aussi tost à ceux qui ont autre complexion que melencolique. Car il est yray semblable

*Ioseph. lib.
antiquit.*

lib. 1.

lib. 1.

DISCOVRS

- que le Corinthien fornicateur, qui fut possédé du diable n'estoit d'humeur melencolique, ains plus-tost homme plaissant & de bonne chere: & non sans cause si sainct Paul reprent les Corinthiens de ce qu'ils s'en rioient avec luy deuant qu'il feust possédé, qui est vne coniecture pour nous faire entendre
1. *Corin.* 5. qu'il estoit facecieux, cōme aussi estoient ordinairement tous les Epicuriens, qui souloient dire, *Comedamus & bibamus, cras enim moriemur, & post mortem nulla voluptas.* Toutesfois Alexandre & Hymenee qui estoient telz furent possédez. Ce seroit d'abondant chose ridicule de vouloir dire que quand les diables furent chassés hors d'un corps humain, & entrerēt dans les porceaux, que telle melancolie de l'homme se feust trāsportee aux porceaux, resulte dōc que ces experiences susdictes sont suffisantes pour conuaincre tous Philosophes qu'il y a des esprits qui conuerfent secrettement avec nous, & quelque fois se demonstrent visiblement ce que Aristote ne scauroit nier de Socrates precepteur de Platon, auquel souuent s'apparoissoit à luy vn certain esprit, meismes des fois
1. *Corin.* 15.
- Marc.* 4.

enfance. Comme Tertulien l'a recueilly, *lib. de Anima* en ces paroles, *Socratem puerum adhuc, Spiritus demoniacus inuenit.*

*Tertul. lib.
de anima.*

Or il nous faut maintedant venir aux Saduciës desquelz il y en a encores au iourd'huy bõ nombre entre les Iuifs de Constantinople, & aussi au país de Perse, presque tous les Iuifs en sont. C'est chose

*D. Gene-
brad. in
Cronolog.*

admirable d'eux qu'ils ayent nié les esprits, attendu qu'aux cinq liures de Moÿse qu'ils reçoÿuent seulemēt, il n'y a rien plus frequēt que celà, & plus souuent en est parlé qu'à tous les autres liures de la Saincte escripture. Nous dirons cy apres pourquoy Moÿse n'a fait aucune mention de leur creation ou de leur cheutte, tāt y a qu'au beau commencement du liure presque, il met en auāt vn serpēt qui parle & discourt avec toute prudence & finesse, & telle qu'il en a conuaincu l'entendement & fleschy la volōté de la femme & de l'hōme. Or il

Gen. 3.

est beau à voir que ce n'estoit vne beste irraisonnable qui parloit de sa teste, car il n'y a rien plus eslongné des bestes que la raison & la parolle: & pource elles sont par les Orateurs appellees proprement *Animalia muta*, à cause que la

parole, c'est l'explicatiō de la raison intérieure, & ne peut proceder d'ailleurs: Mais prenōs le cas qu'ils feussent si stolidés de dire qu'en ce temps là les bestes parloient, comme il semble que Plutarque ait voulu insinuer en son liure qu'il a intitulé, que les bestes ne sont point sans raison, & comme les lourdaux prennent les fables d'Esopé & autres, conduits peut estre de ceste raison de saint Basille, qui tient qu'au parauant la tentation le serpent auoit des piedz & marchoit sur ses piedz cōme les quadrupèdes, & qu'après qu'il luy feust dict, *Supra pectus tuum gradieris*. les piedz luy furent coupez, & à toute sa semence, à cause que telle malediction se rapporte à la posterité. Comme il est dit, *inter semen tuum & semen illius*. Mais où trouuerons nous ie vous prie, que Dieu ait dit au serpent, tu ne parleras plus d'hors en la tu feras muet, & n'auras plus de raison ny de discours: Ce que toutesfois il eust dit à plus forte raison, car ce ne fut la forme externe du serpent qui trompa noz premiers parens: mais ce furent les raisons qu'il leur amena, & les promesses qu'il leur fit. Or de celà l'escripture n'en

S. Basil. in
Examer.
hom.

n'en dit vn seul mot, car aussi outre ce que ce seroit chose ridicule de l'estimer ainsi, aussi seroit ce chose repugnante à l'escripture: laquelle dit que Dieu a créé les animaux, mais apres il a formé le seul homme à son image & semblance, laquelle gist à ce seul poinct que d'auoir vne raison pour diriger soy & toute autre chose, comme Dieu cōduit tout par sa sapience & prouidence. Et c'est (comme a bien remarqué saint Augustin) ce qui est dit tout quant & quant apres: *Vt præsit piscibus maris & volatilibus celi & vniuersis animantibus que mouentur super terram.* C'estoit donc necessairement vne substance intellectuelle qui faisoit parler la langue de ce serpent, ce n'estoit point homme ny femme, car il n'y en auoit encores d'autres que le seul Adam & Eue. Cōme dit le texte, *Erant autē ambo nudi.* Puis apres il est parlé d'un Cherubin qui fut cōstitué à garder l'huis de Paradis, de peur qu'homme n'y entraist plus pour māger du fruiet de vie, & tenoit vn glayue flamboyant pour intimider l'homme. Ce n'estoit vn homme comme nous venōs de dire, c'estoit dōc vn esprit. D'abondant il est si souuent

Aug. lib. 5.
de gen. ad
lib. c. 12.

faiët mention des Anges de Dieu qui se presentoient aux hommes, comme à Abraham, Loth, Iacob, & infinité d'autres, leurs predisans les choses que l'homme ne sçauroit cognoistre, cōme q̄ vne femme vieille & sterile cōceuroit, que Sodome & Gomorre feroient subuerties & autres semblables, cōme q̄ le peuple d'Israël feust conduit par vne nuee, & aussi par vne colomne de feu: on ne sçauroit autre chose respondre, sinon que c'estoiët esprits enuoyez de Dieu. *Præcedet te* (dit Dieu à Moÿse) *Angelus meus*. Et Moÿse repliquoit, disant: *Nisi tu ipse præcedas nos*. Aussi il appert que telz esprits estoient messagers de Dieu. L'experience aussi des possédez est suffisant argumēt contre les Saduciens. Et c'est (cōme dit Iansenius) pourquoy Iesus Christ a voulu permettre de son temps que les diables enuahissent non seulement les hommes, mais aussi les porceaux, pour conuaincre (dit-il) d'erreur les Saduciens, lesquelz failloit cōduire par le chemin de telle pedagogie sçachant bien Iesus Christ que l'homme qui croit qu'il y a des espritz il croit quant & quant qu'il y a vn autre mon-

Exo. 13.

23. 33

Iansen lib
concord.
Evang.

de où ils habitent ordinairement & de là il ne faiët difficulté d'admettre l'immortalité de lame, ny la resurrectiõ des corps. Au cõtraire qui ne croit qu'il y a des espritz il ne peult croire qu'il y ait vn autre monde, que l'ame soit immortelle & que la resurreccion soit chose possible mesmes à Dieu & c'est pourquoy S. Luc recitant les erreurs principaulx des Saduciens il met ses trois poinctz ensemble.

Quant est des Chrestiens & Catholiques oultre les liures sus-nõmez, ils ont sainct Estienne aux Actes des Apostres, *Act. 23.* & sainct Paul, Ad Gal. 3. qui tesmoignēt *Theodoret. lib. 5 in epi- tom. diuin. decret.* que la loy a esté baillee à Moysē & au peuple pour le ministère des Anges, que les bons Anges sont deputez de Dieu *act. 6.* pour nous garder des inconueniens de ce monde, & infestations des malins esprits. *ad galat. 3.* *psalmus 90.* Mesmes qu'ils nous aydent & secourent iusques à batailler pour nous. Nul (disoit vn Ange à Daniel) ne m'a aydé pour ce peuple d'Israël, fors Michaël Prince de ce peuple. *psal. 90.* Et qu'ils soient en grand nombre, *Daniel. 13* l'estoire d'Helizee le monstre assez, quād il fit voir toute la terre plaine d'anges à *4. Reg. 6*

son disciple, qui auoit peur de la grande
 armee des Syriens. *Plures* (dit-il) *nobiscū
 sunt quàm cum illis*. Autant en dit Iacob,
 se voyant enuironné d'vne armee cele-
 ste, lors qu'il auoit belle peur de son fre-
 re Esaii. *Castra* (inquit) *Dei sunt hæc*. Leur
 estat aussi est de louer Dieu incessam-
 ment ainsi que le d'escruiuent Esaie &
 Ezechiel l'vn partant des Seraphins &
 l'autre des Cherubins. Ce sera vn Ar-
 châge qui sonnera de la trompette pour
 exciter les morts & tout quand & quād
 apres les Anges viendront en terre en
 grād nombre pour recueillir les esleuz
 de tous les quatre coings du monde &
 les assembler en vn lieu. Et quant est
 des malins esprits il y a en l'histoire de
 Achab qu'vn esprits se presenta pour e-
 stre esprit de mensonge, c'est Sathan
 qui a instigué Dauid à denombre son
 peuple par orgueil & qui a faiet tant de
 maux en Egypte cōme estant le bou-
 reau de Dieu *Immisfiones* (dict Dauid)
Per angelos malos. Dieu prohibe souuent
 en la loy de sacrifier aux diables, ce qu'il
 ne fairoit s'il n'y auoit des diables c'est
 Sathan qui a tant affligé Iob en sa per-
 sonne, biens enfans & seruiteurs, qui a

geneſ. 32

Eſaye. 6.

Ezech. 1.

ad theſſal.

4.

Marc. 13.

3 reg. 22.

2. paral. 18

2. reg. 24.

psal. 77.

Iob. 1. 2.

Math. 4.

ausé tâter Iesus Christ soy voulant faire adorer à luy comme Dieu, qui a esté souuant expulsé des corps humains à son commandement & au commandement de ses Apostres, & pour conclusion, car les lieux sont infinis, il dira au dernier iour aux reprouuez *Ite maledicti in ignem eternum. Qui paratus est diabolo & angelis eius.* Estât donques asseures qu'il y a des esprits bons & mauuais tant par raisons naturelles que par experience inuincibles & principalement par la sainte escripture il fault maintenant sçauoir silz ont corps ou non.

CHAP. II.

Si les Esprits ont corps.

CESTE question est vne des plus difficilles qui soit âten la Philosophie que en la Theologie, apres la question de la diuine nature, en premier lieu pource que de plus pres approchent les Esprits de la nature de Dieu que toute autre creature, & d'autât aussi qu'il nous est impossible de les voir & comprendre si ce n'est par

les effects seulement cōme on cognoist par la vestige du pied laissē sur le sablon qu'un homme y est passē sans pouuoir pourtant imaginer de la vertu, science, force, beauté, ou couleur d'iceluy, & c'est pourquoy tant de bons esprits s'y estant trauallez presque tous y ont errē. Car si comme l'enseigne sainct Augustin, vne des choses plus difficiles du monde, c'est de cognoistre l'essence de l'ame, & l'Aristote le donne assez entendre en son premier liure de l'ame où infinité d'opinions y sont recitees & toutes exorbitantes de la voye de verité à plus forte raison cela est bien plus difficile des esprits. Attendu que des ames il ny a nul qui prenne tousiours & mesmes en donnant experience manifeste. Que me faiēt dire apres saint Thomas d'Aquin que Themistius Philosophe a plus lourdemēt failly en ce point que tous autres. Car il tenoit pour vray que non seulement en ceste vie mortelle nous pouuōs auoir entiere cognoissance des Anges: mais aussi que telle cognoissance estoit plus facile que toute autre à l'occasion de leur fermeté & stabilité naturelle que faiēt qu'ils ne sont

*Aug. lib. de
orig. ani-
ma*

*Arist lib. 1.
de anima*

*S. Thom.
lib. 3. cont.
gent. cap.
45. excom-
mentatore
comment.
63. et lib.
3. de anima*

muables comme toutes choses elementaires. A quoy s'oppose doctement S. Thomas, remonstrant que toute la cognoissance que peut auoir l'homme en ceste vie mortelle (car apres ceste vie il y en aura vne sans comparaison bien plus excellente par la contemplation de ce grand miroir qui comprend toutes choses) fault necessairement qu'elle procede des sens extérieurs moyenant lesquelz il conçoit vne espeece de ce qui c'est présenté aux sens comme on peult voir d'un aueugle nay & sourd aussi lequel n'a cognoissance de chose quelcōque. Or puis que les espritz n'ont poinct de corps ilz ne scauroient estre veus des œilz ny experimentés par aucuns des sens extérieurs, & de là vient qu'on ne peult faire aucune imaginatiō si ce n'est seulement par ce que nous en voyons par les effectz & mesmes S. Augustin confesse que c'est vne des plus difficiles questions du monde n'ayāt honte d'vfer de ces paroles *Fateor excedere vires intentionis meæ* & comme demonstre Aristote cōme preuenant Themistiustelle obscurité ne vient de la part des espritz mais de l'imbecilité tāt de noz sēs

Aug. lib. 3.

de trinit.

cap. 1.

Arist. lib. 2.

metaph.

que de nostre entendement lequel cō-
me il dit est sēblable à l'œil de la chou-
ette. Lequel ne peult voir la clarté du
Soleil biē qu'elle soit la chose plus visi-
ble des autres à cause de quoy tousceux
qui se sont mis en deuoir pour donner
les moyens comment cela se pourroit
faire, ils ont esté semblables à ceux qui
ont voulu par demonstration mathe-
matique demonstrier *Quadraturam circu-
li*, car ny pouuant venir ils sont esté cō-
straincts de faire vne infinité de faulses
hypotheses & suppositions. A ce reng
sont les deux Philosophes Arabes, A-
ben Rois (que aucū appellent par cor-
ruption de langage Auerrois) & Aben
pacé qui sont bien au long & ample-
ment rembarrez par Sainct Thomas &
pour venir à ceux qui ont plus aproché
de la verité Aristote accorde & preuue
q̄ ce peu d'esprits dōt il a eu cognoissā-
ce sont veritablement sans corps & su-
stances separees des elemens: car il voy-
oit bien qu'il fault que vne chose cor-
porelle soit proportionnee au corps
qu'elle veult mouuoir. Si dōc les intel-
ligences qui mouuent le ciel estoient
corporelles il faudroit que leur corps

s. Thom.
lib. 3. cont.
gent. cap.
41. 42. 45.

Arist. lib. 8.
physic.
lib. 12.

feust faict à la proportion de la quãtité des corps celestes & mesmes du plus hault qui est si grand qu'il comprend dessoubz luy tout le mōde & n'est point en aucun lieu quant à sa superficie supreme. Or si les espritz estoient formés à telle grandeur ilz seroiēt merueilleusement monstreux & hideux à voir ce qu'il ne fault estimer de ces substances que sont des autres les plus nobles & excellentes. Ilz mouuēt donq les cieulx comme faict l'ame raisonnable nostre corps c'est par la seule volonté à laquelle le corps ne peult resister quant au mouuement corporel pourueu qu'il en soit disposé *mouet voluntate non tactu*. Et ainsi c'est vn moyē tout admirable & à nous incomprehensible puis que tel moyen est spirituel & non pas corporel il y a plusieurs autres raisons qu'on peult voir en Aristote, mais pource qu'elles sont prinſes de la Physique & on ne les ſcauroit entendre si on n'estoit versé aux maximes de Philosophie il se faut contenter de celle que nous venons d'amenner. Platō a Philosophé plus hautemēt si l'on semble, mais non sans erreur, car ayant leu la ſaincte eſcripture & prenant

les motz à la rigueur de la lettre, il a dict
 que les nobles espritz auoient vn corps
 fort subtil de feu ou d'air ayant esgard
 à l'escripture qui les appelle faictz de
 vent ou de flamme de feu les proposant
 aussi en leurs apparitions vestus de telle
 matiere comme quand il est parlé de
 l'ange qui conduisoit le peuple au de-
 fert il est dict que c'estoit comme vne
 colomme de feu, & de iour comme vne
 nuee aussi en la montaigne de Sinay on
 voioit des esclairs, des lampes & flam-
 beaux de feu ioinct que les deux cheru-
 bins du propitiatoire estoient comme
 iouuanceaux ayans des esles & le rauis-
 sement d'Helie au ciel feust faict par le
 moyen de cheuaux de feu. Mais Platon
 n'entendoit pas que c'est l'ordinaire de
 la sainte escripture de nous proposer
 les choses haultes par vne metaphore
 des plus basses que nous sont plus fami-
 lieres en telle maniere tous les quatre
 elemens, les sept planettes, & mesme le
 ciel Empyre où sont les bien heureux
 avec Dieu, sont représentés au propi-
 tiatoire par choses artificielles les sept
 planettes par les sept lampes entre les-
 quelles l'vne estoit au milieu plus lui-

Psal. 103.

Exo. 13. 20.

1. par 18.

4. Reg. 2.

Exod. 25.

26.

sente & plus eminente que les autres
 representant le soleil & ainsi des autres
 choses comme aussi aux vestementz du
 grād prestre Aaron y estoit representé
 tout l'vniuers & mesmes la maiesté de
 Dieu comme dict le saige *Sapientia*.
18. in veste Aaron erat descriptus orbis
terrarū. Les chausses de lin representoient
 la terre non seulemēt par ce que la ter-
 re produict le lin, mais aussi daultāt que
 c'est le moindre des estoſſes qui sont là
 descriptes, la ceinture large dōt le pre-
 stre estoit ceinēt represētoit la mer Oc-
 ceane qui ceinēt toute la terre, la tunic-
 que de velours bleu avec les clochettes
 & pommes de grenade, l'air qui a telle
 couleur, les tonnerres & les foudres. Le
 roquet de toute varieté de precieusēs
 couleurs qui estoit sur ses espaules, les
 cieux iusques au firmamēt où sont tou-
 tes les estoiles : les douze pierres preci-
 euses qui y estoient inferees, les douze
 signes du Zodiaque: la mitre ou Thiare
 sur sa teste le ciel empiré, & la lame d'or
 où estoit insculpé le nō de Dieu ineffa-
 ble qui estoit par dessus tout represētoit
 la maiesté de Dieu, en telle maniere
 de faire Dieu nous est representé ayant

Sap. 18.

S. Thom. I.

2. 4. art. EX

probatiss.

rabin. &

Clemens

Alexan. lib

5. Stromat.

S. Th.

DISCOVRS

des œilz, des aureilles, des mains c'est à dire voyant ouyant & pouuant tout: ce que ignorans les Anthropomorphites soustenoïēt (en cela s'abusant avec Platon) que Dieu auoit vn corps: mais si cela estoit ce seroit vn corps monstrueux puis qu'il est par tout. Et si par mesme moyen il faudroit dire qu'il feust Aigneau, Lyon, Ours, & plusieurs aultres choses dont l'escripture vse par Metaphore. Ainsi donc quād les Anges sont descriptz ayant des esles estant vestus de vent ou de feu, cela ne nous peult signifier autre chose sinō qu'ilz sont fort prōpts, & agiles à exequuter le vouloir de Dieu comme l'explique le Psalmiste parlant des Anges & disant *Potentis robore seu Virtute ad audiendam Vocem sermonum eius*. Et mesmes les Ethniques ayant cela desrobé des antiquitez iudaiques (comme les appelle Iosephe) c'est à dire de la saincte escripture ils descriuēt Mercure ayāt des esles & aussi le vêt en façon d'un hōme qui a des esles pour la vifesse & celerité qu'ils pensoient & voioyent estre en ces choses, cōme aussi Homere descript tousiours Dieu qu'il appelle Iupiter, descendāt en terre cou-

Cassian.

collatio. 10

Cap. 2. 3.

psal. 102.

uert d'une nuee ayant cela desrobé des *Exod. 33.*

liures de Moyse où Dieu est tousiours
representé descendât en nuee *Exodi 33. Psal.*

Descendebat columna nubis ad ostiū taberna-
culi. Et cōme disoit le Roy Dauid *Descē-*
dit dominus & caligo sub pīctibus eius. Le *Psal. 17.*

vent aussi à eux c'est vn hōme ayant des
ēsses, car il est escript *Qui ambulat super*

pennas ventorum. Et pour mieux faire
entendre l'antiquité & maiesté de sa

sainte escripture & la source de l'opi-
nion de Platon laquelle les plus cele-

bres Philosophes & Theologiens ont
suiuie en partie cōme nous dirons tan-

toſt. Il est icy necessaire de remarquer
briefuement ce qu'ont amplement de-

monſtré noz anciens singulierement
Clement. Alexandrin, Origene, Euse-

be, & Tertulien c'est que tout ce que
iamais les poētes & Philosophes grecs

ou latins dirent iamais de beau & de
bon ilz l'auroient desrobé de la façon

de faire du peuple d'Israël. Nous auons
saint Chrysostome qui loue l'inuen-

tion des poētes quand ils descriuent le
Soleil estre porté dans vn chariot ar-

dent par quatre cheuaux courāls en po-
ſte: ce n'est pas tout fable (dict-il) si cela

Clemens
Alexandr.
in ſtom.

Orig. con-
tra Celsum
Euseb.

Tertul de
praſcript
& in apo-
legetico.

Chryſoſt.
hom. de a-
ſcenſion.
Helie.

est bien entēdu, car le soleil en grec est appelle Helios. Ayās donc treuue que Helie feust transporté au ciel dans vn chariot de feu par quatre cheuaux, De là ilz ont controuue d'en dire autant du
 1. paral. 28. soleil estimans que l'escripture parlast par Metaphore voulant par Helie signifier Helion c'est à dire le soleil &
 abach. 3. aussi d'autāt *Primum Paralip. 28.* on trouue les cherubins comme estans à vne charette. Abacuc au 3. Chap. les appelle les cheuaux de Dieu quand il dict *Qui ascendis super equos tuos.* Ainsivoloient dire les poētes que les cieulx estoient cōtournés & reuolus par les anges tout ainsi comme fils estoient portés par cheuaux fort veloces pour aultant aussi que les Iuifs auoient dans leur temple
 Numeri. 2. deux manieres d'oracle, l'vn c'estoit vocal & l'autre muet ou sans voix: le premier c'estoit quand Dieu parloit du milieu du tabernacle à Moÿse *Num. 2.* l'autre quād les pierres precieuses del'Ephod du grād prestre sortoit vne certaine splendeur qui signifioit bon heur de laquelle est parlé 1. *Regum.* Ainsi les gentils voulant en cela imiter les Iuifs ils ont eu deux manieres d'oracles, l'vn

qui parloit & estoit appellé *oraculum Dodoneū*, l'autre qui ne parloit point & estoit appellé *oraculum Hammonium* lequel mot d'oracle en hebreu ne signifie autre chose sinon vn locutoire, ou lieu où on donnoit des responces. Car il est appellé debir, en Grec peult estre appellé *λαλητειον* en latin *loquutorium* comme a remarqué Sainct Hierosme *Hieron sub finem lib. in epist. ad ephes.* & aussi cōme est escript en la loy qu'on presenteroit à Dieu en sacrifice des gasteaux mais que nul sacrifice ne seroit sans sel (comme dict Pline des gentils) *Omnibus sacrificiis adhiberi solita molam falam.* Et Ouide pareillement dict *Ante Deos homini quod cōciliare Valeret Far erat, & puri lucida mica salis.* Voila doncques la coustume des gentils laquelle a suiui Platon plus excellemment & subtilement que les autres, dont il en a acquis le surnom de diuin cōme lon dict *Diuinus Plato.* Qui est cause que ne nous debuons esmerueiller si Platon a dict que les anges ont vn corps de feu ou d'air puis que si clairement & si souuant l'escripture le reppete & pourroit bien estre aussi que il l'entēdoit au sens de l'escripture c'est à dire par meta-

Ouidius in fastis lib. I

phore, pource qu'ils ne sont point pe-
 sans cōme les corps humains, qui endu-
 rent lassitude au mouuement: ains plus-
 tost ils sont semblables aux oyseaux, ou
 aux nuces de l'air, ou veritablement
 pource qu'ils se representent aux hom-
 mes en telle maniere: Car sil a esté per-
 mis à Moysse de dire, que Dieu c'est vn
 feu, *Deus noster, inquit, ignis consumens est,*
 par ce qu'il s'est ainsi représenté à luy au
 buysson & à la mōtaine: pourquoy ne
 fera-il permis à nous de dire, que les es-
 prits sont d'air, ou de feu, à cause qu'ils
 se demonstrent tousiours ayans prins vn
 corps de l'air, ou du feu. Et à ce sens faut
 prendre sainct Augustin, quand il sem-
 ble dire, que les esprits ont vn corps. Et
 aussi S. Bernard, c'est à dire lors qu'ils se
 veulent à nous représenter: Car autre-
 ment ils ne scauroient, par ce qu'il n'y a
 point de proportion à nostre œil avec
 les substāces spirituelles. Ou bien veri-
 tablement aucuns ont ainsi parlé, vou-
 lant signifier que les esprits n'estoient
 pures qualitez, mais choses subsistantes
 d'ellesmesmes: cōtre l'erreur des Sadu-
 ciens, qui en disoient autant, reduisant
 toutes les apparitions recitees aux cinq
 liures

Aug. lib 3.
 de Trin.
 cap.

Bernard. in
 Cant. can-
 tic. 6. lib.
 de Cōside-
 rat. ad eu-
 gen.

ginations, ou phantasies des hommes ou au contraire les anges entendent, parlent, instruisent les hommes conduisent & gouernent les prouinces & royaumes & comme dict nostre Seigneur ils voyent tousiours la face de Dieu le pere qui est au ciel. En ceste maniere faut entendre Tertulien quand il dict que Dieu a vn corps non qu'il soit materiel, mais vn corps veut dire. C'est vne chose qui est veritablemēt subsistante s'accōmodāt à la petitesse de l'entendement des gens rudes & possible de certains Antropomorphites, qui comme dict Cassianus, par grande simplesse ignorance & rusticité ils ne pouuoient comprendre que aucune chose fust veritablement ayant vn estre subsistant si elle n'auoit vn corps, ne pouuant iuger plus loing, comme lon dict, que de leur nez. Toutesfois l'experience de l'ame seroit suffisante pour les faire penser plus haut, puis qu'elle faiet ses discours mesmes quād le corps est opprimé d'un profond sommeil attendu que Adam estant profondément endormy, il vid quand Dieu luy tira vne de ses costes pour en former la femme, & que l'ame

*Augustin^o
Tertulianus lib. de
haeresibus
haeresi. 86.*

fort hors du corps à la mort laquelle
 toutesfois nul ne peut voir à cause que
 c'est vn esprit (comme disoit Iesus-
mathei 26. Christ à telle heure, *Pater in manus tuas*
Ioan. 19. *commendo Spiritum meum & puis. Et incli-*
nato capite emisit Spiritum. Or qu'il fail-
 le prendre en bon sens telles phrases de
 parler il appert par ce que nous auons
 dict cy deuât qu'on ne peut faillir d'y
 ser des mots de l'escriture pourueu que
 tels mots soient prins au sens de l'escrit-
 ture comme tresbien Iesus Christ le
 monstre en saint Iean chap. 10. disput-
 tant contre les Pharisiens qui estoient
 trop chatouilleux des mots cōme sont
 plusieurs capiteux d'auourd'huy. Secō-
 dement par ce qu'ilz estoient grāds per-
 sonnages de grand sçauoir & n'est à ce-
 ste occasion vray semblable qu'ilz ayēt
 ignoré les textes du nouueau testamēt
 qui dient clairement qu'ilz n'ont point
 de corps. En troisiēme lieu pour autāt
 que bien souuent ilz se sont expliquez
 eux mesmes cōme entre les autres saint
 Athanase le quel voulant bailler vne
 lib. de cō- Athanase diffinition des angēs il dict tout court,
 muni essen *Angelus est animal rationale.* Mais pour ce
 na paris *et filii.* que ce mot animal) signifie vne cho-

se corporelle il a dict apres pour s'expliquer, *Est autem expers materiae*. En quoy il semble y auoir contrarieté ? mais a voulu dire qu'on ne peut faillir d'ainfi les appeller apres la saincte escriture qui les appelle animaux en l'Exode & en Abacuc, *In medio duum animalium*. Au reste qu'il faut entendre cela par Metaphore & par consequēt qu'ilz sont sans corps, ainfi Didymus precepteur de sainct Hierosme preuue qu'un ange ne peut estre qu'à vn lieu & de peur que de là on n'estimast qu'il fust donc corporel, car c'est le propre d'un corps, d'estre enuironné d'un lieu, il adioust au mesme passage qu'il n'est toutesfois circūscript ou enuironné d'aucun lieu s'expliquant & faisant entendre qu'il ne vouloit dire pourtant qu'il eust vn corps, autant en voyons nous en sainct Hierosme qui dit avec sainct Paul que les ames & les anges flechissent les genoils deuant Dieu : mais il ne faut entendre, dit-il, qu'ils ayent des membres comme nous. Or doncques deuant que venir en preuue de l'escriture il faut voir si l'opinion de ceux qui prennēt à la rigueur les mots tant de l'escriture des anciens

Abacuc 2.

Didymus
lib. 1. de
spiritu san
cto.

Hiero lib.
1. commēt.
in epist. ad
ephes. ad
cap. 3.

peres peut estre veritablement souste-
 nue sainct Thomas preue bien que
S. Thomas non. Premièrement s'ils auoient vn
cont. gent. corps d'air, comme disoit Apuleius ilz
vbi supra. ne seroient immortels ains tomberoient
 en fin en pourriture comme nous, par
 ce que ce qu'est composé de telles qua-
 litez elementaires faut qu'il soit com-
 posé de choses contraires & par conse-
 quent qu'elles s'entreruiuent & de cela
 on n'en scauroit donner aucune recep-
 tion. En second lieu l'air est vn corps
 qu'on appelle homogenée, c'est à dire,
 duquel toutes parties, voire les moin-
 dres sont de mesme nature comme tou-
 tes l'eau de la mer ou des riuieres: il
 faudroit donc dire que tout l'air ne fust
 autre chose qu'une grãde substance an-
 gelique. En troisieme lieu les mem-
 bres d'une chose viuante faut qu'ils soient
 organisez, ce que ne peut estre de l'air,
 & s'ilz estoient d'air ilz pourroient estre
 resoluz en eau, comme les nuées se-
 roient aussi humides & chaudes comme
 l'air & s'il estoient de feu ilz brusleroient.
 Estre d'air pour autant qu'ils habitent
 pour la plus part en l'air, pour ce sainct
 Paul escriuoit à ceux d'Ephese qui e-

estoient grands philosophes. Toutes ses
 absurditez monstrent assez qu'ilz sont
 dictz par aucuns doctes Philosophes
 & adonnez à la magie, comme remar- *Hiero. in*
 que sainct Hierosme, il leur faict entē- *epist. ad*
 dre que ce n'est point opinion contre- *ephe. in*
 uenāte à la pieté chrestienne, ains qu'il *prologo.*
 faut tenir qu'il y en a grand nombre en
 la region de l'ær contre lesquelz il faut
 batailler comme voulant insinuer qu'à
 ce sens ilz peuuēt estre appelez aerées
 pourueu qu'on entende qu'ilz sont es- *Ephe. 6.*
 prits n'ayans ny chair ny os, *Non est no-*
bis, dict-il, *colluctatio aduersus carnem &*
sanguinem sed aduersus principes & potesta- *Ephe. 6.*
tes aëris huius. Et d'abondant il les appel-
 le *Spiritualia nequitia in cœlestibus*. On *psal. 8.*
 peut bien dire (dict-il) qu'ilz sont acrées *Luc. 8.*
 ou celestes, mais il faut tousiours enten-
 dre qu'ilz sont esprits à ce sens les He-
 breux appellent les oyseaux animaux
 celestes & les hommes sont appelez
 terrestres, non que les oyseaux ayent
 vn corps de l'ær: car ilz sont esté faictz
 de l'eau, ny que les hommes ayent vn
 corps de vraye terre: mais pour ce qu'ils
 habitent en ces dictes regions de l'ær,
 & de la terre. Pour conclure ce qu'il en

faut tenir, il est de besoing d'ouir ce que enseigne la sainte escripture & pour l'ancien testament le Roy Dauid les appelle esprits quand il dict, *Qui facis angelos tuos spiritus*. Comme s'il disoit vous auez ainsi ordonné seigneur, que ceux que nous appellons anges soiēt esprits. Or il y a antithese entre vn corps & vn esprit si bien que la consequence est tousiours necessaire negatiuement de l'un à l'autre: tellement que si vne chose est corps il s'ensuiura quand & quand qu'elle n'est point esprit, & au contraire si elle est esprit elle n'est point corps qui est la consequence laquelle faisoit Iesus Christ à ses Apostres quand ilz estimoient qu'il fust vn esprit apres sa resurrection touchez dit-il, & regardez que ie suis (avec mon vray corps ressuscite) car vn esprit n'a ny chair ny os comme vous voyez que i'ay & quant il ny auroit autre texte il seroit suffisant pour prouuer qu'un esprit n'a point de corps, & de peur que nous n'entrions en opinion avec certains Stoiques d'une diuersité d'espece qui soit aux anges tellement que les vns ayent vn corps les autres non, saint Paul nous en bail-

psal. 103.

Luc. 24.

le vne maxime generale que n'a point d'exception quand il prononce ceste sentence disant: *Omnes sunt administrato-rii spiritus*, & ailleurs il dit que entre les creatures de Dieu il y en a d'aucunes qui sont visibles, les autres qui sont invisibles, comme sont throsnes, dominations principautez & puissances, à quoy nous pouuons adioindre ce que nous auons cy dessus allegué de l'epistre aux Ephesiens, où il faict vne antithese de ce qui est chair & sang avec ce qui est vn esprit. Et quant aux diables ilz sont aussi appelez esprits: mais à la difference des bons, il y a tousiours quelque restriction, comme en l'histoire de Achab, l'vn d'eux parle en ceste maniere. *Ero spiritus mendax in ore prophetarum*, & aussi souuent Iesus Christ les appelle esprits immundes ou anges du diable, comme saint Paul anges de Sathan, ce qu'il faut entendre d'imitation, non de creation: Mais dit on, ilz portent vn corps, & tant veritablement que Abraham leur l'aua les pieds, ils prindrent Loth par la main & le ietterent hors avec violence de bras & Iacob lui cta toute vne matinée

Hebre. 1.
Colloſſ. 4.

3. R eg. 22.

Matth. 12.
2. Cor. 12.

Tertul. de
carne chri
ſti.

Tertul. lib.
de carn:
christi.

avec eux. Il est vray qu'ils apportent vn corps autrement ils ne pourroient estre veuz, car ils sont (côme dit saint Paul) inuisibles, ce pendant il ne faut pourtant nier la sainte escriture laquelle nous enseigne clairement qu'ils n'ont point de corps. Pourquoy il faut dire avec Tertulien, *Habere corpora sed peregrina non sua*. Ce sont corps, dit-il, empruntez & non pas de leur propre nature. Nous voyons qu'un esprit s'apparut à la premiere femme ayant forme de serpent, toutesfois il n'y eust iamais homme si hebeté qu'il ait escrit que le corps des anges soit vn corps de serpent, il faut donc bien dire qu'il auoit forme d'ailleurs & de l'un des quatre elements, non de feu: car il brusleroit, ny de l'eauë, car cela se dissoudroit apres en eauë, ny de terre: car telle terre apres demurerait solide & la pourroit ou voir, il faut donc que ce soit de l'air, tant pour ce qu'ils habitent en haut, les bons esprits au ciel, les mauuais en l'air, que aussi à cause que tel element reçoit facilement toutes couleurs & formes, comme on void en l'arc au ciel diuersité de couleurs & aux

nuees par fois de formes de Dragon, serpent & autres semblables choses. Ioint que telles especes se resoluent au lieu d'où elles ont esté prinſes, dit Ter-
tulien. *Eadem ratione Species illa interce-
pta est qua & edita fuerat si non fuit initiū* *Terz. lib.*
visibile nec finis. Ce que nous voyons en *de carne*
la columbe qui descendist du ciel sur *christi.*
Iesus Christ, elle auoit esté formée en *Matth. 3.*
l'air & non pas en terre. Car il est dit,
Descendit spiritus sanctus corporali specie
sicut columba in ipsum. Autant en est il
dit des langues de feu & du vent qui
entrerent au Cenacle le iour de Pente-
coste, *Factus est repete de coelo sonus tanquā* *Act. 3.*
aduenientis spiritus uehementis. Ces espe-
ces donc venoient d'en haut, & aussi la
nuee par où Dieu le pere parla à la trās-
figuration, elle estoit en haut, & dispa-
rut aussi en haut, avec Moyse qui auoit
aussi vn tel corps d'air, & disparut avec
la nuee: car ayās leué leurs œils en haut
ils ne veirent rien plus que le seul Iesus
Christ, quand pareillement vn ange
s'apparust à Manuel pere de Samson, il
monta au ciel tout ensemble avec la fu-
mee du feu, ayant encores ce corps visi-
ble: mais peu à peu ils le perdirent de

veué, ce corps se dissoluant peu à peu en sa premiere matiere, autant est il dit de l'ange qui auoit accompagné Thobie, il est tēps, dit-il, de m'en retourner à celuy qui m'a enuoyé, & soudainement fesusanouyt d'eux. Aucuns aleguēt l'experience, & tresbien disans que si on veut couper tels corps, il aduient tout de mesme comme au rayon du soleil lequel se reunist soudainement sans y laisser aucune vestige de telle abscision, chose qui est fort propre à l'element de l'ær, fort conuenable pour conuaincre d'erreur Psellus, lequel au septiesme chapitre de son liure, tient qu'ils ont vn corps naturel, & toutesfois au vingt & troisieme, il accorde que tel corps estât balafre, à l'instant il se reioint comme font les parcelles de l'ær, il deuoit donc cōsiderer que c'estoit vn corps prins de l'ær, & non pas propre aux anges. Car quant à la raison qu'il amene que s'ils n'auoient vn corps, ils ne pourroient estre tourmētez au feu. Il est asseuré que par diuine puissance cela peut estre fait, & qu'un corps touche & opere à l'endroit d'un esprit, & au contraire ce que aucun Chrestien ne peut nier estre fait

*Psellus lib.
de energia
dæmonum*

.c.7. & 23.

par diuine puissance au sacrement de
 baptesme, ou l'eauë comme estant in-
 strument de la diuine bonté, vient à la-
 uer & nettoyer realement & veritable-
 ment l'ame qui est vn esprit, & quant
 aux œuures de nature on void assez par
 experience que les imaginations qui
 sont choses corporelles apportēt gran-
 de tristesse à l'ame, voire iusques à la
 mort comme mesme Iesus Christ le di-
 soit. Outre que par telle raison il fau-
 droit aussi dire que les ames des reprou-
 uez estant parties hors de ce monde ne
 sont enuoyces au feu d'enfer: car elles
 n'ont point de corps, qui seroit tomber
 en l'heresie de ceux qui disoient que les
 ames dormoient iusques au iour du iu-
 gement qui est chose manifestement
 contreuenante à la sainte escriture, la-
 quelle nous enseigne d'une part, que les
 ames des gens de bien s'en retournent à
 Dieu qui les a creez pour estre là en re-
 pos entre ses mains, & sous sa prote-
 ctiō ainsi comme le disoit Iesus Christ, *Eccl. 12. Sa*
 & apres luy saint Estienne: *Domin⁹ sus- pientia. 3.*
cipe spiritum meum, & saint Paul souhai- *Luc 23 Act.*
 toit la mort non pour autre occasiō, que *7. philip. 3.*
 pour estre avec Iesus, *Cupio, inquit, dissol-* *Apoca. 14.*

Luc. 16.

Math. 3.

Iud. in Ca-
nonic.

Ecc. 1. 2.

I. 1. 1.

BA 1. 1.

I. 1. 1.

I. 1. 1.

I. 1. 1.

ui & esse cum Christo, aussi saint Iean l'a confirmé en l'Apocalypse disant, les ames d'hors en là se reposent de leurs labeurs, à cause que leurs bonnes œuvres les ensuiuent, & le mourir disoit saint Paul me sera vn lucre, d'autre part elle enseigne au contraire que les ames des reprouuez sont cruciees au feu d'enfer, comme il appert par l'euangile du mauuais riche, & pour ce que saint Iean Baptiste disoit aux Pharisiens que desia la coignée estoit appliquee à la racine de leur arbre, & qu'apres tel arbre qui n'auroit porté bon fruit, seroit ietté dans le feu. Or saint Iude dit cela estre desia adueni aux Sodomites, Choré aussi Dathan & Abyron & leurs complices descendirent tous viuans en enfer. Quant à la question qu'on faiet comment peuent ils former tels corps à leur volonté. Saint Augustin respond que les esprits peuent par vne certaine agilité & puissance naturelle, faire tout ce qui ce peut faire par nature: car ils ont cognoissance, non seulement des effets de nature: mais aussi des causes par la grande subtilité d'esprit qu'ils ont, moyennant laquelle ils les appli-

quent si bien que ce que nature faict
successiuemēt & tout à loisir ils le font
à vn moment. Or on void en l'ar di-
uerses couleurs & figures pour certai-
nes causes & en esté l'on void souuent
que avec la pluye tombent des crapaux
& grenouilles par certaine corruption
d'ar s'engendrēt des papillons, chenil-
les & autres vermines, le tout par ope-
ration succesiue de nature, les esprits
doncques en peuuent tout autant fai-
re en faisant venir & vnir les causes, les-
quelles necessairement ensuiuent les
effets, ainsi lisons nous que le diable au
commencement print vne forme de
serpēt ce qu'on ne peut nier & les ma-
giciens de Pharaon par le moyen de
Sathan faisoient venir deuant le peu-
ple des serpens & des grenouilles au-
tant leur est il possible de former toute
autre figure & mesmes d'homme, com-
me il est tout manifeste par les appari-
tions recitées singulierement au liure
du Genese. Il faut donc necessairemēt
conclurre qu'il repugne tant aux rai-
sons de nature que à l'autorité de la
saincte escriture, que les esprits ayent
des corps & qu'il faut accorder qu'ils

DISCOVRS

font incorporels & inuisibles: mais il reste à sçauoir quand est-ce qu'ils ont esté créez, puis que Moyse n'en faict point de mention & aussi d'où est venu qu'il y a vne difference entre les esprits que les vns soient bons, les autres mauvais.

*De la creation, bonté ou malice des
AnGES.*

CHAPITRE III.

*Athanasie.
q. 1. ad
Antroc.
princip.*

A INCT Athanasie voulant donner vne entiere resolutiō des esprits au prince Antiochus, pour la premiere question qu'il faict, il demande à sçauoir si les anges ont esté créez, ou non, attendu que Moyse n'en faict aucune mention au premier chapitre du Genese, où toutesfois il fait estat de magnifier la puissance & bonté de Dieu, par l'œuvre de la creation & à bon droict & iuste cause, il commence par là ses questions. Car vn des plus grands arguments que puissent produire les Saduciēs & atheïstes, c'est que Moyse parlant de toutes

les creatures de Dieu & mesmes des
cieux, il n'a fait aucune mention des
anges à cause dequoy nos anciens s'y
sont exercez en mettant peine d'en
donner suffisante resolution. Comme *Chrisosto.*
sainct Chrysostome, sainct Athanase, *home. 2.*
Theodore & autres. Sainct Chrysosto- *in gen.*
me singulierement en deux passaiges *& hom.*
s'arreste à cecy. Je sçay bien (dit-il) par- *de ieiunio*
lant au peuple, que vous estes coustu- *& gen.*
miers à demander. Pourquoi n'est-il *lect.*
dit, *In principio creauit Deus angelos &*
archangelos, aussi bien comme il est es-
crit, *In principio creauit Deus cœlum &*
terram: attendu que les anges & archā-
ges sont sans comparaison, plus nobles
que le ciel ny la terre, Il faut sçauoir
(dit-il) que la sainte escripture, ce n'est
autre chose sinon vne lettre missiue
laquelle Dieu nous enuoye de sa part
par ses ministres & non moins que,
quand nous lisons que Helye fust en- *2. paral. 11.*
uoyé de l'autre monde portât vne let-
tre missiue au Roy d'Israël de la part de
Dieu, où il fust corrigé de ses fautes &
instruit de la volonté de Dieu. Or quād
vn grand seigneur escrit lettres missi-
ues, il s'accommode à la qualité & ca-

pacité du personnage auquel il adresse
 ses lettres, autrement il faiët escrire à
 vn prince, autrement à vn Philosophe
 d'une autre façon, à sa femme & d'au-
 tre maniere à ses enfans qui sont à l'es-
 colle. Donc la premiere lettre missiue
 que Dieu par sa bonté a mandé aux
 hōmes a esté le Pentateuque de Moyse
 lequel il a adressé au peuple d'Israël. Ce
 peuple d'Israël auquel s'adressoit icel-
 le lettre, c'estoit vn peuple fort rude &
 ignorant à cause qu'il venoit de sortir
 Exode 1. freschement de la dure seruitude d'E-
 gypte où ils auoient esté par l'espace
 de quatre cens ans cruellement oppri-
 mez estant contrains trestous de vac-
 quer à œuures mechaniques comme à
 amasser de la paille de l'argille & por-
 ter la hoste sur leurs espaulles pour faire
 cuire des tuilles, puis les porter aux
 lieux où l'on bastissoit les villes & py-
 ramides d'Egypte, sans auoir presque
 loisir de respirer ny recognoistre Dieu
 seulement, vn iour comme on peut ai-
 sēmēt voir par le discours fait au com-
 mencement de l'Exode, tellemēt qu'o
 peut proprement appliquer à tout ce
 veuple ce qui est particulièrement dit
 de

Ioseph, *Diuertit ab oneribus dorsum eius*, *Psal. 80.*
manus eius in cophino seruiuerunt, qui fust
cause qu'ils estoient gens sans lettres
aussi c'est le propre d'un Tyran, comme *Arist. polit.*
escrit Aristote aux politiques de ne *lib. 5.*
permettre que ses subiets vacquét aux
lettres, ce que Iulien l'Apostat a voulu
pratiquer à l'endroit des chrestiens, ils *Socrates*
estoyent donc trestous ignorans fors *lib. 3. 10.*
Moyse qui fust priuilegié à cause qu'il
estoit nourry au Palais du Roy, estant
adopté par la fille de Pharaon, ce que
remarque saint Estienne disant, *Erat Act. 6.*
Moyse doctus in omni scientia Egyptiorum:
il estoit docte en l'Astrologie, Geome-
trie, & Mathematique: mais le reste
du peuple estoit ignorant & ne pou-
uoient imaginer aucune chose, excepté
ce qu'ils pouuoient voir de leurs œils,
comme c'est l'ordinaire des gens rudes
& illiterés qui ne peuuent esleuer leurs
esprits plus haut que de la terre, ils ont
de coustume de se mocquer des Philo-
sophes qui disputent de la magnitude
du soleil & de la hauteur du ciel & ro-
tondité de la mer & de la terre, & c'est
pourquoy Moyse dit à Dieu en ce sens, *Exode 3.*
helas seigneur, ie m'asseure qu'il ne

voudront rien croire de tout ce que ie leur diray, car quand ie leur parleray de vous seigneur, de quel propos pourray-ie vser pour signifier vostre maiesté attendu leur grossiereté d'esprit, Dieu luy respondit tu te cōtenteras de luy dire que celuy qui est, t'a parlé, ne voulant qu'il leur parlast plus haut que du seul estre qui est la chose plus basse qui soit & que conuient à la moindre creature du monde, combien que les mots entendus par nature & non par participation facent vn sens bien haut, toutesfois il n'a vſé de telle distinction s'accommodant à eux & c'est le propos qu'en tiēt sainct Didymus, remonstrāt que selon la diuersité du temps & des personnes les prophetes & autres estoient venus diuersement au nom de Dieu les vns avec le nom du tout puissant, autres avec le nom de celuy qui est tout plein de bonté, autres avec le nom de rigueur implacable & ainsi (dit il) Moyse a esté mandé au peuple rude avec ce nom de celuy qui est, ne leur voulant exiger pour lors autre chose, sinon qu'ils sceussent que le Dieu de leurs peres estoit & n'estoit point com-

*Dydimus
lib. 2. de
spiritu san-
cto.*

me les dieux faux d'Egypte, qui n'estoient point en verité & n'auoient le seul estre, qui est le moins de ce qu'on peut auoir. En ceste maniere quād Iesus Christ s'adresse aux sept eglises d'Asie, il met diuers noms de sa maiesté au commencement de ses lettres, iouxte la diuersité des personnes. En ceste maniere aussi saint Paul preschant à Athenes entre les philosophes, il n'a voulu aucunement toucher la Trinité des personnes soy contentant seulemēt de leur dire qu'il y a vn Dieu createur du ciel & de la terre, *Deus inquit, qui fecit mundum & omnia quæ in eo sunt, cœli & terra dominus non in manu factis templis habitat.* Et sainct Pierre aussi pour son premier sermon fait aux Iuifs, il ne leur dict que Iesus Christ fust vray Dieu: mais s'accommodant à eux, il se contente de leur faire croire que Iesus Christ fust homme pur & innocent enuoyé de Dieu *Iesum, inquit, Nazarenum virum approbatum à deo signis & virtutibus:* mais apres il leur parle bien autrement quand ils ont esté capables d'une plus haute pedagogie, ainsi Dieu a déclaré par succession de tēps à ce peu-

Apo. 2. 3.

Act. 17.

Act. 2.

ple qu'il y auoit des anges & qu'ils auoient esté créez de luy, comme nous verrons tantost, & plus expressement encores au nouueau testament où les hommes ont esté plus instruits aux secrets de Dieu. Voila quant à la raison de saint Chrysostome qui est fort peremptoire. Saint Athanase en donne vne autre, disant que ce peuple estoit fort prompt à croire pluralité de dieux ayant cela tiré des Égyptiens par vne longitude de temps qui engendre volontiers vne habitude & coustume laquelle en fin se change presque en nature & c'est le propos qu'ils tenoiēt au desert, disans au nombre pluriel, *Hi sunt dii tui Israel qui te eduxerunt de terra Egypti*. Et pour ceste occasion Dieu s'est arresté d'auantaige à expliquer le premier commandement de la loy, qui dit, *Dominus deus tuus deus vnus est*, qu'à tous les autres le peuple estant plus enclin à ceste pluralité de dieux & mesmes ayant freschement forgé & adoré le veau. Ce que doiuent remarquer ceux qui quand il est dit apres, tu ne te feras aucune semblance des choses qui sont au ciel ou à la terre, ou à la mer, pensant que

Athanasie.
41. ad Ant.
prin.

Exode. 32.
Deut. 6.

Exod. 20.

ce soit le second commandement & demandent pourquoy les curez ne le prononcent ils au profne, ne voyans que ce que faiët le curé, ce n'est qu'un petit sommaire des commandemens de Dieu & que ce dont ils se querellent ce n'est commandement: mais vne plus ample explication du premier commandement contre lequel ce peuple auoit de longue main & tout freschement plus offencé. Pource dit fort bien saint Athanase qu'il n'estoit besoin de leur parler des anges: car ils les eussent quāt & quant estimez estre dieux. Ce qu'ot faiët Carpocrates, Basilides & autres disciples de Simon Magus, ainsi que ont laissé par escrit saint Hirenée & Tertulien. Nous pouuons adiouster vne troisieme raison qui est tirée des plus recens Theologiens & c'est que la fin & le but de la loy c'estoit Iesuschrist qui deuoit prendre la chair d'Adam & non la nature des anges, ainsi qu'est escrit par saint Paul, *Finis legis christus* & *nusquā angelos apprehendit sed semen Abrahæ apprehendit*. N'estant doncques Iesus Christ redempteur des esprits, comme il deuoit estre des hommes, à bon droit

*Sap. lib. 1.
Tertul. de
prescrip.
heret.*

*Iacob. christopolita-
nus. episco.
in psal. 81.*

*Rom. 1. 10.
Hebreo. 2.*

Moyse a passé soubs silence les anges farrestant aux creatures visibles, sur lesquelles l'homme auoit domination, pour conclurre en fin que le seul homme a esté en ce priuilegié d'estre faict à l'image & semblance de Dieu, pour estre en fin deifié & faict consort de la diuine nature par Iesus Christ. Enquoy il veut adresser & conduire l'homme à recognoistre la grace de Dieu enuers luy, puis qu'il a eu plus de souuenance de luy, que mesmes des anges, lesquels à bon droit on pourroit passer soubs filëce, si on a esgard à la nature humaine tant honorée par le verbe diuin, si bien qu'à ceste heure & à iamais, celuy qui est le vray Dieu & de tous adoré, c'est vn homme comme nous, autant veritablement homme comme ie suis homme & autant veritablement homme, comme il est veritablement Dieu. Et c'est ce que veut cōclurre saint Paul, parlant des anges, contre les Iuifs desquels ils faisoient grand cas, *Nusquam* (dit-il) *angelos apprehendit sed semen Abrahæ*, & par mesme moyen nous voyons qu'il n'est iamais parlé à l'ancien testament du peché de Lucifer & ses com-

plices sinon indirectement & en passant seulement, pour faire comparaison des hommes orgueilleux à luy, comme en Esaye 14. cap. où est parlé de Nabuchodonosor Roy de Babylone, & en Ezechiel 18. où est fait discours du Roy de Thir, tous deux merueilleusement hautains & orgueilleux contre Dieu. Ce sont (dit l'écriture) d'autres Lucifers : mais de propos delibéré, il n'en est faite aucune mention, seulement, cela est mis en auant, *Per accidens*, comme l'on dit. Car Iesus Christ n'a point racheté les malins esprits : comme il a racheté les hommes, ains il prononce clairement que le feu d'enfer est préparé, *Diabolo & angelis eius*, pour toute eternité. Toutesfois combien que Moyse n'en eust parlé clairement, il les a assez insinuez tacitement, quand il dict, de tous les sept iours qu'ils ont esté reuolus, le ciel faisant son cours & causant la nuit & le iour, le soir & le matin, ce qui ne se fait point sans le ministere des anges, & d'abondant quand il a conclu, *Igitur perfecti sunt caeli & terra & omnis ornatus eorum*. Or par l'ornement parfait du ciel, il faut en-

Esaye. 14.

Ezechiel

28.

Matth. 25.

Gene. 1.

Genese. 2.

tendre les anges. Car le plus beau ornement qui soit au ciel, c'est le mouvement, sans lequel (comme mesmes a cogneu Aristote) le ciel ne pourroit donner aucune influence en terre & est insinué par saint Iean quand il dit.

Apoc. 10.

Iuravit per viventem in secula quod non erit amplius tempus. Et c'est comme si on disoit, voyla vn homme parfait, il faudroit entendre qu'il eust vne ame & que son corps fust disposé au mouvement naturel à l'homme & pource

*Chrisosto.
hom. 10.
in gen.*

saint Chrisostome par cest ornement moneste qu'il ne faut entendre seulement la clarté ou les estoiles: mais aussi plusieurs autres choses hautes & basses, mais d'autant que telles loquutions sont fort obscures. Saint Athanase,

*Theodore
in epitom.
diuin. de-
cret. lib. 5.*

Theodore, & saint Chrisostome déclarent s'il est point parlé claiement en l'écriture que les anges soiēt esté créez de Dieu, & respondent tous que ouy.

Premierement le Roy Dauid a fait vn Pseaume exprés de la creation du monde, où il parle de toutes creatures generalement spirituelles, raisonnables, sensibles, terrestres, aquatiques &

Psal. 103.

aërées qui est le Psalm 103. où il com-

mence à parler de la maïesté de Dieu en ceste maniere, *Confessionem (sue maïestatem) & decorem induisti amictus lumine sicut Vestimēto*. Apres il parle quād & quād des cieux disant qui les a estendus sur nous. Comme vne peau ou paillon & soudainement, il faiçt mention des anges disant, *Qui facis angelos tuos spiritus*. Il faisoit, (dit-il) ses anges esprits, sur quoy est bon de noter pour mieux entendre ce lieu & autres de la bible que les Hebreux n'ont que trois tēps en leurs verbes, le preterit, le present & le futur & n'ont point comme les Grecs, & Latins, preterit imparfait ou plus que parfait à cause dequoy le present des Hebreux peut selon la cōmodité de la sentence estre traduit au preterit imparfait comme aussi le preterit parfait, au plus que parfait, en ceste maniere font en ce passaige les Hebreux, comme qui diroit en Latin, *Qui faciebas angelos tuos spiritus*, c'est à dire, au temps de la creation, seigneur, vous veniez à faire & creer des esprits pour estre vos messagers & ministres & ainsi Dauid par ce lieu, non seulement il enseigne que Dieu a creé

les anges : mais aussi contre l'opinion
des Grecs & quelques Latins que les
anges furent créez lors que Dieu crea
le ciel & la terre & non point comme
on veut dire plusieurs millenaires d'as
deuant, car non sans cause apres auoir
faict mention de l'essence de Dieu, il

*Hieronim. in
epistolam
ad Titum*

8. Thom. 1.

p. 7. 61. ap.

3.

psalm. 148

met les cieux, tout quāt & quāt apres &
consequāment les anges, puis les autres
creatures : Le mesme fait-il au Psalme
148. où il inuite toutes creatures à louer
leur createur : il n'oublie point les an-
ges, ains les met au premier rang, disant,

*Laudate eum omnes angeli eius, laudate eum
omnes virtutes eius, & puis il cōclud que
Dieu les a faits & créez avec toutes au-
tres creatures par ces parolles. Quoniam
ipse dixit & facta sunt ipse mandauit &
creata sunt. Le mesme ordre presque
est gardé par les trois iouuenceaux es-
prouuez à la fournaise de Babilone, ils
protestent en premier lieu de vouloir
inuitez toutes les œuures de Dieu à be-
nir leur createur, puis les voulans par-
ticulariser, ils amènent les anges, com-
me les plus excellentes creatures chan-
tans harmonieusement & disant, Bene-
dicite omnia opera domini domino, cantate*

Daniel. 3.

Et *super exaltate eum in secula. Benedicite angeli domini, domino, Benedicite coeli domino*, où est à remarquer pour ne sembler enfreindre l'argument mis en auât cy dessus cõtre ceux qui ont estimé que la creation des anges eust long temps deuant precedé celle du ciel, que en ce lieu & certains autres, le ciel est mis apres les anges, & c'est pour demonstrier l'excellence des anges par dessus toutes autres creatures : mais de donner raison, pourquoy les cieux ont esté prefe- rez aux anges, on n'en sçauoir donner facilement & liberallement autre rai- son. Sainct Iean Chrysostome dit que saint Iean a fait mention de la creatiõ des anges, quand il a dit, *Omnia per ipsum facta sunt, & sine ipso factum est nihil*. Et saint Paul a par maniere de dire com- menté ceste sentēce de saint Iean, com- me ayant esté rauy au ciel apres luy, quād il a escrit à ceux de Collosse. *Quo- niam in ipso cõdita sunt vniuersa in coelis & in terra visibilia, & inuisibilia, siue throni, siue dominationes, siue principatus, siue po- testates, omnia per ipsum & in ipso creata sunt*. Ce qu'estant hors de doute contre tous Manicheēs Marcionistes & autres

Chrysosto.
 hom. de ie-
 iunio Ge-
 nesi lecti.
 Ioan. 1.

Colloss. 1.

disciples de Simon Magus, il faut par
mesme moyen conclurre que Dieu a
créé tous les anges, non mauuais : mais
bons, voire parfaits en toute bonté, de
nature & de grace: car tout ce que Dieu
a fait, il la trouué & approuué estre fort
bon, comme dit Moyse, qui donnant
aussi la raison au peuple, sur la fin de ses
liures, *Dei (dit-il) perfecta sunt opera*, &
depuis le sage nous fait sages, que Dieu
a fait toutes choses en nombre poix &
mesure, & où l'on ne sçauoit trouuer la
moindre discorde ou macule : nous as-
seurâtaussi Iesus Christ que le diable n'a
voulu persister en verité, c'est à dire en
toute intégrité, cōme il auoit esté créé,
& d'auantaige qu'il auoit esté au ciel:
mais qu'il en estoit descheu comme vn
foudre. Saint Pierre & saint Iude d'a-
bondât donnēt la raison de telle cheu-
te, pour autant disent ils qu'ils ont cō-
mis peché contre Dieu, & tel qu'estant
enueloppé de malice & obstination il
a esté irremissible & indigne de pardon.
En ce mesme sens est dit en Iob 4 c. *In
angelis suis repperit prauitatem*. Outre que
quand il n'auroit autre texte à ce pro-
pos hors mis celuy qui est en saint Ma-

Genese. 2.

Deut. 32.

Sap. 11.

Ioan. 8.

Aug. lib. 11.

de ciuit.

cap. 15.

Iud. in ca-

non. 2. pe-

tri. 2.

Iob. 4.

Matth. 25.

thieu, où Iesus Christ predit qu'il en-
 uoyera le diable & ses anges au feu eter-
 nel ce seroit argument assez suffisant
 (comme conclud fort bien Theodoret)
 pour faire à croire qu'il a esté créé avec
 bonté & perfection: mais que de son
 gré & expresse malice il a choisi le mal
 pour se rebeller cõtre Dieu, *Non est enim* Theodoret
 (dit il) *iusti dei propriū eū punire qui necessi-* lib. epito.
tate malus sit. C'est certainement contre *diuino. de-*
 la nature bonté & iustice de Dieu le- *cret.*
 quel ne damne personne si par sa mali-
 ce il n'a deseruy telle peine, à bon droit
 doncques Porphire philosophe est par
 saint Augustin redargué, par ce qu'il
 disoit y auoir vne certaine maniere
 d'esprits qui estoient naturellement
 mauuais & trompeurs, Non (dit-il) ce *Augu. lib.*
 n'est point par nature: mais par leur *14. de ciuit.*
 propre volonté. Il reste donc à sçauoir *cap. 3.*
 de qu'elle espece de peché ils ont esté
 trouuez coupables, saint Augustin
 nous en resoult, puis qu'il est ainsi (dit-
 il) qu'ils sont esprits, il ne faut penser
 qu'ils soient fornicateurs, yurognes, ou
 adonnez à quelque autre genre de vi-
 ces qui procedent de la chair, mais il
 faut considerer qu'il y a deux manieres

D I S C O V R S

de peché qui sont appelez spirituels,
pour autāt qu'ils sont propres aux sub-
stances spirituelles & tels sont orgueil
& enuie. Sainct Augustin n'a dit cecy
de sa teste, ains a eu esgard à l'escriture
laquelle specifiant les pechez propres
à Sathan fait mention de *crux* cy com-
me Esaye & Ezechiel voulās exagerer
la grande outrecuidance & orgueil des
Roys de Babylone & de Thire ils font
vne comparaifon d'eux avec Lucifer,
comme aussi fist nostre seigneur voyāt
que les Apostres s'enorgueillissoient
de ce que à leur parolle & commande-
mēt les diables s'enfuiſſoyent, ne vous
esiouiffez pas dit-il, pour cela, car i'ay
veu Sathan tomber du ciel comme vn
foudre, insinuant par ses paroles, que
la cheute du diable auoit esté l'orgueil
& apres luy, sainct Paul exhortant les
Euesques à toute humilité, que l'Eueſ-
que (disoit-il) ne s'esleue point en or-
gueil de peur qu'il ne tombe en mes-
me condamnation avec le diable, &
quant est de l'enuie, il est escrit, *Inui-*
dia diaboli mors intrauit in orbem terrarum,
Vray est que cela se rapporte à l'hu-
main lignage, qui est pour nous don-

Augu. lib.
de ciuit. 15.

Esaye 14.
Ezech. 28.

Iuc. 10.

L. Thim. 3.
cap. 2.

ner entendre que le diable n'est tombé en enuie iusques apres la creation de l'hōme, & que l'orgueil a esté son propre peché au ciel. Or soit qu'il se soit tant prisé pour les dons de nature qu'il se aduisoit d'auoir, qu'il eust estimé pouuoir estre beatifié & fait cōsort de la diuine nature (qui est monter au pl^o haut degré qu'il est possible à la substance intellectuelle) par ses propres moyens & forces naturelles (comme le semble insinuer Esaye, Ezechiel) ou bien qu'il n'eust voulu recognoistre pour chef le mediateur des hommes & des anges Iesus Christ, qui leur estoit par reuelation diuine proposé, comme il fist apres à Adam & à tous les peres de l'ancien testament, certain est que par grād orgueil il a rebellé à Dieu resistant à sa volonté, si bien qu'il y a eu bataille au ciel (en la maniere que les esprits ont de coustume de batailler en resistant à force de volonté l'un contre l'autre) si bien que les bons anges n'ont voulu ad'herer à sa pernicieuse entreprinse, ains luy ont resisté de toutes leurs forces accomplissant ce qu'est es- *Psal. 102.*
crit d'eux, *Benedicite doīnum omnes an-*

*geli eius potentes Virtute qui facitis Verbum
eius ad audiendam Vocem sermonum eius.*

Ainsi par orgueil les mauuais esprits
ont esté deboutez du haut ciel, ou au
contraire les bons esprits ont esté bea-
tifiez par la communication de la face
& vision de Dieu, ce que aussi a donné
entédre Iesus Christ quād par orgueil
ses Apostres luy demandoient lequel
d'être eux seroit le plus grād au royau-
me des cieux & il print par la main vn
petit enfant (leur disant) si vous ne dō-
nez ordre d'estre comme ce petit en-
fant, vous n'y entrerez point & gardez
vous d'escandalizer les petits enfans,
car leurs anges voyent tousiours la face
de mon pere qui est és cieux, voulant
dire que les enfans à cause de leur hu-
milité naturelle il sont en cela sembla-
bles aux anges, lesquels par ce moyen
ils ont eu la vision de la face de Dieu.
Or depuis ce tēps là, il y a eu tousiours
bataille & contrariété de volonté en-
tre les bons & mauuais esprits: comme
il est tousiours aduenü entre les bons
& mauuais hōmes, Abel & Cayn Isaac
& Ismael, Iacob & Esau & c'est ce que
propose saint Iean en son Apocalipse,
que

que vne grande bataille a esté donnée
au ciel entre Michel & ses anges & le ^{Apoc. 12.}
Dragon avec ses anges aussi, comme ^{Ind. in}
aussi saint Iude nous propose le mes- ^{canonic.}
me Michaël disputant & altercât con-
tre Sathan. Estant dōc mauuais & hors
de la grace de Dieu, il ne peut que vou-
loir faire mal, ce qu'il ne peut executer
contre les bien heureux & saints de
Paradis, pour autant il a conuerti sa ra-
ge contre l'homme qui est fait à l'ima-
ge de Dieu & constitué icy bas en terre
pour l'adorer & recognoistre & seruir
de tout son cœur, aux fins que par tels
moyens il soit en fin participant de la
gloire & felicité diuine de laquelle il
en a esté priué comme nous auons dict
par son orgueil, &c'est ce qu'il nous faut
considerer au chapitre ensuiuant.


E

DISCOURS

Des moyens qu'ont les malins esprits pour
Venir vers nous, en quelle region du mon-
de ils resident, comment ils sont liez, &
de leur façons de faire pour tempter les
hommes.

CHAPITRE. IIIL.

Du lieu où
residēt les
malins es-
prits.

 R quand est des moyens qu'il
a pour ce faire l'escriture nous
enseigne que en tōbant du ciel
lesvns demourerēt en la moyēne regiō
de l'ær qui est tenebreuse, pour autant
que les rayons du Soleil passent tout
oultre sans rencontrer aucun corps soli-
de par le moyen duquel ils puissent fai-
re aucune reuerberation sans laquelle
ils ne luisent point cōme on void dans
vne caue où l'ō n'apperçoit clarté quel-
conque excepté au lieu où le rayon
s'arreste, & quand nous n'aurions autre
preuue que la reigle generale de saint
Hierosme elle nous deuroit suffire at-
tendu qu'il dit ces propres mots. *Omniū
ephefios. ad doctorem opinio est quod aer iste qui cælum
cap. 6. & terram medius diuidens, inane appellatur
plenus sit contrariis fortitudinibus.* Puis

doncques que iamais aucun docteur de
l'eglise n'en doubta, voire les premiers
& plus anciẽs, il faut bien estimer qu'ils
en auoient bon tesmoignage par l'escrit-
ture, ils confideroient donc que nostre
seigneur en la parabolle de la semence *Luc. 8.*
par les oyseaux du ciel qui mangeoient
le grain auoit entendu & ensemble in-
terpreté les diables qu'il appelle oy-
seaux du ciel c'est à dire de l'air selon la
phrase vsitée aux Hebreux & à nous
aussi qui auons coustume de dire que la
pluye viẽt du ciel, c'est à dire de l'air : car
comme a bien remarqué saint Hiero-
me tous les Philosophes sont d'accord
que les nuees d'où procedẽ l'eau de la
pluye ne sont point esleuées sur la terre *Hiero. vbi*
plus que de deux mille pas pour le plus, *supra.*
où il y a vne distance sans comparaison
biẽ plus grãde, du ciel à la terre, auquel *ephes. 6.*
sens S. Paul a escrit aux Ephesiẽs q̃ no-
stre combat ne gist point cõtre les hõmes
principalement, mais cõtre les princes
de ce mõde qui sont esprits mauuais ha-
bitãs la haut aux parties celestes, & cõ-
me il explique toutes scs autoritez &
autres semblables au secõd chapitre de
la mesme epistre, par ces parties celestes

DISCOVERS

il faut entendre l'ær, *Secundum seculum mundi huius* (dit-il) *Secundum principem mundi huius* (dit-il) *Secundum principem potestatis aeris huius, spiritus qui nunc operatur in filios diffidentiae* (autant en dit saint Iude en sa canonique) remonstrât que tels mauuais esprits sont constituez en l'ær caligineux pour estre reseruez au iour du grand iugement pour entendre ces parolles, allez vous en au feu eternel, qui est preparé au diable & à ses anges: voyci ses parolles, *Angelos qui non seruauerunt suum principatum sed dereliquerunt suum domicilium in iudicium magni diei vinculis æternis sub caligine reseruauit.* A quoy se peut aussi rapporter ce qui est escrit en saint Luc, où est recité que les diables prioient Iesus Christ de ne les enuoyer point aux abismes (d'ëfer) mais plustost aux porceaux & ils se plaignoient par mesme raison, disans à nostre seigneur, *Vt quid venisti ante tempus torquere nos.* Comme fils disoient, nous sommes to⁹ assurez de nostre totale damnation: mais le temps n'est encore venu: car cela sera executé entierement au dernier iour du grand iugement, il n'est encores venu, laissez nous donc encores en ces quartiers.

Iud. in ca-
nonic. vid.
2. petr. 2.

Luc. 8.

Matth. 8.

iufques en ce temps là de mefme peut
 eſtre entendu, ce qui eſt dit en l'Apoca-
 lipſe *Veh terræ & mari quia descendit dia-* Apoc. 12.
bolus ad vos habens irā magnā, & apres au
 mefme liure eſt dit que c'eſt aduerſaire
 a eſté mādē en l'eſtāg de ſoulphre & de
 feu. De reſouldre quelle differēce il y a
 entre les diables qui ſont deſia aux en-
 fers à ceux qui ſont encores en l'ær, biē
 que à cela S. Hieroſime n'a voulu mettre
 la main pource q̄ce euſt eſté vn peu hors
 propos & ſi il craignoit (comme il ſ'en
 excuſe) d'eſtre trop ennuyeux, pour
 ſ'arreſter par trop ſur vn paſſaige ſi eſt-
 ce que nous en parlerons tantost à cau-
 ſe que le ſubieſt le requiert, tant y a que
 c'eſt choſe aſſeurée qu'il y a vn grand
 nombre de malins eſprits qui habitent
 en la region de l'ær tenebreuſe & deſ-
 cendent cy bas quand Dieu le permet,
 Dieu l'ayant ainſi permis par ſa proui-
 dēce. Premieremēt pour ſe ſeruir d'eux
 qui ſont ſes creatures: mais à vils offices,
 cōme vn Roy & la iuſtice ciuile ont de
 couſtume condamner certains mal-fa-
 cteurs non à la mort, mais à offices qui
 ne leur apportēt aucun profit, ains pei-
 ne & trauail ſeulement pour le bien tou-

Hiero. lib.

3. commēt.

in epiſt. ad

epheſ.

Bernard.

Hiero. loco

citato &

Augu. cō-

tra faust.

manich.

Iob. i.

2. corinth.

11.

tesfois du public, ainsi iadis aucuns estoient condânez à vne isle ou aux montagnes pour y couper les mōtaignes de marbre au profit du prince estās nonobstāt tousiours enchainez de chaines de fer au pied & ayans bōnes gardes: cōme l'ō fait encores de ceux qui sōt aux galeres. Secondement pour nostre exercice & cōme l'applique saint Bernard apres saint Hierosme les Hiebusiens Philistins & autres peuples barbares qui furent delaissez par diuine permission aux limites de la terre de promissiō pour seruir d'exercice au peuple d'Israël lequel sans cela eust facilement recalcitré contre Dieu, estoient vne figure des malins esprits lesquels Iesus Christ deuoit delaisser apres sa mort & passion en l'air pour nous exercer en bien comme le sablon infructueux & sterile sert de nettoyer & clarifier les vaisseaux d'or & d'argēt qui sont soigneusement gardez en la grāde maison d'un pere de famille ainsi a esté exercé Iob, en sōme tous gēs de bien, iusques à saint Paul qui dit auoir enduré des soufflets de Sathā, mais aussi il cōclud en l'epistre cy dessus alleguée où il fait mētion de ce propos que

nostre redempteur nous a voulu premièrement par le merite de sa precieuse mort & passio armer trestous de cap en pied: cōme vrais champiōs de Dieu. Le glaiue (dict-il) est la parolle de Dieu, le heaume c'est l'esperāce, le halecret, c'est charité, & le bouclier, c'est la foy: cōme 1. Petr. 5. aussi disoit saint Pierre, *Cui resistite fortes in fide*, en somme moyennant ces armures le diable ne peut rien, voire du tout riē sur nous, cōme le mōstre saint Augu. lib. de nat. & gratia cap. 58. nous vsons de nos armes comme dict saint Iacques qu'il s'enfuit soudainement qu'on luy resiste *Resistite* (dit-il) 1ob. 4. *diabolo & fugiet à vobis*. En second lieu pource qu'il ne gaigne iamais aucū excepté seulemēt ceux qui ne veulēt resister, brief cōme l'on dit, *Non vincet nisi volentem*. Estans aussi cōstituez en ceste maniere aupres de no^r, ils ont vne bride la diuine prouidēce laquelle soit par le ministere des bons anges ou autrement cōme bon luy semble cohibe tellement leur rage & malice qu'ils ne puissent faire tout ce que seroit bien, mesmes en leur puissance naturelle, & faut que

deuant qu'ils facent quelque chose ils
Tertul. lib. en demandent congé à Dieu, comme
de fuga. in estant ses esclaves : Ainsi voyons nous
persecut. Sathan auoir demadé cōgé à Dieu d'aff-
Iob. 1. fliger Iob en sa personne & en ses biēs
& les diables dont est faicte mention
Matth. 8. en l'euangile n'auoiēt entrer aux por-
ceaux sans auoir eu de cela congé parti-
culier de Iesus Christ (comme le mon-
stre bien amplement Tertulien,) & de
telle bride parle saint Paul, quand il
1. corint. 10 dit, *Fidelis deus qui non patietur vos tentari*
supra id quod potestis. Il permet plusieurs
choses à Sathan: mais tellement de me-
sure que la tētation qu'il nous veut in-
ferer ne soit point par dessus nos forces
pource il ne faut disputer : pourquoy
Dieu afflige plustost vn que autre & en
tant de façons diuerses : car il cognoist
bien qu'un ieune adolescent cōme Da-
uid a biē la hardiesse & le pouuoir d'en-
trer au combat contre le Geāt Goliath,
ou les pl^s forts & robustes d'Israël (mes-
mes selon l'oppinion du monde) y fus-
sent facilement succombez. Ce pendāt
le diable en nous exerceāt en telle ma-
niere par la malice qu'il a cōtre Dieu &
l'enuie qu'il nous porte, il ne faiēt que

ſ'acquérir touſiours nouuelle peine: ſi
 bien que les malins eſprits qui offence-
 rent d'auantage apres leur creation cō-
 me leur malice, orgueil & ingratitude
 & eſtoit plus grande & furent enuoyez
 aux infinies abifmes d'enfer ils ont deſ-
 ia toute leur peine qu'ils pourrōt auoir,
 mais ceux qui ont eſté delaiſſez en l'air
 ayāt moins offenſé, ils ſ'acquierēt tous
 les iours nouuelle dānation, non quāt
 à la priuation de la viſion de Dieu qui
 eſt cōmune à tous: mais quāt à la peine
 du feu, & c'eſt ce q̄ les docteurs du tēps
 de S. Hieroſme ſouloient dire que ſi vn
 chreſtien reſiſte aux tentatiōs du diable
 il fait nō ſeulement choſe qu'eſt à ſō pro-
 fit particulier: mais auſſi il fait dubiē au
 diable à ſon ennemy quād par ce moyē
 le diable ne acquiert vn tormēt ſi grād
 cōme ſ'il auoit vaincu le chreſtien: car il
 en ſeroit puny cōme ayāt eſté occaſion
 de tel peché & à ces meſmes fins voyōs
 nous que les diables craignoient d'eſtre
 enuoyez aux abifmes, par ce q̄ fort lōg
 tēps ils auoiēt tourmētē corporellemēt
 vn poure iuiſ. Ceſte prouidēce de Dieu
 fait encores par meſme occaſiō que ſils
 ne ſont enuoyez aux plus bas enfers, au

Hiero. l.b.
 i. commēt.
 in matth.
 ad cap. 5.

Luc 8.
 de quel
 lien ils ſont
 liez.

moins ils sont liez en quelque quartier du monde, qui n'est autre chose à dire sinon que Dieu les condamne à ne bouger d'un certain lieu déterminé sans pouuoir operer aucunement ailleurs, qui est vn des plus grâds tourmēs qu'ils puissent auoir par ce qu'ils sont esprits & de nature genereuse complantez & créez avec toute liberté pour operer promptement en tous lieux où leur volonté se plaist, & à cause de ce sont appellez par Tertulien, *Quodammodo volucres*, ayants vne agilité bien plus excellēte que tous oiseaux, & fil faut ainsi dire par telle allegation, ils sont mis cōme dans vne caige ne pouuans voler ny çà, ny là pour faire aucune chose à leur volonté estans detenus par force & cōtrainte tremblans & violentes au commandement de Dieu, & ainsi doit estre entendu le passage du liure de Thobie, où est dict que Raphael a prins le diable Asmodeus (qui signifie en Hebreu exterminateur) & la banny & lié au desert de la superieure Egypte, & aussi tant de passages qu'il y a en l'Apocalipse, où est souuent repeté que Sathā seroit lié puis qu'il seroit deslié, qui n'est autre chose

Tertul. lib.
de ani-
ma c. de
Somniis.

Tobie 8.

Apoc. 20.

à dire sinon toute puissance & exercice
 luy estre ostée par diuine puissance & a-
 pres luy estre restituée, il sera deslié aux *Apoca. 16.*
 derniers iours, quand il luy sera permis *2. ad*
 d'executer toute sa rage sur les gens de *Tessalo. 2.*
 bien par le ministere de l'antechrist ius-
 ques à faire de miracle: cōme faire des-
 cendre visiblement le feu du ciel & autres
 choses semblables descrites au long par
 S. Iean en l'Apocalipse. Et quant à tous *Apoca. 20.*
 ses effets il en est maintenāt lié, biē que
 naturellemēt il le puisse faire aussi bien
 maintenāt qu'il le fist du tēps de Iob & le
 fera au tēps de l'antechrist, aussi il a esté
 lié parla mort & passiō de Iesus Christ à
 ne pouuoit pl⁹ parler sensiblement aux
 hōmes par les oracles cōme on peut voir
 en l'Apocalipse, & l'experiēce l'ēseigne: *S. Tho. in*
 mais sur la fin du mōde il sera tellemēt *quest de*
 delié qu'il parlera familièremēt aux per- *potent. q.*
 sōnes & paroistra à eux en forme visible. *6. art. 5. &*
 Tous ces discours sont sincopez en vn *Augu. lib.*
 mot par S. Thomas quād il dit *20. de ci-*
Dæmones uit. cap. 8.
dicūtur ligari quando impediuntur agere que vid. locū.
naturaliter possunt & solui quando permittū-
tur. Aiāt dōcques telle permission cōme de leurs
il est serpēt & caut en ses entreprinſes moyens
il vse de plusieurs & diuers moyēs pour nous tromper.

*Athan. in
vit. Anth.*

Genese. 3.

*Chrysosto.
hom. 4. de
LaZaro.*

gagner les hōmes lesquels nous pour-
rōs entēdre tant par les deux apparitiōs
visibles couchées en l'escriture l'vne à
l'ancien l'autre au nouveau testamēt qui
nous doiuent suffire, comme par l'ex-
periēce qu'en a prins vn bon & fort an-
ciē pere Anthonius Monachus, duquel
l'histoire a esté escrite au long par saint
Athanasē: car il semble à voir par le dis-
cours qu'il en fait que ce bon personna-
ge soit esté esleu de Dieu, expressément
pour endurer sensiblement (& qui plus
est visiblement les assauts de Sathan:
comme vn autre Iob les endura seule-
ment sensiblement, & pour autant de
luy deuons apprēdre les façons de fai-
re de Sathan, & les moyens pour nous
garder de ses embusches. Quant à la
premiere apparition visible de Sathan,
qui est descrite en Genese 3. chap. il ap-
pert par icelle qu'il peut prendre vn
corps visible pour se faire veoir aux hō-
mes non pas toutesfois qu'il soit en son
pouuoir de la prendre à sa volonté (car
il y auroit desordre, *Representaret enim se
uxori tanquam maritus, seruo tanquam do-
minus, religioso tanquam prelatus, penite- ti
tanquam confessarius & sic nullus esset se-*

curus & tentaremur supra id quod possemus
 I. Corint. 10. & esset contra providentiam dei: *Augu. lib. 2. de gene. ad lit. S. Thom. 2. 2. q. 165. art. 2. ad 2.*
 en cela estant cohibé & empesché par la
 toute puissance de Dieu: comme saint
 Augustin l'enseigne & saint Thomas
 apres luy: mais quelquefois Dieu la
 ainsi permis d'une part pour couaincre
 nostre entendement à croire qu'il y a
 des malins esprits qui ne s'estudient ja-
 mais à autre chose qu'à no⁹ perdre d'au-
 tre costé pour nous faire cognoistre à
 l'œil combien est ord & sale cest esprit
 immunde depuis le temps qu'il cest es-
 longné de son Dieu & armé contre luy,
 puis qu'il se fait voir le plus souuent en
 vne forme si hideuse que d'un serpent
 ou autre beste brute & à ces fins il nous
 est proposé au beau commencement de
 la bible: cōme un vilain coleuure, pour
 la seconde raison: & pour la premiere
 au beau commencement de l'euangile
 presché par Iesus Christ: cōme un per-
 sonnage qui a beau babil: mais duquel
 la fin n'est autre que de nous faire preci-
 piter & rompre le col. Et pource qu'il
 est ainsi cauteleux il a de coustume de
 s'accommoder aux gens en cela faisant
 le singe de Dieu qui c'est tousiours vou-

I. cor. 9.

lu demettre à nostre imperfection, & pratique le dire de S. Paul, *Omnia omnib^o fact^o sum ut omnes lucrificerẽ*, si biẽ qu'à vne pauvre femmelette qui n'a point beaucoup de cognoissãce fors de sa sensualité, cõmencera à detracter de Dieu, & reuoquer en doute sil est de luy tout ce qu'õ en dict: puis comme il cognoist que ce sexe est fort amateur d'honneur & de grandeur il permet cela, puis qu'il luy reuiẽt, pour la troisiẽme, il permet aussi des voluptez charnelles cõme de manger & de boire, voire les viandes q̃ peunẽt plus attirer les personnes toutes lesquelles choses on peut aisẽement observer aux traiẽts dõt il a vñe à la premiere fẽme qui ioue le personnage de toutes les autres qui mettent Dieu en oubly, estãt chose assurée que sil se fust adressé à Adã il eust vñe d'autres moyẽs

Genese. 3. biẽ plus couuerts q̃ de ceux la & pource
2 cor. 11. S. Paul rapporte la victoire à vne simplicité feminine quãd il conclud, *Ne sicut serpens seduxit Euã ita seducantur sensus vestri à simplicitate quę est in Christo Iesu.* Au reste quãd il a voulu tromper Iesus Christ il y procede bien tout autrement: car sans detracter aucunement de Dieu, car vn homme rassis d'entendement &

de foy abhorre telle chose & estoupe
foudainemēt ses oreilles il cōmēce par-
ce qu'il n'a nulle apparence de mal, ains
pluſtoſt ſemble auoir eſté vſitée par les
ſaincts perſonnages, cōme ayāt Moyſe
par ſa priere chāgé le ſang du fleuve en
eau & le rocher auſſi cōme il eſt eſcrit

Qui conuertit petrā in ſtagna aquarū, à cauſe Pſal. 113.

que le peuple eſtoit en grande neceſſité
de boire, ainſi il taſche à perſuader à Je-
ſus Chriſt de chāger les pierres en pain Matth. 4.

à ſçauoir au grand beſoin de manger &
eſtant à vn deſert, auſſi bien que Moyſe.
Puis pour la ſecōde fois ſçachāt que Je-
ſus Chriſt eſtoit verſé aux ſainctes eſcri-
tures & à icelles il ſe plaiſoit le plus, il
luy ameine des paſſages de la ſaincte eſ-
criture. Et comme il ne peut rien faire
par cela il luy propoſe d'eſtre monarque
du monde: car la ſcience enfle les per-
ſonnes qui n'ont charité, & leur fait à
croire qu'il ſont ſuffiſant de gouuer-
ner tout vn monde voire mieux que
tous autres. Somme il eſt tout ſem-
blable aux Crocodrilles d'Egypte leſ-
quels ſ'apperceuans de quelque hom-
me qui approche du Nil pourſuiuant
ſon chemin il commence à contrefai-
re l'homme & à pleurer cōme ſil auoit

grand besoing de secours & le pauvre homme approchant à la bonne foy est soudainemēt deuoré. Ainsi recite saint Athan. in *vita* Ant. Athanase, q̄ vn iour il se dueilloit fort aupres de la cellule de ce bon pere Anthonius & cōme il demanda qui c'estoit il respondit se voyant descouuert qu'il auoit bien grande occasion de se plaindre, car tout le mōde le chargeoit d'estre cause de tous les forfaits du monde cōbien qu'il en fust innocent. Parfois aussi il chantoit des psalmes se voulant accommoder à luy : mais il bouchoit pour lors ses oreilles ne voulant escouter le chāt de Sathā & pratiquoit ce qui est escrit. *Ego autē tanquā surdus non audiebā*, autrefois il se presentoit avec grāde splādeur foy transformant en ange de lumiere : mais il fermoit les yeux, ne voulāt voir la clarté de Sathā & quād il voyoit qu'il ne pouuoit le gagner par to⁹ ces beaux moyēs, car il auoit obtenu par frequētes prieres, larmes & ieufnes, le don qui est appelé par S. Paul (*Discretio spirituum*) il venoit avec grād bruit pour l'espouuāter maintenāt dit-il en guise d'vn Dragon, tantost en guise d'vne autre beste effroyable, par fois se presentoit à luy cōme vn hōme ayāt enorme grandeur

psal. 37.

1. corint.

12.

plus que celle d'un geant, si bien que la
 teste touchoit le ciel. Combien que les
 pieds fussent en terre, quelque fois aus-
 si il faisoit un grand tumulte, comme si
 la cellule eust esté environnée de che-
 uaux, chariots & gens armez, mais pour
 lors s'estant à Dieu recommandé il se
 mocquoit de luy par-ce qu'il est escript *Psal. 191*
Hi in curribus & hi in equis nos autem in
nomine domini nostri inuocabimus, Il n'ou-
 blioit aussi de mettre des lingots d'or
 par où il deuoit passer pour le tenter
 d'avarice, lesquels au signe de la croix
 dict saint Athanase s'esuanouissent en
 fumée, & d'auantage il se presentoit
 aussi à luy en forme de femme pour le
 faire tomber en forme de péché de la
 chair, & quand par tous ces moïens il
 ne le pouuoit gaigner, en fin il l'exhor- *Vide Aug.*
 toit de veiller long temps la nuit en *lib. 2. de ci*
 prières, vacquer à ieusnes, & tous au- *uit. c. 26.*
 tres exercices spirituels, ou bien pour
 le degouter de toutes ces choses com-
 me étant suadé par l'ennemy de natu-
 re, ou aux moins aux fins qu'il semblaist
 faire quelque chose pour luy, mais ce *2. Cor. 11*
 saint personnage qui pouuoit bien di-
 re avec saint Pol. *Non ignoramus astutias*

eins. Ne laissoit de continuer ces saincts exercices, ains il augmentoit d'auantage sa deuotion, non pour ce que le diable l'auoit dit, mais pour ce que Iesus-Christ nous a enseigné tant de faict que de parole sçaichât bien que tout ce que le diable faict & dict le tout n'est qu'à mauuaise fin : & pour ce d'autant plus qu'il confessoit à haute voix que Iesus-Christ estoit filz de Dieu il luy im-
 Luc. 4. poisoit silence le dernier moyen duquel il souloit vser, c'estoit d'incrépation d'austerité, en luy remonstrant que c'estoit vne vie fort rude barbare & onereuse & que c'estoit destruire la creature de Dieu non pas l'étretenir en son seruice, & que pourueu qu'on n'excedat aux viandes cen'estoit peché que d'vser des creatures de Dieu avec actiō de graces: finalement aussi il le menaçoit de le biē battre & de le faire mourir en luy rompant le col, Mais à cela il auoit sa respōce toute preste que s'il n'auoit peu aucunemēt nuire à la moindre brebiette de Iob ny
 Iob 1. aussi aux porceaux immondes q̄ moins
 Math. 2. pourroit il faire dōmage à l'hōme qui est peculièrement soubs la protectiō de Dieu & duquel tous les cheueux sont
 Luc. 8.

nombrés, tellement qu'un seul ne peut tomber de sa teste sans l'expres vouloir de Dieu.

Que le but du diable n'est autre que de se faire adorer cōme Dieu, & trōper les hōmes, Que le diable ne sçait point les choses futures ny ne peut penetrer ou sonder le cœur humain. *Le pretendu du Diable est d'estre adoré.*

CHAPITRE. V.

L nous faut auoir tousiours souuenance des deux pechez qui sont propres à Sathan à sçauoir orgueil & enuie & ce pour toute chose que nous voudrōs desfinir de luy: car de ces deux vices spirituelz cōme de deux sources procedent tous ses effectz. Comme ainsi soit doncques qu'il ait avecq' les Anges premiere mēt peché par orgueil voulant par rapine vsurper l'equalité de Dieu il persiste tousiours en ceste mauuaise volonté par la grande & impenitente obstination qui est en luy & ne cesse de dire en son cœur *Similis ero altissimo*. Ce qu'il a practiqué au beau cōmancement, car en regardant le iargon qu'il tenoit à la femme il ne pretendoit autre chose conclure sinō qu'elle l'adorast cōme Dieu.

Esai. 14.

Tout ainsi comme quād il y a vn tyrāt qui tache d'vsurper à soy vn Royaume lors qu'il detracte du Prince naturel il ne fait autre chose sinon tacher de persuader aux gēs d'estre receu & recogneu comme vray Roy: quand donc Sathan proposoit à Eue que Dieu leur portoit enuie & qu'il seroit bien marry qu'ilz mōtassent si hault qu'ilz pouuoient biē monter il ne faisoit autre conclusion sinon que ce qu'ilz estimoiēt estre Dieu n'estoit vray Dieu, pour autant qu'un vray Dieu comme vray pere il tachera à sublimer en toutes honneurs ses enfans autant qu'il luy sera possible, & d'auantage puis qu'il se presentoit comme tel, c'est à dire ne demandant rien mieux que leur auancement & à ces fins apparoissoit à eux & leur parloit familieremēt combien qu'il feust d'une nature inuisible & bien plus excellante que la leur comme les voulant diriger & conduire à vne supreme felicité iusques à estre comme vieux, par cela il cōcluoid qu'il estoit le vray Dieu & cōme vray Dieu debuoit estre d'eux adoré, & au vray dire il n'a esté du tout frustré: car plusieurs peuples ont estimé que le

serpent de celuy qui parloit par le serpent estoit vray Dieu, tellement que les Grecs en ont prins l'ethimologie du serpent cōme remarque fort bien saint Athanase, car (dit-il) ὄφις, c'est à dire serpent, est ainsi appellé comme qui diroit ὀφής, c'est à dire celuy qui parle, à cause qu'il auoit parlé à nos premiers parens ayans opinion que ce feust pour leur grand bien & vtilité, & non seulement les Grecs, mais aussi tout l'empire Romain a esté abreué d'espuis qu'un oracle leur fist responce que la peste ne cesseroit à Rome filz n'enuoioient querir le Dieu Æsculapius. Or les Ambassadeurs s'estant transportez au lieu par l'oracle designé treuuent vn grand serpent lequel ilz firent entrer en leur nauire & l'apporterent à Rome où il feust par l'espace de trois iours, dequoy Valerius Maximus en parle fort serieusement comme de chose appartenant à la veneration des dieux & Ouide n'a honte de l'appeler son Dieu.

*Athan. in
definitio-
nibus pri-
ci.*

*Valer. ma-
xim. lib. 1.*

*Ouid. lib.
methamor
1.*

Cum cristis aureus altis

In serpente deus pronuncia sibilla misit



Lucian.

Lucian en fait vn Opusculc, disant que les Oracles qui procedoient de la bouche d'vn certain serpent conduict par vn Magicien appellé Alexandre, c'estoit diuins Oracles & bien plus venerables que ceux qui procedoient des prestres: car (dit-il) ceux-là sortoient de la propre bouche de Dieu, & qui est encores plus admirable à la primitiue Eglise, il y a eu d'heritiques qui en disoient autant, soy persuadans que ce serpent qui parla à Eue, fust vray Dieu, parquoy ils souloient faire monter sur leur autel vn serpent auquel ils presentoiēt leurs sacrifices & pour ceste occasion ils ont esté appelez Ophiles c'est à dire serpentins ou gens qui adoroient le serpent. Beaucoup mieux ont estimé les Syriens & Caldeens & autres peuples oriētaux lesquels disoient (comme il appert par ce que Pherecides Syrus en a escript) que le grand Dieu auoit chassé du ciel tous les Diables desquels le Capitaine estoit vn nommé Ophianeus c'est à dire en Latin Serpentinus, & comme bien respond Lactance aux idolatres en cela ils se sont abusez quand ils ont prins le noir pour le blanc, & le Prince des dia-

Epiphan.
lib. 1. con
tra here-
ses.

vide Plin-
um lib. 8.
natural. hi-
storie.
Lactan. in
diuinis in-
stitutionib⁹

bles pour le Prince des hommes qui est le seul Dieu. Toute ceste digression ne tend à autres fins qu'à demonstrier que veritablement l'intention du Diable serpent, n'estoit autre que soy faire adorer comme Dieu ce qu'il a bien clairement demonsté par le progrès des tentations dont il a vlé contre Iesus Christ. Car pour le dernier propos il luy garde ce mot qui estoit son vray but, *Si cadēs adoraueris me*. Et c'est pourquoy il s'est fait bastir des temples, dresser des autels, ordonner des festes, inuiter des prestres, presenter des sacrifices, aiant veu que Dieu en auoit voulu autant auoir pour son seruice, non comme remonstre saint Augustin qu'il se plaise aucunement à l'odeur du rost des animaux ou autres choses sēblables mais c'est pour autāt qu'il s'esioit fort qu'ō lui exhibe les hōneurs deuz à Dieu en cela aiāt vn cōtētemēt fantasq̄ quād il est estimé dieu en aparēce, iāçoit qu'il soit dāné & tourmētē sās cesse en verité *Le Diable*
Demonēs nō cadauerinis nidorib⁹, (dit S. Augustin) *Sed diuinis honorib⁹ gaudēt*. Or pour *ignore les*
 estre tousiours entretenu en ceste grandeur il n'a point sceu trouuer meilleur *choses fa-*
tures.

Aug. lib.
10. de ciuit



moyen ny plus expedient, que de parler familiarémēt aux personnes & leur dire choses occultes, ce qu'il a faiēt par les oracles, le premier desquels il faut nommer l'oracle du serpent parlant à Eue. Car dequoy importe il s'il est entré dans le corps d'un serpent pour parler, ou s'il est entré dans vne statue de marbre? Cela n'empesche de rien qu'on ne puisse dire que le premier oracle soit esté celui qui a parlé à la premiere femme, & pourtant Tertulien à bon droit met au premier rég de tous heretiques, la premiere femme considerant que de parler ainsi au Diable familiarément cest apostasie. Apres le deluge les oracles ont esté plus frequentez & ont commencé à la posterité de Cham: de là viēt que le plus anciē oracle que nous trouuons entre les autheurs. C'est *Oraculum hammonium*, comme nous dirions *oraculum chammonium*, car le nom de Cham s'escript en Hebreu avec vne forte aspiration, & à ceste occasion nostre translateur la traduit plustost cham que ham tant y a que c'est tout vn, & que tel nom mōstre assez l'antiquité & la source aussi des oracles faiēts apres le deluge,

*Tertul. de
prescript.
heretic.*

c'estoit Cham le maudit de Dieu & 4. Reg. I.

de son pere qui trouua ceste inuention d'adorer le Diable pour continuer la cité du Diable comme Cain l'auoit desia encōmencee pour oppugner la cité de Dieu bastie par Abel & continuee iusques à Noé. Nous voyons aussi par l'escripture que les mauuais Roys mandoient aux oracles des gentils cōme à Accaron & autres pour auoir responses de leurs doubtes & solutions de leurs difficultez. Ainsi Sathā n'a iamais oublié sa maniere de faire, car comme il voulust rauer l'honneur de Dieu predissant les choses occultes & futures à la premiere femme. *Aperientur, dit-il, oculi Vestri & eritis sicut dii scientes bonum & malum*, aussi par ce mesme moyen il a voulu piper les hommes qui ont vn souhait naturel de sçauoir les choses occultes & futures ayans ce mauuais souhait de la nature d'Adam corrompue, qui a souhaitté aussi d'estre comme Dieu, duquel le propre c'est de cognoistre les choses occultes singulierement l'interieur des pensees & aussi les choses à aduenir, l'escripture nous enseigne clairement ces deux points. Premiere-

Ieremie 17 ment en Hieremie *Inscrutable est cor ho-*
 minis & quis cognoscet illud? ego dominus
 probans renes & corda. Et aussi pour le se-
 Esaië. 41. cond il est dict en Esaie. *Annunciate no-*
bis quæ ventura sunt & dicemus quia dii es-
stis vos: si bien que si nous regardons
 bien de pres les histoires trouuerons
 que les oracles ne tendoient à autres
 fins que d'occasionner vne admiration
 aux hommes & leur dōner vn contē-
 tement de l'orgueil qui est naturelle-
 ment en leur teste. Toutesfois les Dia-
 bles n'ont iamais sceu ny l'vn ny l'autre
 ce que nous monstrerōs pour faire en-
 tendre aux curieux de ce temps combiē
 ils sont abusez de penser paruenir à la
 cognoissance de ces deux choses par le
 moien d'vne secrette familiarité qu'ils
 ont avec les Diabes ou autrement par
 superstitions & magie. Les Theologiēs
 s'y sont fort doctemēt exercez au pre-
 mier, tāt par la sētēce de Hieremie, que
 par-ce que S. Pol a dict. *Nemo scit quid sit*
in homine nisi spiritus hominis qui in ipso est.
 Et de Dauid qui souuēt attribue cela au
 seul Dieu. *Scrutans corda & renes deus.*
 C'est donc le seul homme qui sçait par
 nature ce qu'il pēse en son cœur & quāt

1. cor 2.

Psal. 7.

aux autres substances, il ny a nul que le
seul Dieu, ce que feust fort verifié en
l'histoire de Nabucodonosor qui auoit
mis en oubly s^{on} songe & si vouloit qu'o
le luy deuinaist, mais il luy fust respon-
du qu'il demãdoit chose impossible. *Ser-
moenim quẽ tu queris rex grauis est nec re-
perietur quisquã qui indicet illũ in conspectu
regis exceptis diis quorũ non est cũ hominib^{us}
conuersatio*, où est bõ de noter qu'il auoit
assẽblé nõ seulement les philosophes &
astrologiens, mais aussi les magiciẽs cõ-
me dit le texte expressement, & cõbien
qu'il soit certain que les magiciẽs aient
familiarité secrete avec les malins es-
prits qu'ils estimoient estre dieux, si est
ce qu'ils mettẽt differẽce entre les dieux
qui cõuersent quelquefois avec les hõ-
mes & ceux qui ny conuersent aucune-
mẽt & confessent que ceux qui ont fa-
miliarité avec les hommes ne peuuent
aucunemẽt sçauoir ce qui est caché dãs
le cõeur des personnes, parquoy en fin
resolutiõ fut baillee par Daniel disant:
*Mysterium quod rex interrogat, sapiẽtes, ma-
gi, hareoli, & aruspices nequeunt indicare
regi, sed deus est in cœlo reuelans myste-
ria qui indicauit tibi Nabucodonosor quã*

Ventura sunt nouissimis temporibus. Didymus precepteur de saint Hierosime traite ce poinct à propos qu'il veut prouuer que le saint Esprit est Dieu, par ce qu'il penetre les cœurs & fait cognoistre l'interieur des pensées, & en donne la raison naturelle, car l'ame n'a poinct de quantité corporelle comme ont les corps qui sont par telle quantité terminés, mais elle est vne substance simple & spirituelle qui n'a poinct d'autres limites que sa pure substance, qui fait q si quelque chose penetrait telle substance faudroit ou qu'elle feust la mesme substance de l'ame ou bien la vertu viuente qui est avec icelle en donnant vie à telle substance, & c'est pour autant qu'il n'y a que ces deux choses tres simples en l'ame. Or le diable ne peut estre la substance de l'ame, n'y la mesme vie de l'ame, & ne peut donc penetrer au dedans mais bien Dieu qui est celuy qui donne telle vertu de vie à l'ame & sans la concurrence duquel l'essence & la vie de l'ame feroient soubdainement redigees à neant, comme elle estoit au parauant sa creation, & c'est ce que disoit, *Didymus*
imparticipabilis diabolus est non creator sed

*creatura subsistens, introiuit ergo (in cor Iu-
da) non secundum substantiam, sed secundum
operationē quia introire in aliquē increata est* *act. 8.*
nature: de là il viét à cōclurre que quād

nous trouuons que le diable est entré
dans le cœur c'est à dire, la volonté de
Iudas & qu'il a rempli le cœur de Ana-
nias il faut entendre cela par suggestiō
de malice & suasion d'iniquité, comme
d'auarice & autres meschancetez qui
ne peuiēt entrer dans l'hōme s'il n'ou-
ure sōn cœur & ne preste consentemēt
à telles tētations, & de fait le mot de tē-
ter le dōne assez entēdre, qui ne signifie
autre chose q̄ essayer quelq̄ chose, ainsi
Sathā s'efforce de cognoistre nostre bō-
té ou malice. Et s'il y a coniecture qu'il
y a de la bonté dans le cœur, il employe
toutes ses forces pour l'esbranler par
les obiects & moyens qu'il nous pre-
sente. Sainct Hierosme disciple de Di-
dymus a fort bien declaré ce poinct &
comme commenté en peu de paroles ce
que son maistre auoit dict assez obscu-
rement: Ceux la, (dit-il) sont dignes de
reprehesion qui pensent que les pen-
sées mauuaises viennent du diable & nō
plustost de nostre mauuaise volonté, car

*Hieron. lib
2. comment
in Mathe-
um ad cap
15.*

certainement le diable peut estre suggesteur & moyëneur des pensees mauuaises mais non pas l'autheur, bien est vray qu'il est le plus souuent comme vn boutefeux en nostre endroiect allument en nostre chair vn feu d'ardeur charnelle, mais non qu'il vienne pource à penetrer l'interieur de nostre cœur, ains seulement il en prent coniectures par l'habitude & gestes qu'il apperçoit en nostre maniere de faire comme quand il void, dit-il, qu'un homme regarde fort souuent vne femme & laisse tout autre chose pour ce faire, de là il prend coniecture de penser que nous commēcerōs à adulterer en nostre cœur, quand & quand il prent aussi occasion de nous instiguer à cela en mettant plusieurs phantasies en nostre teste lesquelles ne voulant de nous repousser ains nous y delectans de nous mesmes & de nostre franche volonté les enuoions aussi en nostre ame. Le diable en cela abuse les personnes quand il leur fait accroire qu'il cognoist le cœur des gēs, il en peut bien auoir quelques coniectures : Mais l'homme estant de franc arbitre peut obmettre & quicter telles phantasies &

ainsi le diable se treuve le plus souuant menteur. De cecy saint Augustin en a fait vn liure intitulé de *Scientia demonum* ou il monstre amplement ce discours concludant qu'ils ne peuuent dauantage sçauoir les choses futures qu'ilz ne font l'interieur des pensées. Nonobstât par les oracles il a voulu predire les choses à aduenir. le Roy Ochosias manda à ces fins ses seruiteurs pour sçauoir s'il gueriroit ou non & seul en voulut au tant faire pour sçauoir qu'elle yssue auroit la prochaine bataille qu'il debuioit dōner contre les Philistins contreuenans à l'expresse parole de Dieu qui disoit *Non acceditis ad magos neque ab harolis aliquid sciscitabimini.* Aussice feust l'occasion de leur ruine & aduient ordinairement par diuine permission que si le diable (soit de luy mesme en personne ou par vn sien oracle mort ou viuant) predict quelque bon heur telle chose n'aduiant point, mais s'il predict chose mauuaise elle sortira infalliblement à son effect en peine de telle apostasie ce qu'on peut aisément voir en l'histoire de Saul laquelle nous doibt seruir de maxime ou reigle generale en

Aug. lib.

de scientia
demonum

4. Reg. I.

1. Reg.
28.

Leuitic. 19.

ce faiet icy, & est remarqué par saint
 Chrisostome *Vide locum in fine huius ca-*
pituli. Or saint Athanase voulant re-
 foudre le Prince Antioche de ce point
 il procede sagement par l'experience.
 Il y a deux choses, (dit-il) que les anges
 mesmes soient bõs ou mauuais ne peu-
 uent sçauoir, c'est l'interieur des cœurs
 & les choses futures bien estvray, dit-il,
 qu'o a trouué quelquesfois q̃ les magi-
 ciens (lesquels i'appelle pour auteurs
 oracles viuans du Diable) ont predict
 quelque temps ce qu'est apres aduenu,
 les Diables le leur ayant ainsi reuelé,
 mais il n'ont predict sinon ce qu'estoit
 desia faiet, comme voians qu'il pleut
 desia aux Indes & que le temps est dis-
 posé pour porter les nuees vers les quar-
 tiers d'Egypte, il faiet sçauoir à ses ora-
 cles qu'il pleura en brief en Egypte,
 & quand il void que grande abondâce
 de neige a fondu aux montaignes, ou
 commencé à fondre, il predict aussi que
 le Nil ou autre grosse riuiere desborde-
 ra, mais il ne diët sinon ce qu'il void,
 seulement il y a vne agilité plus grande
 en luy qu'à nous, si biē que si les oiseaux
 auoient raison, ils en feroient bien au-
 tant

Athana. q.
27. ad An-
tioc. princ.

tant & le font selon leur naturel quand ils changent bien souuēt de climat par le moyen desquels plusieurs Philosophes ont esté en admiration deuinans ce qu'ils ne voioient: mais c'estoit par la cognoissance qu'ils auoiēt des oiseaux. Parquoy conclud sainct Athanase, deliberez vous de faire quelque chose dont on n'en puisse auoir aucune coniecture, & puis allez vous en aux oracles du diable qui sont les magiciens, & leur demandez s'ils sçauent point ce que vous auez deliberé de faire & trouuerez qu'ils en sont du tout ignorans. Sainct Athanase auoit ouy discourir Antonius Monachus sur ce point & est vray semblable que de luy (comme de celuy qui en auoit plus d'experience que homme du monde) il auoit retenu ses resolutions, car nous voyons qu'il recite presque les mesmes sentences en la vie qu'il a escript de luy, où il adiousté que c'est tout de mesme, comme si celuy qui a couru la poste nous disoit ce que ce faict biē loing de nous, ou comme si vn medecin touchant le poulse à vn homme il luy predisoit qu'il aura la fiebure, ou si vn agriculteur ayant veu l'innonda-

*Athan. in
vita Anton*

tion des eaux predisoit qu'il y aura peu de bled & en s'ome, dit il, ils sçauēt ce qui est desia & non pas ce qui est à aduenir, Toutesfois dit encores, voilà le cōmētement de l'idolatrie & des nouueaux dieux, le pauvre peuple ne sçachant la cause il les a estimez vrais dieux laquelle sentēce qui est d'importance se peut tant par l'escriture que par les auteurs prophanes & externes verifier, car les plus celebres oracles qui furent iamais au monde, c'estoient du tēps de Cyrus en Affrique & en Grece comme l'escrit

*Herodot.
initio lib.*

Esai. 23. 14

45. A. 1017

Jeremie 23

Daniel 8.

10.

Herodote, auquel temps les prophetes cōme Esaye, Hieremie, Daniel & autres auoient ia predict clairement plusieurs chāgemens qui deuoient aduenir aux plus celebres nations du monde cōme estoient les Assiriens, Babiloniens, Grecs & Romains iusques à nommer mesmes les Grecs & voire aussi le Roy Cyrus par son nom propre, ioinct que les Sybilles en auoient desia autant fait dequoy les diables s'estans armez ils comencerent à predire ce qu'ils en auoient sceu par reuelation faicte aux prophetes & predisoient choses fort grandes. Au reste quand on les fortoit de

ces limites & commãçoit on a leur demander des menus affaires & particulieres negoces desquels ils n'auoiēt ny cognoissance ny coniecture ils temperoient tellement leur langage par paroles ambigues, que quoy qu'il aduint ils auoient tousiours belle eschapatoire.

De ce point ont escrit plusieurs graues

autheurs Grecs & Latins & entre nous

Latins nous auons Lactance qui en dit

de beaux traicts & aussi saint Hierosme

qui en a specifiez aucuns disant. *Apollo*

Delphicus & Loxias Deliusque & Cla-

rius & cetera idola futurorum scientiam

pollicentes reges potentissimos deceperunt.

Et puis il donne les exemples com-

ment ils couuroient leur ignorance,

mais (dit-il) quand il ny auroit autre

chose sinon qu'ils n'ont sceu predire

leur ruine faiëte par l'aduenement de

IESVS-CHRIST, ce seroit assez pour

preuuer qu'ils n'en sçauoient rien de

l'aduenir comme l'on recite d'un hom-

me prudent qui voulant faire cognoi-

stre la bestise qui estoit en un magi-

cien & chiromantien, luy presenra la

main gauche pour luy deuiner sa fortune

& cōme il estoit attentif à regarder

*Lacta. lib.
diuinarum
institutio.*

Hieronim⁹

lib. 12. com

ment. in E-

saïam ad

cap. 41.

les lineamēs de la main il luy bailla de la main droicte vn grand soufflet en disant si tu cognois les choses futures, pourquoy ne les cognois tu premiere- ment pour toy mesme, autant en diēt saint Hierosme des oracles. Enquoy l'on void combien s'abusent ceux qui font pactes & accords avec c'est Esprit immonde, pource qu'il leur promet de leur faire sçauoir les choses à aduenir & aussi ceux qui s'adressent à telles gēs que n'est moins que de s'adresser comme iadis les idolatres à vn oracle, attendu que c'est le Diable qui faisoit & fait parler & l'vn & l'autre, & c'est à ceste occasion vne vraye apostasie de la foy prohibee sous grādes peines biē sou- uent en la Loy de Dieu. Mais disoit ce bon pere Anthonius quel profit y a il en cela de foy faire librement abuser d'achepter coquilles pour carquans ou- tre qu'avec cela on s'esfrāge de sō Dieu & vend on pour telles vanitez & men- songes la pauvre ame au diable, & quād bien ainsi feroit qu'on nous diēt verité nous ne la debuons sçauoir par le moi- en de l'ennemy de Dieu & de nostre na- ture de peur qu'avec le miel il ne nous

*Anthon. de
vita Anto.*

baille aussi du poison comme il a faict à nos premiers parens & à ceste occasiō nostre Seigneur a commandé au Diable de se taire encores qu'il dit pure verité, & comme disoit le bon moine Antonius s'il se presente à nous avec grande clarté, comme il se trāsforme quelquefois en Ange de lumiere il faut fermer les yeux & destourner la face pour ne voir la lumiere du diable. L'histoire de Saul porte qu'il auoit faict tout son pouuoir de sçauoir ce que luy importoit beaucoup, & cestoit adressé à Dieu aux prestres & aux prophetes, en fin voyant que Dieu ne luy faisoit aucune responce cōme par necessité c'est adressé à vne femme sorciere, & a esté cause de sa ruine, il se faut donc adresser à Dieu, & si ne nous ayde si tost esperer tousiours en luy & prendre patience, sçachāt que le tout ce faict pour nostre grand bien, mais de cecy en parlerons plus amplement au chapitre prochain.

Il y a vn autre point remarqué par S. Chrysostome. *Nemo quum fallunt attendit sed solum siquid verum prædixerint, aspicit.* Et puis apres il diēt, *quia homo se dedit diaboli potestati deº id permittit accidere.*

*Chrysost.
Homili. 8.
in 2. episto.
ad Thimo.*

DISCOVRS

Que les hommes sorciers sont autant detestables & autāt prohibez par la loy de Dieu comme mesmes les oracles des Payens & leurs idoles que ce n'est fable ce qu'õ dit des sorciers, que les Princes y doiuent prẽdre garde, des diuers moyẽs dõt vsoyẽt les anciẽs sorciers, le tout prẽnuẽ par l'escripture.

Sorcelerie
peché enor
me & de
testable.

CHAPITRE VI.

QUOMBIEN que Plinc ait estimẽ que la magie ne soit rien en verité, mais chose n'ayant rien que le seul mot non plus que les chimeres amenant pour toutes raisons l'experience de Neron qui estoit fort eschauffẽ à y entendre quelque chose iusques à ce faire imiter & consacrer à tel mesrier, & ce nonobstant il ne peut venir à bout de rien qu'il pretendit faire iacoit qu'il n'eust faicte ny d'engin ny de volonté moins d'authorité & puissance richesses & grands maistres fort scauãs en tel art qu'il auoit faict venir de tous costez d'Orient, si est-ce pourtant que son opinion ne doit estre non plus receue entre nous, que celle qu'il ameine contre la diuinité d'isãt qu'il ny a point d'autre Dieu que le Soleil & la resurrection de la chair s'en mocquant

Plin. lib 30
natural. hi
sto. cap. i.

cōme de chose vaine & ridicule, en ces deux points singulièrement iouant le personnage d'un atheiste (comme il estoit en verité) car la reigle de dialectique abbaist suffisāmēt sa collectiō quād il dispute d'un particulier pour conclure vne proposition vniuerselle comme l'on diēt. *Ex particularibus nihil concludi potest* & à *particulari ad vniuersale consequentia nulla*. Nous luy pourrions bien admettre aussi l'histoire de Iulien l'apostat qui auoit autant d'autorité riches- ses, engin & maistres que Nero & d'a- uantage de volonté, nonobstant moins d'effect s'en ensuiuoit apres qu'il s'y e- stoit fort eschauffé qu'au parauant Dieu ne le permettant (& c'est pour respon- dre à Plin) à cause que leur but princi- pal estoit de aneātir entieremēt la me- moire de Iesus Christ & des Chrestiens & le faire trouuer mēteur en ce qu'il a- uoit dit *Ecce ego vobiscū sum vsque ad cō- summationem seculi*. Mais de nier pourtāt les effets du diable executez par les sor- ciers ceseroit remerité grāde atēdu que les auteurs voire les pl^r anciēs & plus celebres en font plains, & nous doibt pour maintenāt suffire ce que cy dessus

Matt. 28.

en auons allegué apres Lactance & S. Augustin, qui ont donné la raison de tels effects admirables les rapportant aux malings esprits, adioustant seulement ce que Philostrate a escrit d'une sorciere laquelle par le moié de son art apresta vn fort manifeste baquet à Menippus son fauory & come il estoit là avec plusieurs autres aians grande auidité de baqueter soudainement tous les mets s'euanouirēt & aussi furent contraincts de sortir de table plus fameliques qu'ils n'estoient auparauant. Il vaut mieux le preuuer par l'escriture de peur que personne n'estime avec Plin ce propos fabuleux. En premier lieu S. Pol fait mention de lames & labres desquels l'histoire est recitee au lōg au liure de l'Exode qui resisterent à Moysē & faisoient par magie tout ce que Moysē faisoit aussi par diuine puissance, ils changerent les verges en serpens, puis les serpens en verges, ils chāgerent l'eau en sang, puis le sang en eau, ils firent semblablement venir des grenouilles qui couuroient la terre d'Egypte vray est qu'au troisieme signe, ils ne peurent faire comme Moysē nō pour la raison qu'aucuns des

Philostrat.
lib. 4.

2. Thim. 3.

Exod. 8.
Rabbi, Le-
uiben, Ber-
son in cap.
8. Exod.

Hebreux ont voulu amener disans que le diable ne peut faire aucune chose qui soit moindre qu'un grain d'orge, car à faire choses petites (disent il) il y faut grande subtilité, & que pourautant les magiciens ayans fait de grosses couleuvres & des grenouilles, ils ne sceurent au troisieme signe faire venir de petits poulx comme Moyse: telle opiniõ n'est receuable, car apres ils ne sceurent faire venir des grosses mouches ny des grosses tumeurs aux corps humains ny faire descendre du ciel la gresle, ny le feu, ny faire souffler le vent, ce que toutes-fois le Diable feit au tẽps de Iob, mais ce fut pour autãt qu'à la troisieme fois Dieu lia la puissance à Sathã, & le cohiba de ne passer plus outre cõme il le cohiba de Iob en cest effet de ne le mettre à mort cõme il feist à ses enfans & c'est ce que les magiciẽs furẽt cõtrains de cõfesser disãs. *Digitus dei est hic*, Ainsi ceste histoire mõstre assez qu'il y a des gens qui õt secrete familiarité avec le diable qui leur fait faire choses admirables & le plus souuẽt fort mauuaises & mesmes le Roy Dauid prẽd la similitude de l'enchãteur qui enchãte par son art les ser-

psal. 57.

Leuitic 19.

20.

Exodi 22.

Deut 18.

pens estant dōcques cela veritable plusieurs fois Dieu deteste & prohibe en sa loy telle maniere de gēs nō moins qu'il faict les ydoles & oracles du diable, car voiāt Sathā que le peuple de Dieu detestoit ses oracles mors & faits de main d'hōme, il s'est insinué parmy eux par autre moien plus subtil parlant aux hōmes & soy faisant adorer couuertemēt à eux, & c'est ce qui est prohibé tāt estroitement au Leuitique. *Leuit. 10. 19. 20. Nō declinetis ad magos nec ab hariolis aliquid sciscitemini ne polluamini per eos. Et* aussi il repete peu apres. *Anima quæ declinauerit ad magos & hariolos & fornicata fuerit cū eis ponā faciē meā contra eam & interficiam eā de medio populi sui. Et en l'exode est dict, maleficos non patieris Viuere* où le mot Hebreu s'adresse aux sorciers en Deuterono. aussi il y a de beaux textes où Dieu dit à son peuple. *Quando ingressus fueris terram quā dominus deus tuus dabit tibi caue ne imitari velis abominationes illarum gentium nec inueniatur in te qui lustrer filium suum aut filium ducens per ignē aut qui ariolos scitatur & obseruat somnia atque auguria ne sit maleficus nec incantator neque qui Phytones consulat nec diuinos &*

querat à mortuis Veritatē omnia hæc abhominatur dominus, & propter istiusmodi scelera delebit eos in introitu tuo perfectu seris & absq; macula cū domino deo tuo gentes iste quarū possidebis terrā augures & diuinos audiūt, tu autē à domino deo tuo, aliter institutus es. En sōme de ceste maniere de gēs il en est parlē fort souuēt en l'escriture si biē qu'il ny a à peine liure en la bible où il n'ē soit fait mētiō: outre les passages iacitez on peut voir. *Nū. 23. Iosue 13. 1. Reg. 15. & 28. 2. Para. 33. Esaye 47. & 44. Mich. 5. Nahū 3.* Au nouueau testamēt il y a Simō Mag^o, Elimas Mag^o, Barieu Mag^o, il est aussi faict mētiō d'une fille qui deuiuoit à cause qu'elle auoit vn esprit familier, & par ce moyen elle faisoit gagner grande somme de deniers à ces maistres & aussi des Ephesiens lesquels estudioient aux arts de curiosité qui ne est autre chose selō les anciēs que l'art magicque: mais aiās esté instruits par Hieronim. sainct Paul ils bruslerent tous leurs li- prolog. in ures qui furent appreciez à cinquante epis. ad e- mille pieces d'argent. Le bon Roy phesios. Iosias voulant remettre la religion de Dieu en son entier & appaiser son ire par ce moien il feist assēbler vn concile

Acto. 8. 13.

16. 19.

Cod. l.

Cornelius
Tacit.

Iosie 12.

general au temple de Hierusalem, où entre les autres choses necessaires à telle reformation feust ordonné que tous forciers & forcieres seroiēt mis à mort. Ce que ce bon Roy a executé. *Pithones*, dit le texte, & *Ariolos* & *figuras ydolorū* & *immundicias* & *abominationes* que fuerunt in terra iuda & hierusalē abstulit Iosias ut statueret verba legis. Depuis tous bons Princes n'en ont fait difficulté la loy de Dieu y estāt toute manifeste, & mesmes au Code il y a plusieurs loix de malefices & mathematiciēs saintement ordonnées par les Empereurs Chrestiens cōme Constantius & autres, Et pourquoy ne l'eussent ils fait attēdu que les payēs en ont fait punitiō? Cornelius Tacitus recite qu'une loy fut faicte à Rome par laquelle tous mathematiciens & magiciens estoient chassés (cōme gēs ex cōmuniē & indignes d'habiter entre gēs de bien) de toute l'Italie, laquelle executiō fut faicte du temps de Iesus Christ non peut estre sans mystere, car comme nostre Seigneur venoit en ce mōde pour en chasser les Diabes, aussi voulut il que leurs spēciaux seruiteurs & adorateurs fussēt par les princes tēporels chaf-

sez hors de leurs terres (cōme appartenās au tribunal externe) Appollonius *Apuleius* Thianeus aussi grād magicien fust citē *viraque a-* par deuāt l'Empereur Domitiā à cause *polog.* qu'il estoit forcier & aussi Apuleius par deuant le gouuerneur d'Affriq̄ du tēps de l'Empereur Antonius pius, vray est qu'il s'ē purge aux deux apologies qu'il a faictes à ces fins, car autrement il eust esté mis à mort. Et ne faut faire comme l'on fait aujourd'huy à Genefue (source de tous ces atheïsmes & adorations des diables) où l'on n'accuse ny condāne à mort ou à peine quelconque fors ceux qu'on peut prouuer auoir geté quelque sort dōmageable aux hōmes ou aux bestes domestiques encores que ils sçachēt biē qu'il soit de la Synagogue du diable, car pour tout vray le plus enorme peché qui se puisse trouuer en ce fait c'est d'apostater de la vraye religion de Dieu pour adorer le Diable ce qui se void clairement en l'escriture laquelle ne vient point à aggrauer beaucoup ceste impieté d'autre forfait que de l'idolatrie peché qui est directement *Exod. 22.* contre la Maïesté de Dieu & non contre le prochain. Ainsi en l'Exode 22.

peu apres qu'il a dit tu n'endureras poit
 que les forciers viuent il est adiousté qui-
 conque imolera aux dieux fors au seul
 Dieu il sera mis à mort. Au Leuitic. 18.
 où il est dit, vous n'aurez point recours
 aux magiciēns ny nē demāderez aucune
 doute aux forciers de peur que ne soiez
 souilleez par eux il est dit pour cōclusiō
 de toute raisō. Je suis le seigneur vostre
 Dieu, cōme voulant inferer c'est vn pe-
 ché qui est grād par ce qu'il est directe-
 mēt cōtre la maiesté de Dieu, au chapi-
 tre suiuant qui est le 20. on y void le mes-
 me l'ame dit Dieu laquelle declinera
 aux magiciēns ou forciers & paillardera
 avec eux ie mettray ma face cōtre icelle
 & la mettray à mort l'ostant du milieu
 de mō peuple s'ensuit, soyez sactifiez &
 saints, car ie suis saint moy qui suis vo-
 stre Dieu, en Deuteronomie 18. chap. Il
 est aussi dit gardez que personne de vo^r
 ne soit magiciē ou forcier, ou demādāt
 cōseil aux enchanteurs & deuins, car
 c'estoit le peché des gētils lesquels pour
 ceste occasion i'ay chassé de leurs terres
 pour vous y introduire à leur place.
 mais toy tu es autrement aprins du sei-
 gneur ton Dieu s'ensuiuit. Dieu avec le

Leuit. 18.

Leuit. 20.

Deut. 18.

tēps vous suscitera vn prophete lequel vous parlera familièrement & non pas comme ie vous ay parlé à la montagne avec du feu espouuentable : mais il parlera à vous & sera semblable à vous, vous l'orrez donc & quiconque ne le voudra escouter i'en prendrai vengeance, il est beau à voir que par ce prophete est entēdu Iesus-Christ tant par le texte *Act. 7.* que parce qu'on a expliqué Saint Estienne aux actes des Apostres C'est donc que la dire que telle meschâceté est directement contre la maiesté de Dieu & singulierement contre la personne de Iesus-Christ nostre Dieu & redempteur puis qu'on vient à adorer vne substance inuisible lorsqu'elle se presente en forme visible, en celavoulant vsurper la gloire du fils de Dieu qui c'est fait visible pour estre aussi adoré visiblement quand Gamuel veut grandement exagerer le peché de rebelliō & mespris commis contre la diuine maiesté c'est dict-il à Saul comme le peché des forciers & magiciens, il n'a sceu trouuer vn peché plus semblable que le peché des forciers & *1. Reg. c. 15.* magiciens que de n'obeir au commandement de Dieu, l'experience le luy a

assez enseigné, car ayant Saul mesprisé
 le cōmādemēt de Dieu il a esté delaisié
 de luy qui depuis ne luy voulut fai re au
 cune respōce ny par les prestres ny par
 les sōges & aduertissemēs nocturnes ny
 aussi par les prophetes. Toutesfois il e-
 stoit encores Roy d'Israel, mais depuis
 qu'il se fut adressé à vne forcieriē il tō-
 ba au comble de toute impietē & des le
 lendemain il fut tué avec tous ses enfā
 si bien que depuis nul de ceste maison
 n'eust autorité entre le peuple d'Israel
 & ce que les Roys & Princes doibuent
 bien remarquer il est dit encores 4. Re-
 gum 23. que le bon Roy Iosias aiant fait
 tout son pouuoir de remettre la religiō
 de Dieu en sa premiere integrité, Dieu
 ne fut pourtant du tout appaisé sur ce
 royaume qu'il ne le voulust liurer aux
 mains des barbares Babiloniens pour
 accabler ce peuple & ce à cause de son
 grand pere Manasses, lequel auoit touf-
 iours entretenu les magiciēs & forciers
 au Royaume d'Israel estant luy aussi du
 mestier. *Nō est auers⁹* (dit le texte) *domin⁹*
ab ira furoris sui magni quo iratus est fu-
ror eius contra Iudam propter irritatio-
nes quibus prouocauerat eum Manasses.

Or

Or les meschancetez de ce Manasses sont descrites au 4. liure des Roys chapitre 21. entre lesquelles il y a qu'il faisoit les augures & s'appliquoit aux diuinations & pource faire il auoit grand nombre de magiciens & sorciers avec luy & augmētoit ce mestier le plus qu'il pouuoit faisant tousiours mal deuant Dieu & l'irritant de plus en plus, & qui est encores plus admirable pour ce mesme crime il a fort rigoureusement chastie les Roys de la terre qui n'auoient aucune cognoissance de la loy de Dieu, comme l'on veid en Esaye où Dieu menace de ruiner la grande ville de Babilone & tout son empire à cause, dict-il, de la grāde multitude des malefices qui regnent dans toy, & de l'obstination de tes enchanteurs ou sorciers, pareillement en Ezechiel le Roy de Babilone est là representé estant debout au milieu de deux chemins entremeslant des flesches par art magicque, pour sçauoir ce qu'il deuoit faire: mais, dit Dieu, il en sera griefuement puny. A ce propos nous pourrons bien parler aux princes chrestiens & leur dire avec ce grand Roy & Prophete Dauid, *Nūc re-*

Esaye 47.

Ezechiel. 28.

Psalm. 2.

DISCOVRS

*ges intelligite erudimini qui iudicatis terram
nequando irascatur dominus & pereatis de
via iusta.* Car il ny a peché au monde
qui plustost face perdre les coronnes &
royaumes aux Roys de ce monde prin-
cipalement aux roys chrestiens, que de
tollerer telle impieté manifeste cōtre
Dieu & Iesus Christ son fils au milieu
de son Eglise, pourtāt concluoid Dauid
selon la fontaine hebraique, baisés ou
adorés l'enfant de peur que ne perissés
quand Dieu aura embrasé son ire: faire
baïser ou adorer l'enfant c'est faire ado-
rer avec toute purité & sincerité Iesus-
Christ qui ne veut auoir aucune aliance
ou societé avec belial comme l'enseigne
Saint Paul & ne point faire cōme nous
auons dict de ceux de Geneue (suiuant
la relation, mesmes de ceux de leur re-
ligion qui ont long temps cōuersé avec
eux) car pour tout vray ce crime doit
estre à toute rigueur de iustice vengé,
à cause que c'est le plus grand crime qui
soit contre la diuine maïesté, bien est
vray que tel crime n'est iamais exercé
sans porter dommage au prochain cō-
me nous entendrons cy apres par leur
depositions, toutesfois l'honneur de

1. corin. 6.

Dieu doit estre à toute autre chose preferé & non pas tourner les choses au rebours & cōme lon dit mettre la charrette deuât les beufs. Il n'est toutesfois de merueilles, si ainsi on le pratique à Geneue: car outre ce qu'ils ont deprimé tāt qu'ils ont peu l'honneur de Dieu & des saints (cōme auoit esté predit en l'Apoca. 13. calipse qu'on viēdroit à blasphemer cōtre le nō de Dieu & son tabernacle, l'humanité de Iesus Christ & cōtre to⁹ ceux qui habitēt au ciel. C'est chose naturelle aux heretiques d'aymer les magiciēs & forciers, cōme l'on peut voir du premier heretique Simon Magus aux actes *Act.* des Apostres & de to⁹ les autres qui s'en *Irenens, lib. 1^{re}* sont ensuiuis apres, en saint Irenée. Les Turcs comme i'estime n'en font nul cas pour le moins les Sarazins permettoient qu'on enseignast ceste impieté publiquement desia enuiron l'an mil, apres Iesus Christ. Et si des Turcs *Genebrar. princip. vnd. secūda Chrono lo.* l'antechrist doit sortir, cōme il ya grāde apparēce, telle monarchie est signifiée en l'Apocalipse par Babilone & par la beste sauuage laquelle doit receuoir du grand Dragon grāde vertu & puissance pour faire choses fort admirables iusqs

Apoca. 13.

Iof. 8.

à faire descendre le feu du ciel moyennant la puissance naturelle du diable signifiée par le Dragon. Quant est des moyēs dont telles gens vsent pour faire leurs charmes, on n'en sçauroit bail-
 ler vn certain nombre, car ils sont infinis : comme le diable est caut & malicieux, & comme l'on dit d'vn meschant homme, *Habet mille technas mille nocendi artes*, aussi il controuue tous les iours nouueaux moyens, iouxte ce qu'il void plaire d'auantage à vn homme pour le mieueux tenir serré en ses pattes, voyant bien que les vns se plaisent à vne chose autres à vne autre, En sōme si les moyēs ne nuisent aux gēs ils nuisent au moins à l'ame du forcier, car ils sont tousiours plaines de superstition, qui est vne es-
 pece d'idolatrie. Toutesfois tant que le diable peut il faict vser des moyens qui nuisent aux personnes : comme il est homicide & sanguinaire dès le commencement : mais voyant qu'il rencontre quelque fois personnes consciencieuses au fait du meurtre ou d'autrement endommager les gens il se contente de s'accommoder à eux pour gagner au moins leur pauures ames.

Et est vray semblable (attendu qu'ils sont tant diuersemēt nommez à la Bible Hebraicque) que comme les diables en l'escriture prennent leur denomination des effets qu'on cognoist en eux, que aussi les forciers sont diuersement appelez selon la diuersité des effets ou moyens dont ils ont de coustume d'vser, Ainsi donc les magiciens de Pharaon pour faire leurs charmes, outre les verges qu'ils tenoient en leur main pour faire comme Moÿse, ils vsoient (soit-il secretement, ou publiquement) des lames d'acier flamboyantes & nouuellement forgees: car leurs charmes sont appelez en l'Exode chap. 7. du mot *lahatim* qui signifie lames flamboyantes, ainsi est appelé le glaive flamboyant à la main du cherubin en Genesē. 4. chap. ce que a esté proprement remarqué par Raby Dauid *quimhi*. Surquoy on pourroit bien faire vne belle moralité, apres saint Paul qui no^s enseigne que en ceste histoire les magiciens representoient les heretiques, cōme Moÿse les docteurs catholiques, Moÿse se contentoit de la verge qu'il auoit en sa main par cōmandement de

Esaye. 11. Dieu & le docteur catholique tiēt aussi la verge de la parole de Dieu ainsi appelée en l'escriture, l'heretique tient aussi en sa main la verge de la parole de Dieu: mais il ne peut rien effectuer s'il n'a d'abondant le glaiue flamboyāt qui sont les armes & l'effusiō de sang, pourroit bien estre aussi à ce propos que en forgeant telles especes ils y mettoient du sang humain: cōme il se pratique encores aujourdhuy & iadis on le pratiquoit aux Theraphins, voyons des autres. Au Leuitique 19. & 20. chap. Ils sont appelez de ce mot Aob qui signifie vne cruche ou vn petit tōneau & par aduventure il y auoit vne maniere de sorciers qui vsoient des cruches: cōme font encores plusieurs qui iettent de noms propres par dedans vne cruche ou bassin plain d'eau pour deuiner quelque chose, aussi en Deuteronome 18. sont appelez de ce mot Menahhesh, qui vaut autant à dire cōme vser de serpent ou s'il faut faindre le mot serpentiser, ils vsoient possible de serpens en leur maniere de faire cōme nous auons cité cy dessus des romains pour chasser la peste de

Leuit. 19. Rome: vray est que Abē Esdras rappor-

*vide Heli-
am Leuitā
in Thisbi
dictione.
Zeraphin
Leuit. 19.
20.*

Deut. 18.

re cela parties aux figures & caracteres qu'on fait & ainsi l'on dira que telles gēs faisoient des figures de serpens moyenant lesquels ils pratiquoyent leurs malefices. Le Roy Manasses qui fust vn des plus grāds forciers du monde est accusé d'auoir esté mecasheph, lequel mot viēt d'vn verbe qui signifie farder ou par fard attirer & abuser les hōmes qui est le propre des femmes lubriques. Cōme dit Raby Dauid quimhhi, sur Nahun, qui a esté cause que Abē Esdras cite avec quimhhi tāt par Sāctes Pagninus, q̄ par Mūstere a expliqué que ce sont gēs qui semblēt chāger vne chose en autre trōpāt & abusant par ce moyē les gēs qu'ils facinēt par leurs prestiges faisant voir & croire ce qui n'est en verité : comme font les fēmes mauuaises qui font voir vne blancheur qui n'est veritablemēt en leurs persōnes. Il y a vn autre verbe c'est quassam en Michée 3. lequel pour autāt qu'il n'a point d'autre significatiō Dauid quimhhi, cōme il est à presumer par les choses dessusdites a dit qu'il signifie toute maniere de malefice & enforcelemēs. Cōbien dōques que les diables facēt verser de diuerſes manieres de faire, cōme

2. parali. 33

Rabi Dauid Quimhhi in Naun prophahin

sāctes Pagninus in Thesauro. Munsterus in lexico.

Michée 3.

Tert. lib.
de bapt.

il peut cognoistre que selon le temps la superstition en sera plus grande ou que l'esprit de l'homme se plaist, si ne faut il pourtant penser qu'il y gist aucune vertu naturelle ou autre à tous ces instrumens diaboliques, ou que les malins esprits se plaisent plus à vne chose que à autre pour en pouuoir estre alechez pl^a à faire facilement ce qu'on veut, mais il faut cela rapporter pour la troisieme & generale raisõ à la malice du diable qui veut en toutes choses faire le singe de Dieu, comme le diët & le preuue Tertulien, il void dõcques que Dieu a choisi certains instrumens corporels de sa pure & franche volonté pour effectuer ses graces & promesses aux hommes: cõme sont le pain & le vin au sacremēt d'Eucharistie, l'eaue au baptesme, lesquelles choses toutesfois n'ont d'elles mesmes aucune force naturelle pour exhiber ce qui est par la puissance de Dieu effectué, ainsi le diable de son plain gré choisist ce que bon luy semble pour accomplir ses promesses faictes aux hommes & executer ses forces qui sont grandes, & telle est la resolution qu'en dõne saint Augustin, *Dæmones, inquit, alliciuntur her-*

bis non tanquam animalia cibis sed tanquam spiritus signis, vn asne fera attiré quand on luy monstrea l'auoine & la brebis aussi, quand on luy presentera vn rameau verdoyant : mais il n'est ainsi des esprits qui n'vsent des choses corporelles pour leur necessité : mais seulement ils en vsent comme de signes extérieurs pour signifier leur volonté aux hommes, laquelle autrement leur est incogneüe, & c'est le propre des substances tant raisonnables que intellectuelles de notifier leur volonté par signes extérieurs : parquoyne faut estimer que le son de la harpe de Dauid chassast le malin esprit de Saul, n'y le foye du poisson de Thobie Asmodeus : car il ne craint les choses corporelles, tant qu'elles sont corporelles, aussi elles ne peuuent auoir aucune action sur luy moins le toucher : mais bien entant que telles choses sont instruments deputez de Dieu & moyennant la foy des gens de bien, comme il nous est commandé par saint Pierre, *Cui resistite fortes in fide*. Vray est qu'il obserue quelque fois la Lune, qui est notablement chose corporelle, ce que nous voyons en saint Matthieu chapitre

Matth. 4.
v. 17.

Hieron. in
Math. &
Chrysosto.

Augu. lib.
21. de ciui.
S. Thom. 1.
p. q. 115.
Ari. 5.

quatriefme & dixseptiefme d'un possede qui estoit lunatique : mais dict saint Hierosme c'estoit pour donner infamie à la creature de Dieu & faire à croire ou que c'estoit vne creature du diable : comme pensoient les Manicheens de plusieurs autres creatures ou veritablement pour la faire adorer comme Dieu & ayant toute puissance sur les hommes ou bien il faudra dire avec saint Augustin, que comme il est fort sçauant & comme il en porte le nom, voulant appliquer les choses naturelles, les vnes aux autres il a besoin pour mieux & plustost faire d'observer le cours de la Lune laquelle aide naturellement à tels effets : comme l'on void par experience aux lunatiques & pour ceste occasion les doctes medecins l'observent aussi aux cures qu'ils font. Ce pendant il n'a que faire des choses corporelles sinon en tant qu'elles lient les personnes à son service comme font les elemens externes des sacremens les chrestiens au service de Dieu, tellement que ce sont signes purement volontaires encores que tels signes soient les vraies effigies de ceux sur lesquels ils veulent exercer leur ma-

lesces comme nous trouuons en Zonare qu'on auoit fait la propre effigie de Simon prince des bulgariens à laquelle aucuns ayāt couppé la teste ledit prince fust soudainement trouué mort & pour semblable fait le Roy Loys fist brusler toute viue vne certaine femme nōmée Claude à cause qu'elle auoit fait sa propre effigie en cire & l'approchoit souvent du feu pour le faire tomber en langueur, secher & mourir peu à peu, comme ceste image se fondoit au feu. Or puis que ceste histoire nous a conduit là de parler des femmes il faut voir si elles si adonnent comme les hommes.

Zonare
tom. 3.

Genebrar.
lib. 4. chro
nolo.

Des sorciers & que les femmes y sont plus adonnées que les hommes.

CHAPITRE VII.



I le diable a eu ceste puissance de pouuoir gaigner les hommes en chose tant execrable

Corint. II.

on ne doit s'esmerveiller si a aussi intrinqué & prins en ses lacs, les femmes, attendu qu'il s'efforce tousiours à les gaigner premierement comme estant faciles à toute persuation, pour la simplicité naturelle qui est en ce sexe, ainsi q^e saint Paul le donne entendre, quand il dict gardez vous d'estre seduits par la simplicité qui est en vous, prouenante toutesfois de Iesus Christ, tout ainsi que le serpent a seduit Eue nonobstât qu'elle fust encores en iustice originelle, le diable s'en efforce aussi à cause qu'il connoist bien que c'est vn organe propre à attirer l'homme à sa volonté, ce qu'il a dès le commencement pratiqué, & pour la troisieme raison ce sexe a cela d'estre fort ardent & tenace à quelque chose que ce soit bonne ou mauuaise, si bien que si la femme s'adonne à bien faire, elle y est plus feruente que l'homme: comme aussi au contraire si elle s'adonne à mal faire il y a plus d'obstination qu'en l'homme, ainsi qu'a bien remarqué saint Chrysostome en ces parolles, *Contentiosum est, inquit, hoc animal & importunum ac victoriæ amans siue ad malum declinet siue ad bonum. Si bien qu'on en*

Chrysost.
hom. 4. de
fide Ann.

peut parler : comme des anges en commun & dire avec les Theologiens, *Cui adherent immobiliter adherent*. Dequoy les histoires en sont toutes pleines, entre les prophanes suffira d'une qu'on trouue entre les histoires romaines de Martine fort noble dame iadis à Rome, laquelle se delibera de ne parler n'y regarder homme du monde iusques au retour de son mary Torquat⁹ qui estoit mandé par les Romains en pais estrange, pour y conquerir des villes & prouinces, aduint vnze ans apres qu'à Rome fust mené vn homme sauuaige n'ayant qu'un œil au milieu du front, trouué au deserts d'Egypte, ce qu'elle entendist par le rapport de sa chambrière dont elle fust esmeüe d'un tresgrand & tresardant desir de le voir, mais elle ne vouloit interrompre son dessein iusques qu'un iour ce sauuaige passoit au deuant de sa maison & luy fust intimé par sa chambrière qu'il passoit, ioinct qu'elle entendoit aussi le bruit qu'on en faisoit parmy la rue, comme c'est la coustume d'un peuple quand il void passer quelque chose admirable, elle toutesfois cohiba tant ses passions qu'elle ne

Theodoret
lib. hist.
cap.

voulust iamaïs soy monſtrer à la fenestre pour le voir, dont elle en mourust peu apres. Entre les histoires Ecclesiastiques suffira auſſi celle qui par Theodoret recitée des femmes auſſi romaines, lesquelles voyant que leurs maris ſenateurs & autres n'oſoient parler à l'Empereur en faueur de Tiberius Pape de Rome qu'il auoit meſchâment banny à cauſe qu'il ne vouloit condeſcendre à l'heresie, elles ſe delibererent d'y aller & tant crier & l'importuner qu'elles ne ceſſerent iuſques à ce qu'il euſt reuoqué leur paſteur. L'eſcriture auſſi en eſt toute pleine Iudith & Heſter nous doiuent ſuffire d'exemple, à propos de celles qui aimēt Dieu, & la maiſtreſſe de Ioseph avec hieſabel pour celles qui ſ'adonnent à mal faire. Comme donc on void par experience encores aujourd'huy que les femmes de biē (iaçoit que leur naturel ſoit procliue à cōpaſſion) gettent les premieres pierres contre les forciers & crient plus haut qu'il les faut bruſler, auſſi void on par experiēce ſemblable, que plus ſont obſtinées & adonnées les femmes forcieres aux malefices & aux moins de con-

science commettent choses plus execrables que non pas les hommes, tellement qu'on trouue que ce sont elles qui suf-foquent les petis enfans, les portent & presentent au diable & font de leur graisse longuent, dequoy toutesfois les hommes forciers ne s'en meslent point du tout ou peu souuent. Et c'est la raison pourquoy la premiere prohibition qui est faicte en la loy de Dieu de ses malefices, elle s'adresse aux femmes & non pas aux hommes, ainsi qu'a bien remarqué Sanctes Pagninus, disant que la où nous auons au nombre plurier en l'Exode 22. chap. *Maleficos non patieris viuere*, il y a en la fontaine Hebraique, le mot Mechashepha, qui signifie vne femme forcier & le sens est tel, tu ne permettras que la femme forcier viue à cause dit-il, que c'est vn mestier bien plus ordinaire & commun aux femmes que aux hommes, ce qui est tout euident par l'histoire de Saul lequel auoit faict mettre à mort tous les forciers & magiciens, nonobstant en fin se voyant abandonné de Dieu par ses iniquitez s'estant deliberé d'auoir recours au

Exode. 22.

Sanctes

Pagninus

in thesauro

I. Reg. 28.

diable il demanda à ses seruiteurs y a il
 point aucune femme forciere, cherchez
 moy, diët-il, qui ayt vn esprit & que
 i'aille à elle, pour sçauoir par son moyē
 ce que ie veux, où est à noter que Saul
 ne demande pas sil ya quelque homme
 forcier: mais sil y a quelque femme:
 comme voulāt dire que quoy qu'il eust
 faict ne pouuoit estre qu'il n'y eust en-
 cores quelque femme de ce mestier, & à
 la verité il est presque impossible d'en
 venir à bout d'elles cōme on peust plus
 aisēment venir à bout des hommes, &
 de faict il n'a esté frustré: car ses cour-
 tisans qui s'adressoient volontiers à tel-
 les gens, (comme c'est leur coustume) il
 luy en nommerent promptement vne,
 à laquelle estant arriué Saul, elle faisoit
 ses protestations d'estre fort femme de
 bien & de ne vouloir entreprendre tel-
 le chose prohibée de Dieu & du Roy:
 mais estant vn peu flattée avec belles
 promesses, vous fist bien tost venir vn
 diable à son seruice, pour autāt les He-
 brieux ne se sont contentez de les ap-
 peller des mots communs à tous sor-
 ciers hommes & femmes, lesquels nous
 auons recueillis au precedent chapitre,

mais

mais ils ont voulu leur bailler vn nom
ſpecial qui ſ'entende proprement des
femmes, ainſi qu'on peut voir en Helie
Leuite en ſon thisby lequel recite que
ſelon les traditions des Hebrieux il y à *Helias le-
uira in Thi
sby.*
des femmes qu'ils appellent meres des
diables & les nōment du mot de Lilith
leql mot viēt d'vn autre nō hebrieu qui
ſignifie la nuit & c'eſt pourautant qu'el-
les vont de nuit, ce que ayant imité les
Latins les ont appelez Striges ou La-
mies qui ſignifient oiſeaux & monſtres
dangereux qui vont de nuit, & dit en-
cores le ſuſdict Helie que vn grand ſei-
gneur ayant demandé iadis aux anciēs
peres de la Synagogue d'oū venoit que
les petis enfans qui n'ont gueres plus
de huit iours ſont trouuez morts bien
ſouuent, il luy fut reſpondu que c'eſtoit
Lilith qui les mettoit à mort ce que
nous appellons les forcieres, Car le
mot Hebreu eſt feminin cōme il ap-
pert plus clairement par le participe &
adiectif feminin qu'il met avec ce mot
Lilith: & parce auſſi que au premier il
dit que ce ſont Naſhim c'eſt à dire fem-
mes. Ce qu'eſtant perſuadé entre les
femmes des Hebrieux, comme elles

font sur toutes les femmes du monde superstitieuses, elles ont coustume de faire quatre cercles avec de croye ou de charbõ au dehors des quatre murailles de la chambre où gist l'acouchee, y faisant vn cercle en chascune muraille & metât à l'vne le nom d'Adam à l'autre le nõ d'Eue, à la troisieme le mot hhuts que signifie dehors & à la quatrieme le mot Lilith, comme filz disoient (ainsi que i'estime) Adam & Eue sont les premiers parens & progeniteurs de nature humaine, pour autât hors d'icy la sourciere. Au dedans de la chambre ils escriuent les quatre noms des quatre anges qu'elles pensent estre protecteurs des petis enfans à sçauoir Senoy Sansenoy & Samangueloph disans que ainsi l'appriust aux femmes des Iuifs Lilith deuant que mourir, & est à presumer qu'il y auoit quelque grande forciere ia dis fort renommee entre eux laquelle on appelloit Lilith pour autant qu'elle alloit de nuit laquelle enseigna toutes ses superstitions deuant sa mort à ses filles ou autres, depuis telles femmes sont appelez Lilin. Comme que ce soit ce discours d'Elie Leuite monstre

assez l'antiquité des sorcieres qui vont de nuit & suffoquent les petis enfans & faiçt entendre que ce ne sont fables, ce que auroit bien plus d'autorité si nous voulions accorder que Iesus fils de Sirac eust composé le liure qui faiçt ample mention de toutes ces choses comme il luy est attribué au liure Hebraique. Tant y a que ce mot Lilith est trouué en l'escriture signamment en Esaye 34. par lequel sainct Hierosme a entendu & traduit la sorciere quand il dit *Ibi cubauit Lamia* Threno. 4 signifiant les femmes qui vont de nuit & aussi aux lamentations de Hieremie il a interpreté ce mot Lilith pour la sorciere, disant, *Sed & Lamia*, Lamia dict Duris, c'estoit iadis vne femme laquelle estant ialouse de ce que son mary auoit eu vn enfant d'une autre femme & par grand despit donna ordre de suffoquer c'est enfant & tous les autres qu'elle pouuoit auoir en sa puissance & depuis telles femmes sont par les latins appellees Lamia lesquelles viennent (comme disoit Hieremie) à môstrer & presenter leur mammelles

Esaye 34.

Threno. 4

Duris lib. 2
de rebus Li
bicis.

Isaye 34.
Threnor.

Chryso.
hom. 13. in
1 ad Thim.

aux petis enfans pour les garder de plover & les attirer doucemēt à elles pour les suffoquer plus secretement. quand donc Dieu menaçoit ou Babylon, ou Hierusalem que les forcieres y frequenteroient & qu'elles y viendroient à decouvrir leurs mammelles ce n'est autre chose à dire sinon que tels lieux seroient redigez en solitude & faits deserts entierement, car tels lieux sont frequentez par les forcieres lesquelles y viennent faire leurs assemblees y estāt portees le plus souuent par le Diable pour plus librement y exercer le mystere d'iniquité, comme les brigans & meurtriers obseruent aussi semblables lieux. Quant à l'autre maniere de forcieres qui n'est tant execrable par ce qu'il ny a point de pacte expres avec Sathā mais seulement tacite S. Chrysostome Hom. 13. in 1. ad Thimoth. nous enseigne qu'il y faut proceder d'autre façon. Si quis (inquit) ligaturas inanes, aut aliud quippiam eiusmodi sciēs & prudens sequitur præcepto atque imperio tantum arcendus est, sin vero ignarus in ea inciderit docendus est.

Responce à ceux qui demandent , quel danger il y a de s'oy seruir du Diable.

CHAPITRE. VIII.

C'Est vne reigle generale à tous ceux qui mettent Dieu en oubly s'ils negligent long temps d'eux retourner à luy , que de tomber en cecité d'entendement toute semblable à celle des damnez & des diables d'enfer , car comme il y a vne sympathie & simbolization des gens de biē avec ceux qui sont desia en Paradis si bien qu'ils peuuent dire que cheminās en terre & habitans cy bas ils conuerfent en verité au ciel tout de mesme en voyons nous aucuns qui ne sont en riē presque differens des damnez , voire (comme dit Theodoret) qu'on peut biē dire veritablement qu'il y a des meilleurs diables en enfer eux estans plus meschans que les Diables: car pour le moins comme dit S. Iaques , *Demones credunt & contremiscunt*. mais ceux cy ne croient ny craignent, qui est venir à ce que disoit le sage que quand l'impie est

*Theodoret.
heretic. fabulis.*

parvenu au profond & cōble de peché il se rit & mocque de tout ce qu'on luy diët, & sans diuaguer plus loing on le void par experience à ceux qui ont desia rédu leur pauvre ame captiue au diable lesquels pensent que ce soient fables quand on leur dit qu'ils seront dānez eternellement. Et quel danger y a il, disent ils, de commander aux diables, Iesus Christ ne leur a il point commandé? Dieu ne se sert il point d'eux? les Apostres aussi n'ont ils pas vſé de cōmandement en leur endroiët. Aufquels nous pourrions faire la demande laquelle faisoit vn iour sainët Athanaſe à Arrius en luy demādāt. *Si quis Sathanā adoret ne rectē an malē fecerit?* Auquel soudainement Arrius (bien qu'il fust fort aueugle d'entendement) respondit, *impius & sine deo est neque communem sensum habet, nec meretur hominis appellationem.*

Atha. in di
sputatione
cōtra Arriū
i Niceno
concilio.

Doncques par la propre confessiō d'un membre de Sathan nous auons quatre choses de celuy qui adore Sathan. Premierement il est plein de toute impieté & meschanceté. Secondement il est vray atheistē en troisieme lieu il faut accorder qu'il a perdu sō sēs & pour le dernier il n'est digne d'estre appellé hom-

me. En cela Arrius a fort bien dict con-
uaincu par la verité que surmonte tou-
tes choses. Car si nos premiers parens,
sont tombez en tous ces Labyrinthes,
& sont à bon droict appelez hereti-
ques, auégles, incensez, bestes brutes
bien qu'ils fussent esté abusez par sim-
plicité & ignorance n'aians iamais ouy
parler de l'astuce & malice du diable à
combien plus forte raison serônt dignes
de telles & plus griefues appellations
ceux qui ont premierement renoncé à
Sathan & à toutes ses œuures instruits
par la sainte escripture en infinis pas-
sages, admonestez si souuent par la bou-
che de Iesus Christ, des Apostres de
toute l'Eglise, laquelle ne crie iamais
autre chose sinon qu'il nous faut fuir,
euitier & resister, à Sathan, prier Dieu
incessamment que ne succombions à sa
tentation à cause qu'il ne dort point
ains est tousiours veillant sur nous cō-
me vn lion affamé & bruiant aux de-
serts? Si bien doncques que nous som-
mes venus en ce temps miserable que
comme iadis on disoit que biē heureux
estoit celuy qui n'auoit esté abreué
de la doctrine d'Arrius nous sommes

*Tertul. lib.**2. contra**Marcio*

au contraire contraincts de souhaitter
 aux hommes aueuglez de nostre temps
 pour le moins vne tant bonne consciē-
 ce qu'elle estoit iadis à ce miserable &
 puant Arrius. Car voions ie vous prie
 en combien de manieres leur sophisme
 est plain de mensonge. Premièrement
 il n'est pas vray que l'homme doie in-
 miter Dieu en toutes choses ny aussi Ie-
 sus Christ son fils. Ains comme disoit
 quelque bon & ancien pere, *In diuinis*
rebus quædam sunt credenda, quædam admi-
randa, quædam verò imitanda. Comme
 quand nous trouuons que Iesus Christ
 du pain en a faict son corps, c'est vne
 chose qu'il nous faut croire & non imi-
 ter quand il ressuscitoit les morts cela
 nous est proposé pour admirer seule-
 ment sa diuine puissance, si bien que si
 quelqu'un attentoit d'en faire tout au-
 tant il seroit iugé vsurpateur de la gloi-
 re de Dieu qui est le vray but où le Dia-
 ble pretend faire venir par ce sophisme
 ces pauures aueuglez comme par ce
 moyen il a faict tresbucher nos premi-
 ers parens leur persuadant d'aspirer d'es-
 tre comme Dieu tout ainsi cōme il au-
 oit desia practiqué en luy mesme &

ſçachant que ce auoit eſté le vray moië
par lequel il auoit eſté expulſé à iamais
de Paradis pource qu'il auoit dict en
ſon cœur *Similis ero altiſſimo* ; & auoit
auſſi perſuadé à l'homme & à la femme
eritis ſicut dii , ainſi fait-il a l'endroit de
ceux cy qui veulent auoir autant d'au-
torité comme Dieu n'aduſant point
que Dieu eſt authœur & createur de tou-
tes choſes viſibles & inuiſibles comme
le monſtre ſainct Paul. *Ex ipſo & per ip-
ſum & in ipſo ſunt omnia ſue quæ in cœlis
ſunt ſue quæ in terris ſunt viſibilia & in-
uiſibilia & in ipſo ſelectitur omne genu cœ-
leſtium terreſtrium & infernorum.* Et pour
ce comme createur d'icelles créatures il
en peut vſer comme bon luy ſemble &
ce par le droidt de creation qu'il a ſur
routes créatures par lequel il eſt adoré
d'adoration de ſouueraineté qu'on ap-
pelle Latrie propre & peculièr à luy
ſeul *Adorate deum* , diſoit S. Iean. *Qui fe-
cit celum & terram mare & omnia quæ in
eis ſunt.* Or en cela nos Luciferians (ainſi
peuuent ils eſtre appelez pour eſtre i-
mitateurs de Lucifer) veulent eſtre ef-
gaux à Dieu comme s'ils eſtoient com-
pagnõs de Dieu en la creation des ſub-

Col. 1,

stâces visibles & inuisibles, & en veulēt
 vser & disposer à leur cōmoditez & bō
 plaisir, sans auoir esgard que Dieu cōme
 s'est reserué plusieurs choses ausquelles
 n'appartiēt en façon quelcōque à l'hō-
 me d'y toucher, comme sont sa propre
 gloire de laquelle il dit, *Gloriam meā al-
 teri non dabo*. La cognoissance des pēsees
 interieures de l'hōme, la vengeance de
 nous ennemis, & la puissance de souue-
 raineté qu'il a sur toutes ses creatures, au
 nōbre desquelles sōt les malins esprits,
 qui sont soustenus & conduits sous sa
 prouidence, ne plus ne moins que les
 meschans hommes qui s'arment en ce
 monde contre luy, l'autre faute commi-
 se en ce sophisme est que la reigle ou ba-
 lance de toutes noz actions doit estre la
 parolle de Dieu, de laquelle il ne fault
 decliner ny à la dextre ny à la senestre.
 Or la parolle de Dieu nous prohibe si
 estroitement telle commerce ou fami-
 liaritez avec Sathan qu'elle commande
 que celuy qui s'adressera au Magiciē ou
 forcier, pour faire quelque chose que
 soit, ores qu'il ne parle au diable qu'il
 soit sans misericorde lapidé, nous ensei-
 gnant par ce moyen que c'est vne vraye

Idolatrie, par ce qu'on laisse au besoin le vray Dieu pour auoir recours à son aduersaire, & en luy mettre son appuy & en luy mettre toute son esperāce, recognoissant qu'il reçoit tel bien de luy qui n'est autre chose que l'adorer & pratique, ce qu'il disoit quelquefois, *Hæc omnia tibi dabo si cadēs adoraueris me.* Qui a esté l'ocasiō de la ruine d'Ochosias, Saül & plusieurs autres qui pouuoient aussi biē dire que nous atheistes & magiciēs, quel danger y-a-il de soy seruir d'eux au besoin, puis que Dieu s'en sert quand il veut. La troisiēme faute, que tant s'en faut qu'on face cōme Iesus Christ, qu'au contraire on fait tout autrement. Car Iesus Christ tant s'en faut qu'il euoque à soy les diables, qu'il s'est muny & armé contre leurs tentations, par la successiō des Sacremens, prieres, & ieusnes admirables: & quād Sathan s'est à luy présenté sans estre demandé, il le repoulse en arriere avec rudes parolles disant, *Vade retro Sathana, scriptum est dominum Deum tuū adorabis & illi soli seruies.* Par lesquelles parolles le diable la quite, ne pouuāt endurer si on viēt à luy resister, & pour autāt S. Iaques aiāt esgard à c'est exēple

de Iesus Christ, Il nous baille ceste leçon disant *Resistite diabolo & fugiet à vobis* Conformemēt S. Pierre qui disoit aussi, *Cui resistite fortes in fide*, voila ce que nous est commandé de faire à l'exemple de Iesus Christ prier & ieusner avec fins qu'il n'aproche de nous & au cas qu'il se presente de luy mesmes de luy resister par le moien de la foy & le repousser aigremēt de nous, ainsi que fist sainct Martin comme recite Seuerus Sulpitius le voiant aupres de luy va dire. *Quid hic astas cruenta bestia?* & c'est le commandement qu'à esté fait à l'hōme dès le commencement du monde, pour nous le rendre plus odieux, Dieu a voulu faire vne loy d'inimitié entre les hommes & le Diable disant, *Inimicitias ponam inter te & mulierem inter semetuum & semen illius*. Je veux dict Dieu qu'il y ait inimitié mortelle entre le serpent & la semence de la femme, sçachant bien ce grād gubernateur & preuoyeur de l'vniuers que quelque beau pretexte qu'il puisse auoir il ne demande que la ruine de l'homme cōme nous auōs desia dit des crocodilles d'Egypte qui seignent la voix humaine pour de-

uorer l'homme, Il est dōc de befoin que l'homme apprenne en ce faict icy la sagacité & prudence des chiens d'Egypte lesquels cognoissant leur malice & rapacité sanglante quand il vont le long du Nil apres leurs maistres ils ne s'arrestēt iamais à boire à ce fleuue que si la soif les presse par trop ils boient tousiours en courant sans si arrester aucunement: de mesmes l'homme doit euitertoutes œuures de Sathan que si quelquesfois les pensees mauuaises se presentent il ne faut nullement s'y arrester, mais passer outre en destournāt l'entendement de telles cogitations autrement si nous y arrestions serions en danger d'estre deuorez, car la conclusiō est veritable qu'il ne va iamais en lieu quelconque sinon pour deuouier quelqu'un à ceste occasion nostre seigneur qui n'ignoroit pas sa sanglante malice n'a voulu permettre qu'il le confessast estre fils de Dieu, car il ne disoit cela, (comme a bien remarqué sainct Athanase) que pour faire tort à Iesus-Christ & abuser le monde par ce moyen. La quatriesme faute est qu'on ne regarde point comme Iesus Christ a baillé puis-

*Erasmè in
Chiliad.*

*Luc. 4.
Athan. o-
rat. 1.
contra Ar-
rian.*

face à ses Apostres & à leurs successeurs par dessus les Diables. En premier lieu ça esté pour luy briser la teste & le mettre desloubz nos pieds comme il auoit esté prédit que la semence de la femme luy casseroit sa teste venimeuse, ainsi disoit Iesus Christ à ses Apostres. *Dedi vobis potestatem calcandi supra serpentes, &* saint Paul par apres, *Deus autem conterat Sathanam sub pedibus vestris.* En secōd lieu telle puissance a esté baillee à l'Eglise par le merite de la mort precieuse de Iesus Christ à la charge de le chasser & repousser, en troisieme lieu aussi que le tout soit faict & exercé par l'inuocation du nom de Iesus Christ lesquels deux points sont cōprins en ces parolles. *In nomine meo demonia eiicient.* Or les forciers & magiciens n'vsent point du diable pour luy casser la teste en luy résistant, mais ils le flattent & appellent à eux avec certaines choses que emportent vne subiection & recognoissance, & à brief dire ils l'adorēt premieremēt Parcillemēt au lieu de les chasser & expulser ils les font venir pour leur demander aduis ayde & faueur ou Iesus Christ ne vouloit endurer qu'ils parlassent &

Origen. *homi. in numeros.*

pour l'autre (cōme a biē remarqué Ori-
gene cela n'est point fait par force &
violence en inuocquant le nō de Dieu,
mais seulemēt par vne certaine familia-
rité cōmerce & accord qu'ils ont avec
eux, de maniere que le tout bien confi-
deré ils font tout au rebours & contrai-
re de Iesus Christ & des apostres, biē est
vray que quelques fois ils font semblāt
de pleurer encore qu'il n'en soit rien en
verité: & à ce propos S. Augustin recite
vne histoire d'un certain magiciē qui se
vatoit de pouuoir cōmāder aux esprits
disant que quād ils estoiet trop tardifs
à faire ce qu'il vouloit en les menaçant
de faire descēdre le ciel si bas qu'il tou-
cheroit la terre ils executoient prōpre-
mēt sa volōté craignāt d'estre brisez en-
tre le ciel & la terre où ils demeurēt tout
ainsi que le grain est brisé en pieces en-
tre deux meules de moulin mais qui ne
verroit que c'estoient regrets & pleurs
de crocodilles, c'est à dire fictiōs sathani-
qs pour piper les gēs, car premieremēt
de faire descēdre le ciel en terre il n'est
mesmes en la puissāce des anges ausq̄ls
cōme dit S. Paul Dieu n'a point assue-
ty l'vniuers de ceste machine ronde. Nō
mī (dict-il) *Angelis subiecit deus orbem.*

*August. lib
10. de ciuit
c. II*

Tant s'en faut qu'ainsi soit qu'il ne se-
 roit en la puiffance naturelle de tous les
 malins esprits de tourner le ciel de la
 Lune qui est le moindre de tous, car cō-
 me Dieu à limité les mouuemens natu-
 rels du corps humain à l'ame raisonna-
 ble, si bien qu'il n'est en la puiffance des
 Anges de faire viure ce corps de vie ve-
 getatiue, sensitiue, ou humaine enco-
 res qu'il soit en leur puiffance de y en-
 trer dedans, comme nous voyons aux
 energumenes & possédez: ainsi Dieu a
 limité la puiffance passiue du mouue-
 ment des cieux à certains anges qu'il y
 a deputez ioinct que c'est chose ridicu-
 le d'estimer que les esprits puissent e-
 stre brisez ils font dōc quelquefois des
 bons valets (comme ils sont cauts &
 plains d'astuce) pour couper la gorge
 à leur maistre. Et c'est la cinquiesme er-
 reur qui les aucugle puis qu'ils ont op-
 pinion que Sathan se rend à leur serui-
 ce, car comment est il possible que le
 Diable se rēde seruiteur & esclauē d'un
 hōme qui n'est qu'un ver de terre attē-
 du qu'il ne veut par sō grād orgueil qui
 mōte tousiours estre seruiteur de Dieu
 leql il sçait toutesfois estre sō createur?

Comment

Commēt (di-ie) fera-il du laquay pour s'humilier à l'homme puis qu'il a mieux aimé estre priué de sa part de paradis & felicité eternelle, mieux aimé estre à ia-mais en vn feu, que de recognoistre Ie-sus Christ pour son chef luy ayant esté proposé qu'il seroit homme, non, dit-il, en son cœur deuât que recognoistre vn homme, vn verd de terre, i'ayme mieux estre damné, ainsi que tresbien la explique ce deuot & ancien pere saint Bernard. Il faict donc le semblant de vouloir faire seruice à l'homme: mais c'est pour estre son maistre: car s'il se plaist de posseder corporellement vn homme à cause qu'il se rend maistre de son corps, à plus forte raison il se plaist d'auantage quand il peut posseder par ses ruses la pauvre ame en luy ostant la cognoissance de Dieu: car quand il possede le corps tel tourment est souuent instrument de salut. Comme dict saint Paul. *Tradidi huius modi Sathane ut spiritus eius saluus fiat.* Mais quand il possede l'ame l'ayât retirée de la grace de Dieu, c'est vn instrument de damnation. Pour autant la saincte escriture nous represente Sathan tousiours par exemples de

1. Cor. 5.

choses autant pernicieuses à l'homme que espouuantables & dāgereuses d'un serpent, d'un dragon, d'un lion bruiant de peur que nous ne disions comme les atheistes que le diable n'est point si noir qu'on le paint: ains au contraire il est si espouuantable & dangereux qu'on ne le sçauroit assez représenter avec tous les centaures, chiens à trois testes & autres tels monstres representez par les poètes. Si donc quelqu'un vouloit familiariser & approcher de telles bestes furieuses seroit il pas biē hebeté & hors du sens? Ce que toutesfois font & pratiquent les forciers & magiciens. Ce point fust remonstré à Iob le quel auoit en partie expérimenté la rage & malice sanglante de Sathan: mais non du tout ne luy ayant esté permis de faire ce qu'il eust bien voulu. Dieu donc luy décrit Sathan par l'exemple du plus grand & horrible monstre du monde appellé Behemoth. Ceste beste (dit Dieu) c'est la plus effroiable & dangereuse beste du monde, son corps est comme tout maille qui est cause qu'il est plus dur q̄ pierre & si on le pense briser à grāds coups de marteaux ou à grāds coups de lāces tout

*Hiero. ad-
uersus vi-
gilant. Iob
40. 41.*

rela ne luy ſçauroit nuire non plus que paille. Si on tafche à l'afſommer à grâds coups de pierre d'un rocher tout eſt fait en vain & ne peut non plus l'endôma-ger que les eſtoupes : puis de ce mon-ſtre : il dit à Iob, as tu bien opinion de le pouuoir prédre à l'ameçon en la manie-re qu'on préd les poiſſons : ou que quâd tu te préſenteras à luy, penſes tu qu'il ait peur & crainte de toy, *Nunquid multipli-
cabit tibi preces aut loquitur tibi mollia* : fe-
ra il point côme le chien qui flatte ſon
maître & ſe met à ſes pieds de peur d'e-
ſtre battu : puis s'il eſt queſtion de faire
quelque accord avec toy, penſes tu bien
qu'il le vueille, ou puiſſe faire ſinô à l'in-
tention de toy deuorer : *Nunquid feri &
tecum pactū & accipies eum quaſi ſeruū ſem-
piternum* : & puis as tu biē opinion de toy
pouuoir iouer de luy côme d'un oyſeau
auquel tu mettras vn fillet au pied & le
feras voler quâd tu voudras ou le retiē-
dras à tō plaifir : *Nūquid illudes ei quaſi ani* !
En fin pour cōcluſion Dieu dit, *Memēto
belli nec ultra addas loqui*, ayez ſouuenāce
qu'il eſt homicide dès le cōmencemēt &
qu'il eſt tō ennemy capital & te fait in-
ceſſammēt la guerre & ne t'abuses point

a ces folles parolles, de dire que tu t'en
 fers cōme d'un seruiteur: car pour tout
 vray cela est impossible: car c'est par la
 seule foy qu'on le peust maistriser &
 non par conuention ou accord: car il est
 mēteur & te trompera au besoin & puis
 quand il t'aura fait rompre le col contre
 sa promesse deuant lequel iuge le met-
 tras tu en cause pour auoir reparation
 de sa tromperie, vne autre chose qu'il
 faut considerer, c'est qu'estant menteur
 & n'ayant eu honte de mentir manife-
 stement à Iesus Christ en luy promet-
 tant ce qui n'estoit en sa puissance disant,
Matth. 4. *Hæc omnia tibi dabo,* il ne faut s'abuser de
 dire qu'il rougira deuant l'homme en
 luy promettant ce que n'est en sa puis-
 sance: cōme de ne pouuoir estre tué en
 bataille, ou le garentir, ou aussi deliurer
Grego. Nazian. orat. in Cypria. de tous dangiers, dequoy nous auōs en
 Gregoire Nazianzene l'histoire de S.
 Cyprien, qui se fist forcier & magicien
 deuāt qu'il fust chrestien pour pouuoir
 iouir d'une fille qu'il aymoit follement:
 le diable la luy ayant promise en fin il
 fust cōtraint par cōmandement de Dieu
 de luy confesser qu'il luy auoit promis
 chose qui n'estoit en sa puissance, qui

*Athanas.
ora. prima
aduersus
Arrianos.*

fust l'occasion de sa conuerſion en la religion chreſtienne, ſainct Arhanase qui ſeſtoit rendu familier à Anthonius Monachus qui a eſté vn autre Iob au nouueau teſtament il deſcrit fort eloquemment les ruſes de Sathan, il diſſimule dit-il & couure ce qu'il eſt en verité, prenant vne belle eſpece externe avec vn beau nom comme il cognoiſt que les choſes nous reuiennent à gré en cela ſemblable à ces pirates qui rencontrent quelquefois les petis enfans au long du riuage de la mer & ſ'approchent d'eux & les mignardent, les appellant ſi doucement que ſon pere ou ſa mere n'en feroient point d'auantage: ils leur preſentēt des pommes & leur bail- lent certaines petites choſes qu'ils ſça- uent eſtre agreables aux petis enfans: mais les ayans attirez ils dreſſent leurs voilles & les retirent bien loing de leur pere & mere pour les faire eſclaues toute leur vie en eſtrange païs. A la mienne volōté que tous ceux qui ſe ſont ainſi laiffez abuſer à Sathā qu'ils retinſſent bien ce propos de ce grand personnage & qu'ils retournent comme prodigues en la maiſon de leur pere noſtre Dieu

DISCOURS

en quittant ce dur & rude tyran qui ne leur sçauroit faire manger que pures escorces, c'est à dire promettre choses vaines, inutiles, friuoles & pleines de mensonge, comme il est le pere de mensonge que s'ils ne veulent retourner il faudra faire comme la loy de Dieu porte au leuitique vingtiesme chapitre. C'est qu'ils soient mis à mort de mort non vulgaire: mais telle qu'elle puisse effrayer & seruir d'exemple à toute maniere de gens, ce qui a esté sainctement executé en Auignon la presente annee mil cinq cens octante deux, Ainsi qu'on pourra entendre par la sentence contre eux donnee, l'extrait de laquelle est au prochain chapitre, afin qu'un chascun entēde combien telles gens sont esloignez de la cognoissance de Dieu & dignes de feu. Seulement auons à noter pour resolution de ce discours, ce qui est enseigné par Tertuliā, à sçauoir que iamais Iesus Christ ny ses Apostres, ny gēs de bien en l'eglise n'ont euoqué ou appellé à eux les esprits malings: mais seulement les ont chassiez & expulsez

en vertu de la parole de Dieu & quant est de Iesus Christ, il est dict en l'euangile, *Erat Iesus eiiciens demonium, signum digito dei eiicio demonia*, & en somme il appert par l'euangile que tout ce que Iesus Christ en faisoit en leur endroit c'estoit seulement pour cest effect qui est de les chasser & rendre odieux & abominables aux hommes, aussi n'a il baillé autre puissance aux Apostres sinon de les chasser: comme appert Mathieu 10. où est dict que les ayant esleuz pour ses Apostres il les enuoya leur baillant puissance sur les esprits immondes, à cest effect, de les expulser & chasser, *Dedit eis potestatem* (dit le texte) *Spirituum immundorum; eiicient eos*, pareillement apres sa resurrection les enuoyant par tout le monde, il n'oublie de leur bailler puissance sur les diables: mais il declare que c'estoit seulement pour leffect susdict, à sçauoir de les chasser, disant, *In nomine meo demonia eiicient*, qu'on lise les actes des Apostres & ne trouuera on autre chose d'eux sinon qu'ils

chassoient les malins esprits, & depuis eux en l'eglise de Dieu iamais vn homme de bien ne surpassa ceste limite, & ceux qui ont passé plus outre en cela se font declarez n'estre de l'eglise de Iesus Christ: mais de l'escolle de Sathan, & c'est ce que Tertulien en disoit en ses parolles, *Nos non inuitatoria operatione sed expugnatoria dominatione tractamus*, & en vn autre endroit il dict q̄ les seuls chrestiens chassoient les diables, cōme voulant dire que les payens & magiciens auoyent quelques commerces avec les esprits malings, mais les seuls chrestiens ne s'en mesloient iamais sinon pour les chasser, suiuant la puissance qu'ils en auoyent receu de Iesus Christ, voyez les passages citez au commencement de l'epistre lumineaire de ce liure.



EXEMPLAR SENTEN-
TIAE CONTRA FASCINA-
rios latae Auenioni, anno
domini 1582.

Visis processibus contra N. N. N.
Sc. coram nobis constitutos reos ac-
cusatos & delatos quibus tam per
vestram & quorumlibet vestrum relatio-
nem ac propria confessionem iudicialiter co-
ram nobis factam in qua sepius repeti iura-
mento vestro medio, quam per testium depo-
sitiones eorūque accusationes & alias legiti-
mas probationes. Ex dictis actis & processu
resultantes nobis legitimè constitit & constat
quod vos & vestrum quilibet Deum nostrū
omniū creatorem & opificem vnum & tri-
num abnegastis & immitē diabolum hostem
antiquum humani generis coluistis, vosque illi
perpetuò deuouistis & sacratissimo baptisma-
ti & his qui in eo fuerant susceptores leuantes
& proparentes vestraeque parti paradisi &
aeternae hereditatis quam pro vobis & toto
genere humano dominus noster Iesus Christus
sua morte acquisiuit coram praefato cacode-
A. 1. pars. p.
B. 2.
vide. A. 1.
part. 2.

- mone in humana specie existente abrenuncia-
tis infundente ipso rugiente diabolo denuò a-
quam quam accepistis vestro vero mutato no-
mine in sacro baptismatis fonte vobis imposi-
to, sicque aliud commentitium nomen vobis
imponi fictitio baptismate passi fuistis & ac-
cepistis atque in pignus fidei demoni datæ ve-
stimentorum vestrorum fragmētum & par-
ticulam illi dedistis, & ut a libro vite vos
deleri & obliterari pater mendacii curaret
signa vestra propria manu ipso mandante &
rubente in reproborum damnatorum mortif-
que perpetuæ libro nigerrimo ad hoc parato
apposuisistis: & ut ad tantam perfidiam & im-
pietatem vos maiori vinculo deuinciret no-
tam vel stigma cuiuslibet vestrum veluti rei
sue propriæ inussit & illius mandatis & ius-
sis iureiurando super circulo quod diuinitatis
symbolum est in terram sculpto quæ scabellum
pedum dei est per vos & quemlibet vestrum
præstato vos obstrinxistis signo dominico &
cruce conculcato & illi parendo adminiculo
baculi quodam nephandissimo unguento ab
ipso diabolo vobis præscripto illiti cruribus
& positi per aera ad locum constitutū intem-
pesta nocte hora cōmoda malefactoribus fla-
tisque diebus ab ipso tentatore portati &
translati fuistis ibique in communi sinagoga
- C. 3.
D. 4.
E. 5
F 6.
C. 7. part.
prima.
H. 8.

plurimorum aliorum maleficiorum sortilego-
 rum & hæreticorum fascinariorum cultorū-
 que demonum accenso igne tetro post multas
 iubilationes saltationes commessiones com- I. 9.
 potationes & ludos in honorem ipsius præsi-
 dentis beelzebub principis demoniorū in for-
 mam & speciem foedissimi & nigerrimi hir- K. 10.
 ci immutati ut deum re & verbis adorastis
 & ad illum complicatis genibus supplices ac-
 cessistis & candelas piceas accensas obtulistis
 & illius foetidissimum ac turpissimum anum
 prospudor summa cum reuerentia ore sacrile-
 go deosculati estis, illumque sub veri dei nomi-
 ne inuocastis illiusque auxilium & pro vin-
 dicta in omnes vobis vel infensos vel petita
 denegantes exercenda efflagitastis atque ab
 ipso edocti vindictas maleficia fascinationes
 tum in humanas creaturas tum etiam in ani-
 malia exercuistis atque homicidia infantium
 quamplurima cōmisistis, imprecationes abla-
 ctationis tabes & alios grauissimos morbos
 ope iam dicti sathane immisistis infantesque
 per vos nonnullis etiam scientibus tantum &
 annuentibus arte iam dicta malefica oppressos vide G. 7.
 confossos & interfectos fuisse ac denique in part. 2.
 cemiterio sepultos noctu & clam exhumastis
 atque in synagoguam prædictam fascinario-
 rum collegum portastis: denique demoniorum

principi in folio sedenti obtulistis detracta &
vobis conseruata pinguedine capite manibus
& pedibus abscis truncanque decoqui & e-
lixari & interdum assari curastis, iubentique
ac mandante prefato patre vestro comedistis
& damnabiliter deuorastis, mala denique
malis addendo vos viri cum succubis vos mu-
lieres cum incubis fornicari estis, sodomiam
veram & nephandissimum crimen miserè cū
illis tactu frigidissimo exercuistis. Et quod
etiam detestabilissimum est Angustissimum
Eucharistiae sacramentum per vos in ecclesia
sancta dei aliquando sumptum iam dicti ser-
pentis à paradiso eiectionis præcepto in ore reti-
nuistis illudque in terram nephariè expuistis
vt cum maiori omnis contumeliæ impietatis
& contemptus specie deum nostrum verum
& sanctum dehonestaretis, ipsum vero dia-
bolum eiusque gloriam honorem triumphum
& regnum promoueretis, atque omni honore
decore laudibus dignitate authoritate & ado-
ratione honoraretis decoraretis & honestare-
tis. Quæ omnia grauissima horrendissima, ac
nephandissima sunt directè in omnipotentis
dei omnium creatoris contumeliā & iniu-
riam. Quam ob causam, Nos frater florius,
prouincius ordinis fratrum prædicatorum sa-
cræ theologiæ doct̃or ac sanctæ fidei in tota

ista legatione Auenionēsi inquisitor generalis
 dei timorem præ oculis habentes, pro tribunali
 sedentes per hanc nostram sententiam diffini-
 tiuam quam de theologorum & iurisperitorū
 consilio more maiorum in his ferimus scriptis
 Iesu Christi domini nostri ac beatæ Mariæ
 Virginis nomini bus piè inuocatis dicimus de-
 claramus pronunciamus & diffinitiuè senten-
 tiamus vos omnes supra nominatos & ve-
 strum quemlibet fuisse & esse veros apostatas
 idolatras sanctissimæ fidei defectores dei om-
 nipotentis abnegatores & contemptores sodo-
 miticos & nephandissimi criminis reos adul-
 teros fornicatores sortilegos maleficos sacrile-
 gos hereticos fascinoarios homicidas infantici-
 das demonūque cultores sathanicæ diabolicæ
 atque infernalis disciplinæ & damnabilis
 ac reprobæ fidei assertores blasphemos per-
 iures infames & omnium malorum facinorū
 & delictorum conuictos fuisse. Ideo vos
 omnes vestrumque quemlibet tanquam satha-
 næ membra hac nostra sententia curiæ secula-
 ri remittimus realiter & in effectu condignis
 & legitimis pœnis eorum peculiari iudicio
 plectendos.

Scholies sur la sentence donnee contre
les forciers.

I. A. PARS
prima.

PEr Vestram propriam confessionem
&c. & infra &c. Cacoðemone
inhumana specie existente, &c.

Comme il comte par le procès
trestous hommes & femmes conuien-
nent en cela que le diable s'apparust à
eux en forme d'homme : mais les occa-
siōs sont diuerſes. Vne fēme depose (car
il appert que les femmes ont tousiours
conduict les hōmes à ce malheur : com-
me Eue fist à Adam) qu'estant fort me-
lācholique & presque hors de sens pour
la perte qu'elle auoit faicte d'une sien-
ne fille n'auoir gueres trespassée vn cer-
tain homme tout vestu de noir aagé de
vingt cinq ou trente ans s'apparut à elle
en luy disant ie vois bien dit-il, bonne
femme que vous estes en grand fasche-
rie, toutesfois si vous me voulez croire
ie vous feray bien heureuse. Les autres
deposent que du temps de la grande fa-
mine quand pauures gens estoient con-
traints de manger des herbes sauuages
& de faire seicher & cuire le fiant des
cheuaux & des asnes, comme elles n'a-

uoient nul moyen de bailler à manger à leurs enfans vn certain homme s'apparust vestu de noir, aagé, saluât & parlant comme dessus est dict, pour les attirer à luy, vray est que la plus part d'elles depose que pour la premiere fois il ne les fist condescendre à son intention: mais bien à la seconde fois ou à la troisieme, quand ils l'eurent vn petit accoustumé. Surquoy on se doit prendre garde combien est à Dieu agreable & profitable à nos ames, d'ayder aux pauvres gens en les consolant en leur desolation, ou les secourât en leur pauureté & necessité: attendu que c'est autāt que les garder ou tirer de la gueulle de ce grand lion infernal & n'est sans cause si des œuures de misericorde il nous fera
Matth. 25. faicte mention speciale au grand iour du iugement ou à nostre salut, ou bien à nostre condemnation. Car comme dit saint Iaques quiconque destournera vn ame du chemin de perdition il
Iacob. 5. gaignera & sauuera la sienne & couurira par ce moyen la multitude de ses iniquitez, ce q̄ cognoissant les Apostres
Ast. 6. pour la premiere pollice qu'ils ordonnerēt en l'eglise ce fust d'auoir gēs deputez

au miniftre & feruice des pauures & preuoyās qu'une famine deuoit furuenir en leur temps ils firent de bōne heure vne quefte generale par toutes les villes où il y auoit des chreftiēs pour fecourir les pources à leur neceffité à quoy fingulieremēt S. Paul ſ'employe fort, cōme il appert par ſes epiſtres & mandoit on tel argent de bien loin: cōme de Corinthe Theſſalonie & autres villes en Hieruſalem & par la Iudee où il y auoit grande pauureté à cauſe des guerres ordinaires & garniſons qui eſtoient miſes par les Romains, ſi bien que comme de leur predication il eſt dict, *In omnem terram exiuit ſonus eorum*, auſſi pourroit on dire de leur aumosne, *In omnem terram exierunt elemoſinæ eorum*, & à leur exemple les premiers Empereurs & Princes chreſtiens: comme Conſtantin & autres donnerent grande abondance de bien temporel à l'eglīſe & fonderent infinité des hōſpitaux, ſi biē que Iulien l'apostat ne pouuant nier que ce ne fuſt choſe fort ſainctement & piteuſement faiçte, il ordonna que pluſieurs hōſpitaux fuſſent baſtis & rentez richement ne voulant eſtre en ce faiçt (comme

Act. 2.

2. Cor. 16.

Pſal. 18.

Nicepho.
Hiſto. ecclē-
ſiaſti. cap.

me

me il disoit) surmonté des Chrestiens. De ce fait d'oc tant execrable sont coulpables ceux qui tiennent le bien de l'eglise, & aussi tous ceux qui ont honnestement du bien de ce monde à ceux cy dis-ie, seront presentés ces pauvres gés qui se sont en ce monde vouez au diable & desdiez à luy, à faute qu'on ne les a voulu secourir. D'autre part les pauvres gens doiuent considerer que Iesus Christ vray fils de Dieu & Roy de gloire, il s'est voulu faire pauvre en ce monde, pour nous faire entendre qu'il nous faut pour l'amour de luy endurer toute pauureté, quand il luy plaira nous l'en-uoier, considerant que telle misere est instrument de salut & nous forge iournellement vne couronne de gloire enrichie de tous les thresors & pierres precieuses qu'on pourroit dire ou penser: comme il est adueni veritablement au pauvre Lazare qui n'auoit seulement des miettes de pain qui cheoiēt dessous la table, aux chiens: encores *Luc. 16.* qu'il fist son pouuoir & deuoir d'en demander ayant eu tousiours sa confiance en Dieu & prenant sa pauureté en patience il a esté digne d'estre porté

apres sa mort par les anges de paradis
 au deuant de Dieu. Iesus Christ: mes-
 me n'auoit le plus souuent vn oreiller
 pour reposer sa teste, & son berceau
 à sa natiuité fust vne creche, sa couette
 ce fust la paille & le foin, brief, comme
 dict saint Paul, *Cum diues esset egenus pro*
nobis factus est. Or doncques quād à l'ap-
 parition visible du diable, on ne la doit
 trouuer estrange, mesmement en ce
 temps duquel a esté predict que, *Soluetur*
Sathanas, car il est apparu visiblement à
 Eue parlant familièrement avec elle &
 quand est de la forme humaine on ne
 peut nier qu'il ne se soit en telle forme
 présenté à Iesus Christ iusques à pren-
 dre des pierres & les luy monstrier en
 disant, *Dic vt lapides isti panes fiant*, pour
 le regard des bons anges il n'y a nulle
 difficulté attendu qu'à tous propos sin-
 gulièrement au liure du Genese, il est
 faict mention des anges qui se repre-
 sentoient aux hommes en forme hu-
 maine & si les diables ont représenté
 des serpens grenouilles & autres cho-
 ses deuant Pharaon & tout le peuple,
 il n'est de merueille sil se représente
 à l'homme en forme d'homme ainsi

Math. 8.

Luc. 2.

2. Cor. 8.

A pars 2.

Apoca. 20.

Genese. 3.

Matth. 4.

Exode. 8.

qu'il se presentoit souuent à Iob du-
rant sa temptation comme le mon-^{Iob. 2.}
stre & preuue saint Iean Chrysostome ^{Chriost.}
disant que les messagiers qui luy ^{homel. 3.}
venoiẽt apporter les nouuelles sou-^{de patient.}
dainement l'vne quand & quand après ^{Iob.}
l'autre disant s'estoient diables en gui-
se d'hommes, car autrement on ne
sçauroit bien accorder comment par
voye ordinaire vn homme estant dans
vne maison qui s'accable tout à vn coup
puisse eschapper la ruine d'icelle mai-
son, ny aussi que les degasts estans
faicts bien loing l'vn de l'autre : com-
me des brebis consommées par le feu
qui descendist du ciel, des chameaux
qui furent prins par les Chaldeens, la
maison qui fust abbatue, peussent estre
rapportez, si à propos que ce pendant
que l'vn parloit encores, l'autre venoit
pour apporter d'autres nouuelles : ioint
que Sathan ayant permission de tuer
non seulement les brebis : mais aussi
les bergers & non seulement accabler
la maison : mais assommer tous ceux
qui estoient dedans il n'est vray sem-
blable qu'il voulust faire grace à vn
seul luy qui est sanguinaire & meur-

trier de l'homme & loup rauissant, qu'il tue premierement tout ce qu'il peut rencontrer, attendu qu'il estoit en sa puissance de faire aussi bien les messages que les meurtres & desgats pour ce qu'il auoit eu permission de faire tout ce qu'il vouloit à l'endroit de Iob, excepté vne seule chose, *Tantum* (dict Dieu) *ne tangas animam eius*. Or c'estoient ces nouuelles qui le temptoient le plus, donc il n'y a inconuenient de dire que ce fust le diable : aussi le texte ne dict pas iamais recitant les desgats que vn seul en fust eschappé : mais seulement que celuy qui portoit les nouuelles le disoit : ainsi comme l'escriture a recité que L'amalechite contoit à Dauid qu'il auoit tué Saul. Combien qu'en verité il ne fust ainsi : car Saul s'estoit

2. Reg. I.

1. Reg. 28.

tué luy mesme : comme il est dict, *Irruit super gladium suum*, à plus forte raison ce pere de mensonge pouuoit dire vne chose pour autre : ainsi donc saint Chrysostome ne trouue estrange de dire que le diable ce soit apparu à Iob en forme d'un messager ou seruiteur aagé (comme il est à presumer par tels messagers & tant soudains) de vingt-

cinq on trente ans. Sainct Augustin ne
 s'est contenté de dire que cela se puisse
 faire : mais aussi il donne la raison : *August. lib. 7. de trinit. c. 7. 8. lib. 83. quæst.*
 comme cela se faict, c'est par l'applica-
 tion des causes naturelles moyennant
 lesquelles il forme tel corps que bon
 luy semble quant aux qualitez & quan-
 tité qui ne sont que purs accidens &
 mouuent aussi d'un mouuement local
 tels corps : mais non qu'il les viuifient
 comme faict l'ame raisonnable le corps
 humain, car tel corps est vn corps
 mort & n'a que les seuls accidens ex-
 terieurs qui semblent auoir vie par le
 mouuement qui est operé par les an-
 ges secrettement : tout ainsi que par
 les anges les corps celestes sont tour-
 nez & meuz d'un mouuement local,
 ores que tels corps ne soient viuans,
 par ainsi resoult sainct Augustin, *Diabolus aptat sibi corpus aliquod tanquam vestem,* & en telle maniere il est sou-
 uentesfois apparü visiblement à sainct
 Anthoine, comme le recite sainct A- *Athanas.*
 thanase & aussi vne fois à sainct Mar- *In Antho.*
 tin, comme l'escrit Seuerus Sulpitius, *Seuerus Sul-*
 bres iamaïs aucun pere de l'eglise chre- *pic.*
 stienne ne nya que cela ne se puisse

Epiphani.
Tertul. de
carn. chri-
sti.

faire ou qu'il n'ait esté fait, en verité les Marcionistes & Manicheens qui trouuoient estrange que Iesus Christ fust esté par vn diable touché, & pour ce ne nioient pas que le diable ne se fust visiblement & corporellement demōstré à luy : mais ils aymoient mieux dire que Iesuschrist n'auoit vraie chair, ains seulement vn corps tout semblable à celuy qui peut estre formé par les esprits : Nous auons d'abondant sainct Paul qui nous enseigne que Sathan se transforme en ange de lumiere, c'est à dire qui prend quelquefois vn beau corps humain en la maniere des bons anges pour se familiariser aux hommes comme nous voyons à l'euangile des bons anges qui s'apparurent aux bonnes dames qui cerchoient Iesus Christ au sepulchre elles virent deux anges qui estoient comme iouuenceaux de dixhuiet ou vingt ans. Doncques c'est vn point hors de controuerse en l'es- criture & aux docteurs de l'eglise. Parquoy ce seroit ignorance & temerité d'en d'oubter, s'il y a à ce propos infinité d'histoires : comme de ce que recite sainct Gregoire Nazienze-

2. Cor. II.

Matth. 28.

Grego. Na-
zian. de
erat. Cy-
prian.

ne d'un magicien auquel le diable parla familièrement : mais ce que dessus doit suffire pour n'exceder la iuste mesure d'escholies, seulement auons à remarquer qu'entre autres predictions de la fin du monde saint Hipolite a escript que grand nombre de diables s'apparoistront aux hommes en forme humaine & que estant ainsi couuers de forme humaine s'assembleront aux montaignes spelonques & lieux desers, toutes lesquelles predictions conuiennent proprement aux depositions des sorcieres. A ce propos sera bon de remarquer l'antiquité & autorité de ce glorieux martyr, pour resouldre plusieurs points trouuez au lieu prealegué qui pourroient offencer les personnes, il estoit plus ancien que Origene au moins contemporanee, attendu que *Hipoli. ora. de anti-christ.* saint Hierosme recite mesmes par ses *homelies* qui preschoit, Origene assistant à ses predications il est donc à presumer, puis qu'il faisoit estat de parler des choses futures, non comprises expressement en l'escriture ou bien qu'il auoit quelque fois le don de prophetie duquel plusieurs estoient douez en

l'eglise primitiue : comme l'enseigne
Cor. 1. 13. saint Paul & duroit encores du temps
 14. de saint Irenee ou bien qu'il auoit ap-
 prins telles choses des disciples des
Irenee lib. Apostres comme saint Irenee recite
cap. auoir escrit plusieurs choses les ayant
 aprinſes des disciples de saint Iean
 l'euangeliste, & qu'il luy soit adueni
 comme à certains autres voisins des
 apostres lesquels ayās fidellement gar-
 dé ce que les plus familiers disciples
 des apostres leur en disoient, ont vou-
 lu adiouſter quelques autres choses de
 leur cerueau : comme ils le pouuoient
 coniecturer d'eux meſmes, enquoy ils
 ſe ſont abusez : ce qu'on void claire-
Euſebe lib. ment en Irenee Papias & autres, ainſi
hiſto. ecclſ. eſt il adueni à ce ſainct personnage au-
 quel on veut remarquer pluſieurs pro-
 pos veritablement procedens de l'eſ-
 prit de prophetie & auſſi d'autres pro-
 uenans de ſon iugement particulier :
 à ces derniers il faut mettre celuy de
 l'antechriſt qu'il diſt deuoir eſtre vn
 diable prenant forme d'homme ce
 qu'il donne aſſez à entendre quand il
 ne l'affirme abſolument : mais il en-
 tremeſſe que quant à luy il en a tel-

le opinion, *Hanc opinor* (dit-il) *dilecti carnis suæ substantiam phantasticam assumet organi vice*. Pourroit bien estre aussi que toutes ces choses luy auroient esté recitées par les disciples des Apostres: disans que sur la fin du monde vn prince des diables se demonstrera aux hommes ayant forme humaine & leur parlera comme vn homme faict à l'autre pour les seduire & dauantage qu'il aura vn grand nombre d'autres diables avec luy en forme semblable: mais que ce bon pere auroit de là conclud par soy mesme que l'antechrist donques seroit tel & pour autant il adioust ce mot *opinor*, à ce propos, ce qui est fort vray semblable & mesmes necessaire pour excuser ce grand personnage lequel adioust aussi qu'il y aura sur la fin du monde plusieurs malings esprits en forme humaine, *Dæmones inquit, congregabit humana specie*. Et c'est ce qu'en deposent les forciers qu'il s'en trouue vn si grand nombre à leurs assembles que hommes & femmes en ont chascun vn pour leur donner du plaisir abhominable: sainct Augustin ayant esgard à l'escriture qui dict que

Hipol. ora. de fine sæculi.

August. lib. 20. de ciuit. cap. 8.

Tertul. lib.
de anima
e. de som-
niis.

les trois ans & demy derniers & aus-
quels regnera l'antechrist, toute puis-
sance sera permise aux diables, il de-
mande ceste question, à sçauoir si pour
lors les peres chrestiens pourront bap-
tiser leurs enfans & resister aux incur-
sions des diables qui seront pour lors
fort frequentes. Tertulien dict qu'ils
n'ont aucune difficulté naturelle d'en-
trer par tout ou ils veulent pource que
quant à leur nature Dieu ne les a point
circonscripts ou limitez à aucun lieu &
pource, dict-il, il n'y a homme au mon-
de qui puisse nier que les diables n'en-
trent non seulemēt aux maisons: mais
aussi dedans les cabinets. *Nemo inquit
dubitauerit domos quoque demoniis patere,
nec tantum in aditis sed in cubiculis homines
imaginibus circumuenire.* Et donnant la
raison, il adioust, *Vtique non clausa vis
est nec sacrariorum circumscribitur termi-
nis vaga & peruolutica & interim libera est:*
Et c'est ce que veut conclurre saint
Augustin que puis qu'ils seront pour
lors desliez, ils pourront facilement
aller par tout: mais non pas qu'il fail-
le entendre pourtant qu'ils puissent
estre en diuers lieux: comme bien le

preuue sainct Iustin martyr en la question quarantiesme. Or de cela on en void desia quelques commencemens par les frequentes apparitions qu'ils font à ceux qu'ils ont abusé à l'endroit desquels ils font quelques operations qui sont manifestement diaboliques, & comme disoit sainct Paul parlant des disciples de Simon Magus & autres semblables: *Qui & nunc operatur in filios dissidentiae*, Conclusion le diable peut former de telle forme & figure que bon luy semble, vn corps prins de l'air & s'en reuestir s'il n'est particulièrement cohibé par la diuine prouidence: comme nous auons déclaré cy dessus & ainsi le resoult sainct Thomas, apres sainct Augustin en ces parolles *Potest formare corpus ex aere cuiuscunque formæ & figuræ, vt illud assumēs in eo visibiliter appareat.* P. P. Q. II4. Ar. 4. Ad. 2. B 2.

Scholie seconde.

Deum Verum omnium creatorem & opificem vnum & trinum abnegatis &c. & infra & sacratissimo

- baptismati*, &c. que le diable tasche persuader à l'homme de nier son Dieu c'est chose ordinaire, *Venit diabolus*, dict Iesus Christ, & *tollit verbum de corde eorum ne credentes salui fiant*, ainsi il est auteur de toutes les heresies qui furent iamais, entre lesquelles on en trouue qui ont introduict pluralité de dieux: comme Basilides, Carpocrates & autres.
- Luc. 8.** Les Ariens ont nié la sainte Trinité, il a persuadé aux athéistes qu'il n'y a point de Dieu & le tout il pratique seulement pour vsurper la gloire de Dieu. car il pretend tousiours paruenir à ce qu'il disoit dès le commencement disant dans son cœur. Je seray semblable au treshaut: pour autant tresbien dict saint Augustin, que ce que plus souhaite le diable: c'est qu'on luy presente les honneurs qu'on a de coustume presenter à Dieu, *Dæmones*, inquit, *diuinis honoribus gaudent*, ce qu'il ne peust aucunement extorquer des chrestiens, si premierement ils ne nient la Trinité, des personnes la foy de la sainte Trinité estant suffisante pour empescher toute espece d'idolatrie: car par icelle nous croyons vne seule vnitè en Tri-
- Irene. lib. 1. Tertul. lib. aduersus Valentin.**
- Esai. 14. August. lib. 10. de ciuitate cap. 20. cont. faust. manich. cap. 22.**

nité & vne seule Trinité en vnité que
faict que autre chose ne peut estre ado-
rée & recogneuë pour Dieu excepté le
Pere, le Fils & le saint Esprit, nostre
foy estant limitée à ces trois personnes
& faisant par consequent exclusion de
toute autre chose, qui est à ces trois
personnes autant inferieure qu'est la
creature au createur il failloit donc que
Basilides & autres semblables eussent
entierement perdu la foy de la sainte
Trinité, puis qu'ils admetoient plu-
sieurs dieux & aussi les Arriens & Sa-
belliens, puis qu'il n'accordoient les
trois personnes en vnité d'essence &
Trinité de personnes. Le diable donc
ny creature quelconque ne pouuant
estre adorée du chrestien, fil ne quitte
premierement la foy qu'il a en la sain-
cte Trinité. Ce n'est de merueille si le
diable en sa synagogue requiert cela
premierement des chrestiens : car au-
trement il ne sçauroit passer plus ou-
tre, dont vient qu'à peine trouuera on
heresie si on veut bien regarder de
pres laquelle ayt iamais entierement
retenu la croyance de la sainte Trini-
té : ce que nous voyons estre pratiqué

*sainctes
aux athéis
mes traité
de la sain-
cte trinité.*

*Hipolite
orat de an-
techristo.*

*2. Theffal-
lonis. 2.*

mesmes à ceux de nostre temps qui sont vrais Sabelliens & mal sentens de la distinction des personnes & qui ont ouuert le chemin aux Trinitaires de nostre temps qui se moquent de la sainte Trinité : comme si c'estoit vne chimere ou chose sainte par l'esprit humain. Par mesme raison il faict renier le baptisme lequel nous est conferé au monde la sainte Trinité. Sainct Hipolite, fort ancien pere & martyr ne faisoit difficulté d'accorder que le diable s'apparoistroit sur la fin du monde, visiblement aux chrestiens pour leur dire, ie veux que tu renies ton baptisme : car il pense que l'antechrist sera vn diable vestu d'un corps humain seulement en apparence, enquoy il n'est suiuy, parce qu'il appert par saint Paul qu'il sera vray homme & en fin mis à mort par la puissance de Iesus Christ : mais comme qu'il soit il dict que le diable fera dire ces propres mots aux chrestiens, *Nego creatorem coeli & terre nego baptisma nego adorationem à me deo præstari solitam tibi adhæresco in te crede,* & l'autre raison c'est pource qu'au baptisme nos ames sont fiancées & es-

pouſſée à Ieſus Chriſt où nous receuons de luy l'anneau de la foy, ſi avec cela nous renonçons expreſſément au diable & à toutes ſes œuvres : Au baptême auſſi exorcifmes & comme les appelle ſainct Auguſtin exuſlations, ſont faciles contre Sathan, & voila pourquoy il faiſt pluſtoſt renier le baptême que tout autre ſacrement & que de longue main il ayt voulu auſſi auoir ſon baptême pour faire touſiours le ſinge de Dieu, Tertulien en eſt teſmoin ſuffiſant, *Hic quoque, inquit, ſtadium diaboli recognoscimus res dei emulantis cū & ipſe baptiſmum in ſuis exercet*, & puis il vient à conclure que pour ceſte occaſion l'on venoit à experimenter de ſon temps que les diables frequentoient fort les fontaines & les puis.

*Tertul. lib.
de bapif.*

Scholie troiſieſme.

M*Utato vero nomine, &c. aliudque commentitium, &c.* Il y a deux choſes à cōſiderer ſur ce point pour l'inſtruction des peres & meres, le premier c'eſt de leur faire impoſer

DISCOVERS

noms qui puissent servir d'instruction
aux enfans pour faire teste au Diable:
le second de les pourvoir de parrins &
marrines qui soient gens de bien: car
puis que le Diable ne se contēte de fai-
re renier le baptēse, mais aussi il faiēt
renōcer aux parrins & marrines & leur
chāge le nom imposé au baptēse c'est
signe euident que telles choses luy sont
contraires: ce que est tres-veritable:
Pour autant nous voions que les anciēs
peres des Hebrieux imposioient noms
à leurs enfans, le iour de leur circoni-
sion (ainsi qu'il appert par les histoires
euangelicques de la Circoncisiō de Ie-
sus Christ & de saint Iean Baptiste) à
cause que pour lors ils estoient entiere-
ment deliurez de la puissance de Sathā
& estoient enrollez sous l'enseigne
du vray Dieu pour virillement comba-
tre à l'aduenir cōtre son aduersaire qui
est le Diable: Comme dōc iadis les sol-
dats au iour qu'ils estoient receuz sous
l'enseigne d'un Empereur ou Capitai-
ne ils faisoient enregistrar leurs noms
pour estre tousiours prests à marcher
quand ils seroient nommez, tellement
qu'à l'Empire Romain *Nomen dare*: si-
gnifie

LUC 1. 2.

gnifie tout cela, ainsi à ce sacrement on imposoit les nōs pour faire auoir tousiours souuenāce aux enfans de ce qu'ils auoiēt promis & soubs qu'elle enseigne ils debuoient militer, mesmes cōme remonstre sainct Hierosme telle estoit la coustume entre les gentils qui se conduisoient bien moralement selō la loy de nature, de n'imposer à leurs enfans noms vains ou friuoles, mais plustost prins des noms appellatifs qui signifiēt quelque vertu : lesquels ils faisoient propres à leurs enfans pour leur donner instruction de viure iouxte la signification de leur nom : ainsi trouuons nous plusieurs auoir esté appelez de ces noms, Victor, Castus, Commodus, Pius, Probus, & entre les Grecs Sophronius, Eusebius, Theophilus : Mais il y auoit autre obseruation entre les peres de l'ancien testament : Car combien que plusieurs feussent appelez des nōs signifians les bonnes mœurs comme le mor de Michee qui signifie humilité : toutēsfois le plus souuent on y adioustoit le nom de Dieu, comme en Helisee, Samuel, Abdias, Zacharias, Esayas, ce qui est regle generale aux Anges,

*Hiero. pro
log. in lib.
I. cōmēt in
Micheam.*

qui sont nommez Michaël, Gabriel, Raphaël: ou au moins ils retenoient le nom de quelque saint personnage, pour estre imitateur de ses vertus & pour ceste cause s'esmerueilloient ceux qui assisterent à la circoncision de saint Iean Baptiste, qu'on le voulust appeller Iean, attendu qu'il ny auoit personne de sa race tant illustre qui fust ainsi nommé: Ce que monstre assez qu'ils retenoient les noms de leurs bons progeniteurs, autant ou plus exactement que l'heritage qu'on leur delaissoit: qu'a esté cause que saint Chrysostome admonestoit le peuple de n'vsfer d'aucune chose vaine au Baptisme singulièrement d'observer ceste reigle de n'imposer autre nom aux enfans que les noms des saints, & quant aux enfans de bien retenir ce nom & ne permettre qu'il leur soit changé à autre par aucun euenement & faire comme Ioseph auquel Pharaon ayant changé le nom en sa mode Egyptienne si voulut il non-obstant retenir son premier nom, comme il appert, quand il dist *Ego sum Ioseph frater Vester*: Aussi l'escripture l'appelle tousiours du nom

Chrysost.
hom. 12 in
1. ad Cori.
Gen. 45.

Dan 3.

de Ioseph meſpriſant l'autre prophane
impofé par Pharaon : autant en ont
faict Daniel & ſes trois compagnons:
car bien que Nabuchodonofor euſt
nommé Daniel d'un nom Chaldeen
de Balthazard & les autres trois des
noms, Sidrac, Miſac, & Abdenago,
nonobſtant quand Daniel eſcript, ſon
liure il dict touſiours *Ego Daniel*, com-
me auſſi les trois enfans eſtants dans
la fournaiſe: diſoient. *Benedicite Ana-*
nia Afaria, Miſael domino, ne recognoiſ-
ſant, autres noms fors ceux qu'on leur
auoit impofé en Iudee: & la raiſon de
cecy eſt baillee par ſainct Chryſoſto-
me, tels noms dict-il eſtoient impoſez
pour ſeruir d'inſtruction aux enfans
d'eſtre imitateurs des ſainctſ dont ils
portoient le nom: car ſi on n'eſt imita-
teur de tel ſainct, c'eſt choſe, aſſeuree,
(comme il dict ailleurs) que les prieres
& merites de tel ſainct nous profite-
ront beaucoup à noſtre ſalut de là il
vient à conclurre qu'il ne faut impoſer
les noms des hommes pecheurs ores
qu'ils ſoyent eſté illuſtres en ce monde
ou bien nos progeniteurs, à raiſon
que telle impoſition ne leur ſçauroit

derien seruir finon peut estre d'esguillon pour estre imitateurs de leur orgueil & mauuaise conuersation, doncques sont reprehensibles les peres & meres qui desdaignans les noms des saints, ils ayment mieux leur faire imposer les noms des Payens & Idolatres qui brulent maintenāt au feu d'enfer. Est à doubter que si nostre Seigneur eust voulu nommer le mauuais riche par son nom à l'Euangile qu'on prendroit plustost ce nom pour l'imposer aux enfans que non pas le nom du Lazare, mais il ne la voulu faire pour plusieurs & bonnes raisons entre lesquelles, peut estre celle icy en est vne: l'on void doncques que c'est vne Astuce de Sathan puis qu'il abhorre le nom baillé au Baptisme & selon la façon de faire plus commune aux Chrestiens, prins des noms des saints qui nous aident & portent faueur spécialement pour cela: & les Allemans sont remarquez d'auoir fort long tēps retenu vn certain barbarisme en deux choses, à sçauoir d'auoir mangé le lard sans cuire, & aussi la chair des cheuaux, & pour le second d'auoir imposé

les noms des Scytes à leurs enfans quand ils les baptifoyent, combien que en fin estants mieux instruits, ils s'en soient emandez. Pareillement il leur faut choisir parrins qui soyent gens de bien, laquelle coustume est fort ancienne en l'Eglise & practiquee depuis Thelesphore Pape en ça, lequel n'estoit que cent ans apres la mort & passion de IESVS-CHRIST. Car pour ce que la foy au Baptisme n'est infuse au petit enfant pour opperer, mais seulement pour purifier l'ame, il luy faut vn parrin pour l'instruire aux œuures de la foy & protester pour luy qu'il croira en IESVS-CHRIST, & sera de son eglise autant en faut il faire pour vn muet & sourd: comme a touché sainct Hierosme & aussi pour l'induire à receuoir le sacrement de cōfirmation où l'enfant baptisé viēt à ratifier la promesse par ses parrins & marrines faicte par luy au baptisme & consequemmēt il vient à receuoir nouuelle grace pour estre corrobore en icelle contre tous assauts de temptations dont vient que pour autant qu'en cetemps ce sacremēt est negligé de plusieurs, le diable trom-

*Euseb. lib.
histor. eccl.
Cip. li. epi.*

pe tant de gens & leur faict renoncer
facilement leur baptisme qu'ils n'ont
encores approuué en leur faisant dire
seulement, ie ne tiens pour faict ce que
mes parrins & marrines ont faict pour
moy: & pour ceste mesme raison saint
Cyprian ne s'esmerueilloit si Nouatus
auoit quitté la foy promise au baptes-
me: car il ne l'auoit dict-il ratifiée par le
sacrement de cōfirmation. A quoy doi-
uent estre vigilans les pasteurs de l'egli-
se & aussi les peres & meres de peur qu'il
n'adienne aux vns & aux autres, com-
me à Hely & à ses enfans ausquels sont
opposez diametralement Anne & le
petit Samuel.

Scholie quatriesme.



ESTIMENTORVM *vestro-
rum fragmentum*, &c. Le
diable n'a besoin d'aucune
chose que nous puissions
auoir en ce mode (excepté
la foy infuse & la grace de Dieu) toutes-

D.4.

fois, pour ce que comme ia auons
allegué de saint Augustin, il se plaiēt
grandement qu'on luy face hommage

comme à Dieu, il veut que ses pauvres hebetez en signe de recognoissance, luy presentent quelque chose, comme est vne piece de vestemēs à ses pauvres gēs qui n'ont rien plus cher entre les biens de fortune, que leur vestement, & pour autant Dieu prohibe fort estroitement en la loy ancienne, que aucun ne prenne pour gage le vestemēt du pauvre, ou fil le prend, il fait commandement à telle personne de luy rendre deuāt que le soleil se couche, autrement, il menace telle personne d'en prēdre vengeance. Ainsi verrons-nous que ceste maudite beste veut qu'on luy presente le meilleur de ce qu'on peut auoir: quant aux biens de fortune il veut du vestement, & quant aux biens de nature il demande les enfans, & quād aux dons de grace & biens spirituels, il demande la Foy & le Baptēme, il a demandé aussi quelquefois le sang de l'homme, cōme nous trouuōs des sacrificateurs de Baal, quād ils vouloient faire descendre le feu du ciel, ils picquoient leur chair avec des lancettes: Mais pour ce qu'on auroit horreur de ce faire, il luy suffist de ce qui viēt apres aux biens personnels qui

3. Reg. 18.

4. Reg. 9.

Math. 21.

Eras. in
chiliade. 1.

font les vestemens, & peut estre qu'il veut estre par cela recogneu spécialement comme Roy: car c'estoit la coustume des Iuifs, quand ils vouloient recognoistre quelqu'un en qualité de Roy, de despouiller leurs vestemēs, & les employer au seruice de tel Roy, en les mettāt dessus ses pieds, dequoy nous en auons l'histoire de Iehu & aussi de Iesus Christ receu en Hierusalem avec triōphe le iour des rameaux. On pourroit donc bien appliquer à ces pauures miserables l'adage des Grecs, qui dit traduit en Latin, *Veste circumfers ignem*. Car tel vestement leur sert d'un signe extérieur, qu'ils se sont obligez à iamais au feu eternel, & d'auantage leur accomoder l'autre qui dit, *Vestis virum facit*. A ce propos fait aussi ce que disoit Tertulien, *Diabolus tunc se regnare putat, quando sanctos à religione Dei deturbat*.

Scholie cinquiesme.



IGNVM seu stigma cuilibet vestrum, &c. Le seul poinct est suffisant pour conuaincre tous ceux qui pensent que ce soiēt

songes : car l'experience monstre eu-
demment que telle marque qu'ils ont
en leur corps est tellement lepreuse,
qu'elle est parfaitement insensible, si
bien que (comme auons veu de noz
œils, & prouué avec vne esguille ou es-
pingle) si subtillemēt, on vient à ficher
là dedans vne espingle, elles ne sentent
non plus que si elles ou eux estoient
vray ladres: mais il se faut garder qu'ils
ne s'en apperçoient, car ils font sem-
blant de sentir, comme que soit goutte
quelconque de sang, n'en sont iamais:
ceste façon de faire est fort ancienne à
Sathan. Tertulien dit que le diable a de
coustume de marquer les siens, & c'est
pour cōtrefaire Dieu qui nous marque
interieurement au Baptisme d'une
marque ou caractere inherant à nostre
ame, comme le disoit saint Paul & saint
Iean, & aussi il veut que nous soyons
marqués exterieurement par le chres-
me & signe de la croix, aussi Sathan
marque en l'ame les siens de la merque
de peché & non content encores il veut
adiouster vne merque exterieure, &
combien que possible il ne merquoit
iadis les siens d'une merque semblable,

Tertul. lib.

2. aduersus

Iudeos. c.

probatio

Natiuit.

Christi

E. 5.

Tertul. lib.

de corō.

mili. & de

baptismo

Ephe. I. 4.

Iean. 2.

Tertul. lib.

de veland.

virg.

Apoc. 13. 14.
16. 19.

Apoc. 13.

Hypolit. o-
ras. de con-
summat.
mundi.

car comme dit Tertulien le propre du Diable c'est de controuer tous les iours quelques nouuelles façons de faire, cy est-ce que ce point est si clair en l'escriture que rien plus sainct Iean predisant souuent en l'Apocalypse, que sur la fin du monde il y aura certaine maniere de gens qui porteront la marque ou caractere de la beste ce qu'il faut entendre corporellement à la lettre, comme les textes le donnent entendre, quand il est dict que par telle marque on aura accez avec les hōmes peruers qui porteront ladicte marque à la main ou ailleurs, & quand il n'y auroit que ceste seule experience elle nous donne assez à entendre qu'il faut ainsi prendre ces textes à la lettre comme aussi quād le Diable est appellé au mesme passage vne beste qu'il faut entendre qu'il se doibt presenter en forme de beste comme nous le verrons practiquer cy apres, ce que fort bien remarque & predict S. Hypolite martyr tres-ancien vsant de ces propres mots & parlant du Diable, qui debuoit prendre vn corps fantastique: *Adducet inquit, eos ad adorandū ipsum ac sibi obtemperantes sigillo suo notabit. De*

maniere qu'il semble veoir que ces pauvres idiots de forciers & forcieres eussent leu l'oraison de ce glorieux martyr si proprement leurs depositions conuiennent à ce qu'il en a predict.

Scholie sixiesme.

S*V* per circulo quod diuinitatis symbolū, *F.6.*
 est &c. La raison est bonne de dire
 que ce cercle est Symbole de la diuinité à cause que telle figure n'a ny commencement ny fin: on pourroit aussi dire que la figure qui plus est esloignée de la figure de la croix c'est la figure circulaire la croix ayant par nécessité quatre bouts ou ceste icy n'en e vn seul il vse des marques les plus esloignées qu'il peut trouuer au signe de nostre redemption & de sa ruine qu'il ne peut voir comme aux siens comme l'escrit Nazianzene de Iulien l'Apostat *Nazian*
 lequel il quitta soudainement qu'il eut *senus orat.*
 fait le signe de la Croix à quoy s'accor- *quarta co*
 dent plusieurs histoires recètes de cer- *Iulian a*
 tains qui se trouuans en telles assëbles *post.*
 faisant le signe de la croix estoient delaissez seulz sur le champ ce que aduint

dernièrement ainsi qu'il est plus ample-
 ment deduiet au procez faict en Au-
 ignon contre ces forciers) à vn ieune
 garçon mené à la synagogue par son pe-
 re voyant choses toutes enormes il fist
 (comme tout espouuanté qu'il estoit)
 le signe de la croix en disant ces paro-
 les Iesus qu'est-cecy ? & soudain tout
 disparust & il demeura seul & le lende-
 main s'en reuint à son village qui estoit
 loin de ceste Synagogue (qu'ils appel-
 lent) de trois lieux & accusa son pere
 de l'auoir mené là, depuis les villageois
 ses compatriotes l'appelloient en leur
 langage masguillon, c'est à dire le petit
 forcier, lequel garçon est encores à ce
 iour aux prisons du palais d'Auignon,
 detenu pour luy faire descouurir d'au-
 tres choses. Ainsi doncques Sathan fait
 effacer la croix en sa presence & ensei-
 gne à ses disciples de faire d'autres mar-
 ques qui soient fort differentes & voi-
 re (s'il se peut dire) contraires au signe
 de la croix, dequoy on se pourroit ap-
 perceuoir aux caracteres des magiciens
 qui ont esté mis meschamment en lu-
 miere par Agrippa grand promoteur
 de la secte de la beste. On peut encores

mediter (car le diable sous vne chose
 externe couure mil impietez) ce qu'en
 sçauoit Iulian l'Apostat qui estoit hom
 me fort familier au diable lequel inter-
 pretoit que la croix enclose dans vn
 cercle signifioit qu'il falloit presser &
 abolir la religion de Iesus Christ &
 qu'en peu de tēps apres tel signe, cela se
 roit executé. Lō trouue aussi que le Liō
 bruiāt voulāt deuorer sa proie il faiēt a-
 uec sa queue: premieremēt vn cercle, du
 q̄l la pauvre beste n'ose sortir en manie-
 re quelconque, de grande peur qu'elle
 conçoit de son aduersaire: & ainsi pou-
 uons nous appliquer au Diable ce petit
 mot, apres saint Pierre, *Circuit quæres*
quem deuoret. Si bien que ces pauvres he-
 bestes depuis qu'ils ont presté le sermēt
 ils sont tousiours en craincte qu'on leur
 rompe le col, mesmes par leur confessiō
 propre, s'estans librement asseruiz à ce
 cruel tyran & pratiquans ce qui est es-
 crit: *Qui facit peccatum seruus est peccati*
à quo quis superatus est eius & seruus est. Cō
 me au contraire il est dict des gens de
 bien. *Si manseritis in sermone meo Vere li-*
beri eritis, & ubi spiritus domini ibi libertas

Nazianze.
 orat.

In Iulian.
 Apostat.

I. Pet. 5.

Ioan. 8

II. Petri II

Ioan 5,

2. Corinth

3.

Scolie septiesme.



ADMINICULO baculi quodā nefa-
 disimo Unguento, &c. Que de
 longue main les forcieres ayēt
 vſé des baſtons, il appert par
 ce qu'en a eſcrit Abben Ezra ſur le Le-
 uitique, où eſt prohibé de faire aucun
 acte appartenāt à l'art diabolique, où il
 explique par quels moyens cela ſe pra-
 tiquoit, & dict (comme Sanctes Pagui-
 nus a traduit ſes poroles) *Non facietis ex-*
perimenta per figuras, per baculos, per opera,
per motus, per dies, & per horas: En quoy
 il ſemble auoir touché les principaux
 points comprins en ceſte ſentence &
 procès des forcieres: car pour les figures
 nous y voyons le cercle, pour les œu-
 ures, les mauuais actes qu'ils commet-
 tent ſur les morts, & ſingulierement ſur
 les petits enfans, comme nous dirons
 cy apres, pour le mouuement, le tranſ-
 port des corps d'un lieu en autre, pour
 le iour & heures, le Ieudy enuiron la
 minuit, auquel ſeulement ils ſont trāſ-
 portez comme treſtous ont conueni en
 cela: peut eſtre pour ce que le diable

Abben eſra
 In leuitic.
 Leuitic 19.
 Sanct. pag.
 in theſau.

veut auoir les premices & estre reconnu au premier reng de la sepmaine: car les Turks celebrent le Vendredy, les *Apoc. 2.* Iuifs le Samedy, les Chrestiens le Dimanche, & quant à luy il s'est mis deuât tous pour auoir la premiere celebratiõ: Et n'est-ce pas la hauteſſe de Sathan de laquelle eſt eſcrit en l'Apocalipſe, que heureux ſeront ceux-là qui n'auront point cogneu ny experimenté, *Altitudinem Sathanæ*: Finalement par les baſtons dont parle ce Docteur Hebrieu, nous y voyons les baſtons qu'ils mettent entre les iambes, choſe laquelle ce grand & docte Rabin n'a point aduacé ſans bon teſmoignage de l'Eſcripture: car comme remarque propremēt Arias Montanus. De cela eſt faite mentiõ en *Oſe. 4.* Oſee quand il eſt dict: *Populus meus in ligno ſuo interrogauit & baculus eius annunciauit ei*: Pourroit eſtre que le diable cõtrouuoit ceſte maniere de faire pour cõtrefaire Moyſe qui vſoit d'vn baſton ou verge pour faire choſes admirables, & auſſi Aaron lors que ſon baſton ſe fleuriſt, & parla des fruiçts miraculeuſemēt: mais quant à l'onguent duquel ils viennent à oindre tel baſton, & auſſi leur

Arias montanus in Oſeeii

corps, c'est chose asseuree que le diable pour abuser les gens, & couvrir plus cauteleusement sa rage, il y fait mettre plusieurs drogues du tout vaines & inutiles à cela comme herbes, racines & autres choses: Le diable sçachant bien que tels mellanges ne peuuent de rien seruir à transporter les corps par l'air d'un lieu en autre, & l'experience le peut suffisamment enseigner: il fait donc cela pour couvrir sa malice: car son but n'est autre chose en cela sinon de faire commettre des meurtres, ainsi qu'il appert clairement par les depositions de toutes les forcieres, qui conuiennent en cela, que pour la premiere fois suffist d'emprunter de l'onguent de leurs voisines: mais comme elles sont à l'assemblee, il leur est declaré par Sathan, qu'il faut d'hors en la auoir de l'onguent, & qu'il ne se peut faire sans auoir de la gresse des petits enfans par elles suffoquez: il est doncq bien vray que toutes ces herbes & fleurs ne sont que (comme lon dict) *Parerga* c'est à dire choses que ne seruent de rien qu'à donner quelque lustre à ce qui est principal & premier à l'intention comme quād vn painctre faict

faict quelques traictz ou lignes à l'en-
 tour de l'imaige parfaicte: & ce sont
 les belles œuures dont faisoit cy dessus
 mention Aben Ezra: Helie leuite aussi
 quand il recite que Lilith (c'est à dire la
 femme qui va de nuit) entre dās le cabinet
 des acouchees pour tuer les petis en-
 fans qui n'ont plus de huiet iours, & dit
 aussi que les Cherafins d'ont l'escripture
 faict mention ne se pouuoient faire sans
 occasion: saint Hierosme a escrit que
 les forciers font leurs malefices par
 les moyens des corps mors, *Attingunt,*
inquit malefici corpora mortuorum. Et Ter-
 tulien le dict encores plus clairement a
 nostre propos disant, *Pluribus notum est*
demoniorum quoque opera & immaturas &
atroces effici mortes quas incurfibus depu-
tant & vn peu deuant: Per p̄im inquit &
iniuriam seuus & immaturus finis extorsit
 & dict là que le diable faict toutes ces
 belles besognes par le moien de ceux
 qui se sont voiez à luy. A ce propos S.
 Augustin s'esmerueille en soy mesme
 & demande pourquoy est-ce que Dieu
 permet telz massacres estre faictz sur
 les petis enfāns innocēs mesmes sur ceux
 qui sont desia baptisēs & respond que

G. 7. Pars. 2.

Helias in
thysby.Hiero. lib. 1
comment.in dan. ad
c. 2.Tertul. lib
de anima f.
3. 79.August. lib
de ciuit. c.

cela procede du iugement de Dieu qui est à nous occul & caché & que quand il n'y auroit autre chose que l'obligation que nous auons à la mort pour le peché originel ce seroit asses pour conclure que Dieu permet tout cela en toute equité qui n'est chose nouuelle puis que par diuine permission tant de petits enfans feurent tuez en Egyte par Pharaõ & en Iudce par Herode à cela estant induictz par Sathan : d'abondant il nous faut bien remarquer ce qu'en a escript Apuleius le quel ioua luy mesme l'histoire l'ayant veue premièrement iouer à vne damoizelle sourciere dont il feust preuenü d'estre forcier & pour autant que de son temps les forciers estoient sans misericorde mis à mort (comme il dict il fut contraint de faire deux belles apologies par lesquelles il s'en purge deuant les magistrats d'Affrique, bien est vray que aucuns pourroient penser que son histoire fust fabuleuse: mais cõme il recite d'un grand orateur, le quel voyant qu'Apuleius ne vouloit croire qu'on pouuoit estre porté en l'air ou changé en chat huant) il luy dit tout court, mon amy vous parlez comme

Apuleius l.
de asino au
v. cap. 19.

Apuleius
Apol. 1. 2.

vn ieune homme qui n'est point experimenté encores en choses d'importance, ioinct qu'il recite qu'apres il en a eu l'experience & ce qui doit donner plus d'autorité à son histoire c'est que sainct Augustin plusieurs fois l'allegue & ne l'estime fabuleuse: il recite doncq que vn soir par le moien d'une chambriere, il vit qu'environ la minuiet la maistresse de la maison s'oignit de certain onguent qu'elle tenoit dans vn pot & que cela faict elle fut chāgee en chat-huant & commença à voller & s'en aller hors de la maison, il designe aussi de quoy tel onguent estoit faict à sçauoir de certaines herbes aromatiques & des membres des corps morts ensepuelis & puis deterrez le tout estāt bouilly dans vne chaudiere de cuire avec de l'eau de la fontaine, du lait de vache, du miel de montaigne & autres choses semblables en proferant quelques parolles, de l'art magicque, ce qui a esté trouué veritable en ses forcieres qui ont confessé qu'il faut bouillir les corps morts qu'elles viennent à desterrer de nuit & de la gresse des roignōs en faire l'ōguet avec certaines herbes & c'estoit la vraie

raison pourquoy les Romains du tēps d'Apuleius faisoient mourir les forciers ou forcieres, pourautant qu'ils violoient les sepulchres pour raur les corps mors qui est contre le droit non seulement de nature, mais aussi de toutes gēs qu'on appelle *Ius gentium*: car si ceux qui violent les sepulchres pour y desrober les bagues & anneaux qui estoient avec les corps estoient sans misericorde iadis mis à mort comme sacrileges à plus forte raison ceux qui se prenoient aux corps morts estoient griefuement prins si biē que Apuleius recite aussi que la nuit qu'on gardoit vn corps mort à vne maison on auoit de coustume de gager certains personages pour le garder de peur que les forciers ne le vinssent ou mordre ou despecer adioustant qu'estant luy pour vn soir à vne salle commis à garder vn mort, il vit venir vne bellette qui vouloit ronger ce corps, mais l'aiant d'escouuerte elle s'enfuit par où elle estoit entree c'est doncq chose fort authentique que le Diable ait pratiqué ceste maniere de faire que ne pouuant exercer sa rage sur l'homme qu'il hait capitalement il la faict exequuter par

ses membres ainsi il contente aucunement sa sanglante malice qu'il a sur l'homme & pour autant il est appelé souuent en l'Apocalypse le dragon roge c'est à dire furieux, eschauffé, & sanguinaire, en ensuiuant ce que disoit Iesus Christ il est homicide dès le commencement: aussi comme Dieu est appelé par les Grecs, φιλανθρωπος; c'est à dire amateur de l'homme aussi le Diable est appelé μισανθρωπος; c'est à dire haineux de l'homme.

Scholie huitiesme.

DE *ER* *aera ad locum constitutū, &c.*
 Aucuns doutent s'il se peut faire qu'un corps humain soit porté en l'air, mais cela procede faute d'auoir la cognoissance de la nature & propriété des esprits & aussi de la sainte escripture un esprit est excellent par dessus tous corps pour autant il le peut naturellement mouuoir à sa volonté: il est vray est que l'homme est spécialement soubz la garde & protection de la prouoiance de Dieu nonobstant Dieu le permet quelque fois comme il est tout

euident quand il trāsporta Iesus Christ du defert au clocher du temple & de là sur vne montaigne, à plus forte raison il peut aduenir quand l'homme miserable abandonne son Dieu pour adorer le Diable, le Diable aussi apportoit du defert d'Egypte de gros serpens au deuant de Pharaon & du peuple ce que accorde fuint Augustin, concluant qu'ils estoient vrais serpens & apres luy saint Thomas en dit tout autant il se faut aussi souuenir de ce que nous auons dict cy dessus d'Apuleius qui recite l'auoir veu de ses œils & de tout ce qu'en auons traité au chapitre sixiesme de ce liure & ne faut que l'homme trouue cela estrange, que Simon Magus fut porté en l'air par les Diables & de peur qu'on ne pense que ce fust par fantasie, il est dict en l'histoire qui se rompit le col estant abandonné (par commandement de Dieu & des bons Anges,) des Diables qui l'auoient esleué en l'air aussi saint Hypolyte dict que l'Antechrist se fera porter en l'air par ses Diables dequoy il y a apparence en l'escriture & pour venir aux auteurs plus recens, aucuns chroniqueurs & historiographes recitent que

Berengarius (lequel estoit forcier) fut vne certaine nuit à Rome & à la mesme nuit, il fist vne leçon à Tours en Touraine.

Scholie neufiesme.

Saltationes, comotationes, comestationes, &c. Les œuvres de Sathan ou de la chair sont (comme dict saint Paul mēger, boire, yurongner, & paillarder ce que fust effectué au peuple d'Israel quand il dāsoit au deuant du veau. Comme font nos forciers au deuant du Diable, il est dict d'eux. *Comederunt, & biberunt, & surrexerunt ludere i. fornicari*: ainsi le diable faict icy saulter & danser ses gens, (comme il les apelle) puis il les faict baqueter en fin (comme nous verrōs) aussi paillarder. Saint Hierosme a remarqué ce poinct quand il escrit ces propres mots, *Nam & barbara quedam nomina eorum esse dicuntur ut sepe confessi sunt hi quos Verē vulgus maleficos vocat: & incantationes & preces & colores varii & diuersa vel metallorum quam vel ciborum adque inuocati asistere daemones & infæ-*

Clemens
lib. recogn.
Hyp. or. de
Antichrist.
Thessaloni.
Polid. li 9.
Histor. ang
Guliel. nau
giac.

l. 9.
Gal. 5.
Exod. 34.
Hieronym.
lib. 3. comē.
in epist. ad
ephes. cap.
4.

olices animas capere memorantur. Or quand
sainct Hierosme dict que les Diables
conuiennent en quelque lieu à cause
de certaines viandes qu'on leur promet
il faut cela entendre des corps morts
qu'on luy voue & promet on porter en
certain lieu, la ou il les faict cuire &
puis manger aux assistans par vne mise-
rable anthropophagie, soit ou pour infir-
mer l'article de la resurrection, car cō-
me argumentoit Pline vray atheiste,
comment pourroient les corps resusciter,
mesmes par diuine puissance, en
leur propre substance, la chair estant
par d'autres mangée & desia changée
en la propre substance de ceux qui l'ont
mangée? pour leur faire aussi transgres-
ser la pure loy de nature qui est les ren-
dre du tout bestes brutes. Tant y a que
quand saint Hierosme escript que les
Diables font plusieurs choses pour ceux
qui luy promettent certaines viandes,
il ne faut entendre qu'ils mangent tel-
les viandes, car ils sont esprits, mais
qu'ils induisent les autres à les manger
par ce que en cela il y cognoist de l'im-
pieté ou meschanceté, car c'est contre-
uenir au premier commandement que

Dieu fist à l'hōme apres le deluge pour reformer le droict de nature qui auoit esté par les geans & mauuais garçons fort prophané & conténé. Le vous donne, dict il, permission de manger de tous animanx viuants sur terre, mais ie vous deffens de respandre le sang humain il faut adiouster & entendre pour manger la chair humaine, car en ce passage de Genese, comme il appert par le texte, il n'estoit question de l'homicide mais seulement de l'usage des viandes & par ce texte est expressement prohibé l'anthropophagie laquelle le Diable faict exercer à ses gens comme estant chose toute inhumaine & hors de toute raison & c'est pourquoy il s'assemble & donne du passetemps aux gens. Au reste quand aux autres viâdes qu'il leur fait menger & boire par la disposition des forciers bié qu'en les mägeât & beuuât ils ayent de la volupté, si est ce q̄ pauures gēsestās de retour en leur maison ils ont autant ou plus de faim que auparauant, & c'est ce que remonstre Saint Thomas disant que, combien que tous corps naturels obeissent aux esprits quand au mouuement & qualitez si est-ce qu'ils ne peu-

uent changer les substances desquelles
 le seul Dieu est createur, mais seule-
 ment alterer ou changer les accidens: de
 là vient que le Diable ne peut changer
 vne pierre ou autre chose en pain pour-
 tant il faut conclurre que puis que telle
 chose est hors de sa puiffance naturelle q̃
 telles viandes sont là seulement en ap-
 arence ayās quelques qualitez de pain
 vin ou chair mais telles qualitez ne peu-
 uent long temps durer, car comme dict
 aussi S. Thomas, les ceuures du Diable
 ne sont point ny ne peuuent estre long
 temps permanentes à cause qu'elles
 n'ont point leur vraye substance pour-
 quoy en cela Ies^{us} christ s'est mōtré vray
 Dieu d'auoir nō seulemēt faiēt manger
 mais aussi d'auoir repeu pour long tēps
 les cinq mille hōmes & aussi le pain cuit
 sous la cendre mangé par Helye feust
 par diuine puiffance formé, car en vertu
 de tel pain il chemina apres quarante
 iours & quarante nuitz autant en faut
 il dire de la manne du desert laquelle
 fouloit ceux qui en mangoiēt comme
 il est dict *Panc cœli saturauit eos* nourrir
 donques & saouller corporellement les
 personnes cela appartient au seul Dieu

3. Reg, 19.

Psal. 14.

ou par le moyen de ses creatures ou par
autre puissance extraordinaire: *Iacta*,
disoit Dauid, *Super dominum curam tuam*
& ipse te enutriet & aperies tu domine ma-
num tuam & imples omne animal benedi-
ction. Ce que ne scaichant ces pauures
gens s'abusent apres Satan au temps de
leur necessité pensent qu'il soit en sa
puissance de les garder de la faim ou d'au-
tre necessité de viandes ou d'argent cō-
me il leur promet de ce susdict propos
il faut aussi conclure avec saint Tho-
mas que quand telles gens sont chan-
gés en chatz loups ou outre chose sem-
blable comme les fourcieres ont depo-
sé & saint Augustin en fait ample mē-
tion cōme de chose de son temps tou-
te euidente, Apuleius aussi, Vincentius
pareillement en son histoire & aussi E-
phordiéis il ne faut pēser que la vraye
substance de l'homme ou de la femme
soit en ces bestes chāgees (car cela n'est
en la puissance du diable) mais biē qu'il
couure leurs corps d'une nuee d'air ay-
ant telle forme de beste & pour autant
tout ainsi cōme il semble veritablemēt
hōme, car il a prins telle forme de l'air,
ainsi il semble à ceux qui regardent tel-

psal. 84.

les personnes & aussi à elles mesmes que ce sont bestes iacoit qu'ainsi ne soit en verité saint Thomas le conclud ainsi disant, *Illæ transmutationes corporalium rerum quæ non possunt virtute naturæ fieri: nullo modo operatione demonum secundum rei Veritatem perfici possunt. Sicut quod corpus humanum mutetur in corpus bestiale &c.* Et puis apres descriuent le moyen comment il se faict en apparence il dict: *Cum demon possit formare corpus ex aere cuiuscunque formæ & figuræ Ut illud assumens in eo visibiliter appareat: potest eadem ratione circumponere cuicunque rei corporeæ quacunque forman corpoream: Ut in eius specie Videatur.* Elle preuue quand & quand par vne sentence de saint Augustin prinse du dixhuitiesme liure de la cité de Dieu il se peut bien faire aussi comme il est dict au fufdit lieu que le diable imprime en la fantasie des Anges telles especes & lors il leur sèblera voir qu'ainsi soit en verité comme on void l'experience des phrenetiques ausquelz il semble qu'ilz voient des Crapaux Serpens & Dragons volans en la chambre où ilz sont decombans & ne leur sçauroient on persuader du contraire puis

que telles especes sont autant proprement inherentes au sens commun & en la phantasie comme si elles y auoient esté transmises par le moyen des yeux: mesmes de Nabucodonosor on ne doit estimer qu'il soit esté veritablemēt chargé en beste nonobstant qu'en cela la diuine puissance y interuinst: mais qu'il a esté pour vn temps hebertté d'entendement en peine de son peché & puis par grace speciale remis en son bon sens aussi le texte ne dict pas que sa substance soit esté changée mais bien son cœur ce que luy mesmes vient apres à interpreter quand il dict, *Sensus meus reuersus est ad me* surquoy dict saint Hierosme, *Quando dicit sensum sibi fuisse reditum ostendit se formam non amisisse sed mentem.* Cōme donc vn homme insencé ne faict difficulté d'habiter avec les bestes & manger avec elles ainsi en est aduenue à Nabucodonosor iusques à ce que Dieu a eu pitié de luy & lors il s'est recogneu demandant pardon à Dieu quand à la femme de Loth elle a esté veritablement changée en statue de sel: mais ç'a esté apres sa mort où à l'instant d'icelle comme aussi son corps par succession de

temps se feust redigé en terre, ainsi dō-
 qs le diable ne peut riē ny sur la substā-
 ce ny sur la figure de l'homme, mais il la
 peut bien couvrir d'autre chose & telz
 seront les miracles de l'Antechrist qui
 seront signes menfongers en toute de-
 ception par art diabolique, ainsi quand
 saint Augustin traite l'histoire des ho-
 stesses d'Italie qui en baillant vne
 certaine maniere de fromaige qu'elles
 cōposoient, à leurs hostes & soudaine-
 ment estoient changés en cheuaux mul-
 letz ou asnes leur faisant porter toutes
 charges & hardes qu'elles vouloiēt ius-
 ques à certain lieu, tels hommes ne per-
 dant point pourtant la raison humaine
 avec laquelle il se voyoient & iugeoient
 estre bestes quant au corps & estans ar-
 rivez audict lieu ils retournoient com-
 me auparauant, il ne dict pas que ce soi-
 ent fables, mais bien que telles choses
 peuuent estre en verité, ou bien par pre-
 stiges seulement. Concluant que quād
 il est ainsi en verité il ne faut pēser que
 la substance de l'homme soit changée
 en substance de beste, mais que c'est seu-
 lement en aparence externe par opera-
 tion diabolique. *Nec sanè, inquit, dæmo-*

nes naturas creant, si aliquid tale faciunt de qualibus factis ista vertitur quæstio: sed specie tenus quæ à vero deo sunt creata commutant, ut videantur esse quod non sunt. Et vn peu deuant parlant d'Apuleius qui recite auoir esté changé en vn asne, il dict qu'Apuleius ou bien il a controuué & fainct telle chose, ou bien il a couché par escrit tout ainsi comme elle estoit aduenue, *inquit, ista aut indicauit aut finxit,* Et quant aux fardeaux qu'il portoit il dict que c'estoit le diable qui portoit & soustenoit tel fardeau.

Scholie dixiesme.

K 10.

Olulistis & adorastis in formã & speciem fœdissimã & nigerrimã hirci &c. Que le diable ne cherche rien mieux sinon d'estre adoré comme dieu nous l'auons cy dessus monstré mais à sçauoir en qu'elle forme visible il se presente nous auons aussi monstré par saint Augustin qu'il ne luy est tousiours permis de prédre telle forme qu'il voudroit ou pourroit naturellement, mais seulement telle qu'il plaist à Dieu luy permettre & pource dict S. Augu-

DISCOVRS

stin il ne faut faire aucun doubte que si Dieu l'eust permis il eust prins vne plus belle forme que celle d'un serpent quand il voulust tempter la premiere femme: mais Dieu ne le voulust permettre. Singulieremēt quand il se veut faire adorer il ne se presente point en forme humaine mais comme les fourciers ont deposé quand il est questiō de mōter sur l'autel (qui est aux champs vn petit rocher) pour y estre adoré il se change soudainement en forme d'un bouc noir combien qu'à tous autres affaires on le voye ayant figure d'homme Dieu ne le voulāt permettre parce que Iesus Christ son filz naturel est vray homme & adoré Dieu & homme tout ensemble à cause de l'vnion hypostatique qui est aux deux natures laquelle est tant estroicte & indissoluble qu'elle ne cōstitue que vn seul estre ou qu'une seule personne. Si aussi le diable se feust présenté en forme humaine noz premiers parens eussent peu estimer que c'estoit le messie qui estoit desia reuelé & promis à Adam ainsi que l'explique saint Paul Dieu donques ne luy permet prédre telle forme du filz de Dieu quād il se

*Genes. 2.
Ephes. 5.*

il se veut faire adorer mais seulement
ou de beste ou de chose monstrueuse qui
est demy beste cōme l'on dict des Cen-
taures & autres semblables monstres
qui n'estoient en verité que diables &
luy aduient cōme ce que dict Pline des
mōstres marins qu'ilz ont trestous vne
queue de serpent par laquelle on co-
gnoist que ce sont vrais monstres, à ce
sens sainct Iean repete souuant en l'a-
pocalypse qu'on viendra à adorer la be-
ste par laquelle on peut entendre Sa-
than prenant figure de beste car il n'est
besoin d'aller chercher sens mystiques
ou ce qu'on peut veritablemēt verifir
les paroles de l'escripture à la lettre.
Mais quand à la forme de la beste qu'il
prend c'est chose fort autentique qu'il
se soit présenté en forme de bouc sur-
quoy il faut noter qu'il y a trois ou
quatre passages en l'escripture qui ont
grande apparence de ce poinct: le pre-
mier est au Leuitique dixseptième ou il
est dict, *Nequaquā ultra immolabūt hostias*
suas demonibus. Le second & le tiers sont
en Esaye treisiesme & trente quatrième
où nous auons, *Pilosi saltabunt ibi.* Auf-
quelz lieux y est le mot Hebrieu Schir

Apoc. 3

Leuitic. 17

Esaye 13 34

versio. cal-
da.

ff. quimbbi
in lib ra-
dic.

lequel signifie singulieremēt trois choses au texte de la bible. Premièrement vn bouc, secondement vne chose velue comme Esau qui estoit velu feust surnommé *Sehir* & les montaignes où il habitoit *Montes Sehir*. Troisiēsmement signifie vn diable ainsi a traduit saint Hierosme ce mot au dixseptiesme chapitre du leuitique & aussi l'aucteur de la version Chaldaïque. Quant aux deux premières significations il appert que l'une depend de l'autre à cause qu'un bouc est fort velu entre tous les autres animaux: mais quant à la troisiēme & pourquoy les diables sont appellés du mot de bouc ou de velu *Rabby Quimbbi* interprētateur souverain entre les Hebreux des motz hebraïques il dict que le diable est ainsi appellé parce que il se demonstre en telle forme velue de bouc à ceux qui croient en luy & pour autant le chaldeā interprete & saint Hierosme ont par ce mot entendu & interpreté le diable bouc, qu'est ainsi appellé mesme par les souciers cōme ilz ont depōsé Ce n'est donc chose nouvelle que le diable se demōstre en forme de bouc à ceux qui se desdient à son

seruice & luy font hommage suiuant
laquelle signification Sainctes Pagui⁹ *Esay. 13. 34.*
sur Esaye treiziesme & trantequatrief-
me où le rextedict que les Schirin sau-
terōt ou dāserōt aux desertz il a traduit
ainsi les diables y sauteront ce que a e-
sté verifié par le tesmoignage des for-
ciers qui disent que le Diable bouc faul-
te & dāse avec eux en la synagogue qui
se faict de nuit aux deserts. Est bon en-
cores à remarquer que les septāte inter-
pretes au Leuitique dixseptiesme cha-
pitre ont traduit ce mot Hebrieu au *Septuagin.*
mot Grec *ματάις* id est fatuelles que
les Italiens vsurpent le mot Grec ap-
pellent Mathous c'est a dire foullastres:
& de faict en ce pays de Prouence on
appelle tels esprits folletons par ce que
ils font plusieurs folies, comme de rire
sauter, danser & sifler à quoy ayant eu
esgard les septante interpretes ils ont
bien traduit le mot en *ματάις*. A ce *S. Thom. 2. 2. 89. art. 4. ad 3.*
propos sainct Thomas dict que bien
souuant les diables font plusieurs lege-
retés comme rire, sauter, & sifler qui ne
sont aux hommes sinon que peché ve-
nielz mais c'est pour se rēdre familiers
aux hommes & les attirer en fin à eux

Gene. 10.

Alphon. de
castro ad-
ur sus he
ref. lib. I.
ca. 15.

parce moyen & pareillement saint Athanase faiet mention des diables qui chantoient des chansons. Quant aux histoires prophanes l'on trouue que les deux plus anciens oracles l'vn appellé *hhammonium* qui viêt du nom de *hham* ou comme nous prononcerons *cham*, l'autre appellé *dodonœum* qui vient du nom de *Dodonum* duquel est parlé en Genese dixiesme chapitre entre les nepueux de Noë le premier estoit en forme de bouc & le second en forme de mouton à grád cornes il ny a doncques rien de nouueau en cela de dire que le diable se face adorer en forme de bouc. Et pour venir aux plus recents le docteur Alphonse de Castro recite que au pays de Bisquaye ilz trouuerent que les femmes & aucuns hommes s'assemblerent à la montaigne où se presentoit vn bouc noir visiblement lequel ilz adoroient trestous.

Scholie unziésme.



*Os viri cum succubis vos
mulieres cum incubis fornica-* L. II.

ti estis, &c. L'on pourroit
d'icy prendre la raison
pourquoy il apparoit en

forme de bouc: car entre tous les ani-
maux c'est l'un des plus puâts, il est auf-
si le plus luxurieux de tous, car il n'a
point temps déterminé à ses chaleurs
naturelles comme toutes les autres be-
stes. Or il assemble là son peuple pour
les faire paillarder, & luy-mesme s'y
met le premier, prenant forme d'hom-
me aux femmes, & forme de fême aux
hommes, les induisant à vne tressale &
tref-vilaine paillardise pour estre com-
mise avec luy, non qu'il y ait aucune
delectation. Mais cōme dit saint Tho-
mas, donnent raison pourquoy saint
Augustin a dit, que plus se plait le dia-
ble au peché d'Idolatrie & de paillardi-
se qu'à tout autre, c'est dit-il, pour autāt
que par le premier il vsurpe la gloire de
Dieu qui est son premier but, & par le
second il tient les hommes & les fem-
mes plus serrez à ses pattes, à cause que
par le peché de luxure, pour la vehemē-

Augusti in

Leuitic.

s. Thomas

q. 3. art. 5.

ad. 2.

te delectation corporelle qu'il apporte
 avec soy fait que l'homme y est plus te-
 nace, & plus souuent il y tombe, & avec
 plus grande difficulté il s'en releue, fait
 aussi que l'homme perde entierement
 l'usage de sa raison, & n'en peut nō plus
 vsfer que s'il estoit beste singulierement
 sur la fin de la delectation qu'à esté cau-
 se que Tertulien a cuidé que comme le
 corps de l'enfant est engendré d'une por-
 tion de la substāce corporelle, que aussi
 l'ame estoit engendree d'une portion
 de l'ame du pere: car, dit-il, on void qu'à
 l'acte de generation, l'ame comme estāt
 coupee par pieces ne peut auoir aucu-
 ne operation de raison. Le diable donc
 il se plait d'auātage à ceste ordure pour
 routes les raisons susdites. Et ne faut
 douter si telle chose se peult faire par le
 ministere du diable, puis qu'il est hors
 de controuerse, qu'il peut prendre hors
 de l'adoration, telle forme externe que
 bon luy semble particulieremēt à l'en-
 droit de ceux qui se sont desia donnés à
 luy luy faisant hommage. Et quād il n'y
 auroit autre preuue sinon que les deux
 plus celebrez Docteurs l'un entre les
 anciens peres, l'autre entre les Docteurs

*Tertul. lib.
 de anima.*

*August. lib.
 15. de ciuit.
 c. 5. Tho-
 mas. p. 9.
 1. 2. 3.
 ad 6.*

ſcholastiques qui ſont ſainct Auguſtin & ſainct Thomas conuiennent en ce point, & dient expreſſément que c'eſt impudence de vouloir nier cela, & ſeroit argumēt ſuffiſant pour faire à croire que c'eſt choſe trefaſſeuree & meſme voila pourquoy le Turc ne treuve eſtrāge ce que nous diſons en noſtre ſymbole qu'une vierge a conceu du ſainct eſprit & le croient avec nous: car ilz penſent que c'eſt choſe poſſible à toutes vierges ayans veu ſouuent par experience que leurs vierges bien qu'elles ſeuſſent eſtroictement cloſes & ſans auoir eu aucun accès aux hommes elles ſe trouuoient groſſes d'enfant telle choſe aiant eſté pratiquée par le diable, *Qui ſurripit ac demum infundit ſemen*. Laquelle choſe ſe trouue à tout propos aux poëtes & hiſtoires anciennes où il eſt ſouuent repeté que les dieux venoiēt coucher avec de belles dames & en auoiēt d'enſans Apuleius en récite autant de ſon tēps, mais ces deux eſtoient diables comme il eſt eſcript, *Omnes dii gentium demonia*. Pour conſclusion de la precedente & preſente ſcholie en ce que Dieu veut que le diable ſe demonſtre

*Apuleius
de aſino au.
pſal. 113.*

en guise de bouc il donne entēdre à ses
 pauures hebetēz d'entendement qu'ilz
 s'asseurēt d'estre avec les boucz au grād
 iour du iugemēt puis qu'ils ont familia-
 rité & cōmerce avec eux en ce mōde &
 leur adorent vilainement comme leurs
 dieux seulemēt adioustērōs que la plus-
 part des anciēs peres Grecs & latins ac-
 cordent claiemēt que les diables desi-
 rent & pratiquēt l'acoinctāce charnelle
 avec femmes & mesmes sainct Hiero-
 me vse desdicts mots *dæmones quibusdam*
amoribus seruiunt & c. Et sainct Iustin
 martyr dit q̄ ce n'est seullemēt avec les
 femmes mais aussi avec les hōmes (dō-
 nant̄ entendre clairement qu'ils chan-
 gent de sexe & en cela ils sont approu-
 uez par S. Augustin vray est que ceux qui
 ont voulu interpreter & accōmoder le
 sixieme chapitre de Genese a ce propos
 sont par luy à bon droit reprins parce
 que le texte precedent & subsequent
 donne entendre qu'il y est parlē des
 hommes & non des anges comme bien
 demonstre sainct Augustin ce pendant
 il n'improue pas l'oppinion des anciēs
 quand au fait de la cōmixtiō charnelle
 ains il dit q̄ ce sōt impudēces de le nyer.

Fin des Scholies.

Hieronime
 in 6. ca. E-
 pist. ad E-
 phesi.

Iusti. m. art.
 apolog.
 August I.
 lib. 15. de
 ciuitate dei
 ca. 23.



CONCLVSION DV LIVRE

OV EST TRAICTE, A SÇAVOIR,
*si les articles contenuz en la deposition des
 forciers, doiuent estre prins comme adue-
 nu par songe, ou biẽ en verité ou realité.*

LA question que i'ay à trai-
 ter, suyuant la promesse
 que i'en ay faict à mon epi-
 stre, elle est, amy Lecteur,
 autant difficile que necessaire, difficile
 pource que ie ne sçache m'estre encores
 escheu entre mains aucun autheur an-
 cien ny moderne, qui l'aye esmeüe ou
 debatue, necessaire à cause qu'en ce seul
 point gist le nœud de la difficulté qui
 est de resouldre à sçauoir si ce que les
 forciers deposent, leur aduient seule-
 ment par songes & illusiōs diaboliques,
 ou s'ils le pratiquent realement & de
 faict. Sainct Iustin martyr (comme re-
 cite sainct Hierosme feist de son temps
 vn liure exprès de la nature & proprie-
 té des esprits malins, lequel si l'iniure
 du temps ne nous eust comme rauy des

*Hieronym.
 lib. de scri
 eccles.*

main, & qu'il feut encores aujourdhuy nous en pourrions tirer à nostre propos (ainfi que pouuons coniecturer par ſes autres eſcripts qui ſe trouuēt) d'amples & claires reſolutions, pour faire entendre que ce qu'õ dit des forcieres ce n'eſt point tout fable ains pure verité. Car en ſa premiere Apologie qu'il fait pour les Chreſtiens, il oſe tout haut & tout clairement affermer que les malings eſprits ont bien ſouuent accointance charnelle par fois avec des femmes parſois auffi avec d'hommes. Puis en ſa ſeconde Apologie, il donne entendre que les Diables ne veulent touſiours faire ce qu'on veut ſi ce n'eſt avec certaines conditions, cõme en la Necromantie (dict-il) veut qu'on luy ameine vn ieune garçon qui n'aye encores attainť l'aage de puberté: & ſi avec cela il nous donne aſſés entendre en q. 52. qu'il adreſſe aux chreſtiẽs que en ce faiť icy des eſpritz malings & des forciers il y faut ſagement & fort droitement proceder. En quoy il nous faiť auffi entendre que d'auancer d'eux choſes eſtranges au ſimple peuple (cõme ſont celles que nous venons de reciter de luy) ce n'eſt point proceder tou-

fiours à la volée, Et ainsi le deuons estimer apres ce grand personnage : attendu mesmement que saint Paul nous dict que les œuvres de Sathan seront avec toute puissance en signes & prodiges, & en somme par dessus toutes nos forces naturelles. Pour resouldre doncques il faut faire vne distinction, car à faute de ce plusieurs se sont abusez. La distinction est que entre les choses que Sathan opere à l'endroit des personnes qui s'attendent à luy elles sont en deux manieres, Premièrement elles peuuent estre en dormant. Secondement elles peuuent estre aussi en veillant on pourroit faire encores plusieurs subdivisions, mais nous nous contenterons d'en toucher cy apres aucunes qui seront necessaires à ce propos. Or que cela aduienne en ses deux manieres, l'escripture y est toute claire en plusieurs passages, laquelle faisant enumeration des œuvres dont Sathan use à l'endroit de ceux qui font pacte expres avec luy, elle y met presque tousiours d'un costé l'observation des songes, & de l'autre costé les malefices, (il est beau à voir que les songes se font en dormant, comme

les malefices en veillant, le premier lieu est au Leuitique 19. où est dict, *non augu-
Leuitic. 19. rabimini nec obseruabitis somnia.* L'autre
2. paralip. est au second liure de paralipomenon
33. chap. 33. ou est dit du Roy Manasses ob-
Hieremie *seruabat somnia, sectabatur auguria malefi-
cis artibus in seruiebat: habebat autem secum
17. magos & incantatores multaque mala opera
Zacharie tus est, &c.* Vn autre passage est en Hie-
10. remie chap. 27. où Dieu dict à son peu-
ple. *Vos ergo nolite audire prophetas vesiros
& diuinos, & somniatores, & augures, &
maleficos.* Le quatriesme est en Zacharie
chap. 10. ou est dict, *Diuini viderunt mē-
Num. 22. dacium, & somniatores loquuti sunt frustra.*
Mesmes Balaam le pratiquoit ainsi, le-
quel auoit le costume d'observer pre-
mierement les songes, puis estant es-
ueillé il faisoit ses malefices, ainsi qu'on
peut voir au liure des nombres chap. 22.
Je sçay bien qu'on pourroit tergiverser
& dire que tels songes estoient d'autre
qualité que ceux de noz forciers du
iour d'huy nonobstant à nostre propos
il nous suffit monstrier par l'escripture
que entre les ceuures mauuaises & pro-
hibees de Dieu que Sathan opere en
ceux qui s'adonnent à luy, les vnes se

font par songes, les autres en veillant,
 & en verité. Car quant aux qualitez
 des songes attendu qu'ils peuuent estre
 infiniment diuersifiez (chose qui est
 cōmune à tous songes soient ils diuins,
 naturels, ou diabolics, qui est l'entiere
 & vraye diuision des songes qu'en faict
 Tertulien en son liure de l'ame au cha-
 pitre intitulé, *De somniis*) telle qualité,
 ou diuersité ne peut pour ce respect em-
 pescher, que tels songes ne soient
 vraiment œuures de Sathan, comme
 au semblable la diuersité n'empesche
 qu'ils ne soiēt diuins ou naturels. Ceste
 distinctiō no⁹ en produit vne autre c'est
 que biē souuēt, ce qui est songe à l'vn
 est verité en l'autre, ce qui est aussi com-
 mun aux songes diuins & naturels
 pource qu'il ny a point repugnance que
 vn homme puisse faire veritablement
 ce que vn autre songera en soy mes-
 mes cōme au liure des iuges nous auōs
 d'vn soldat qui songeoit que Gedeon
 venoit pour renuerſer tout le camp &
 veritablement pour lors Gedeon ap-
 prouchoit du camp & executa ce que
 l'autre auoit songé de soy mesmes à des
 autres aussi tost qu'il eust faict le songe.

*Tertul. lib.
 de anima
 cap. de som-
 niis.*

iudicum 7

*Aug. lib.
 18. de cini.
 dei cap.*

l'en laisse sciemment plusieurs autres
 soiēt diuins, naturelz, ou diabolics, reci-
 tés par Tertulien cy dessus cite me con-
 tentât d'un qui a esté couché par cscript
 sur ce propos que nous traictons par S.
 Augustin au liure. 18. de la cité de Dieu
 chap. 18. où il fait mention d'un certain
 personnage de son temps lequel estoit
 fort desireux de sçauoir l'explication
 d'un passage de Platon à luy fort obscur
 & à ces fins il s'adressa souuent à un
 Philosophe dans sa maison pour en a-
 uoir l'intelligence, lequel ny voulut ia-
 mais entendre. En fin comme ce per-
 sonnage veilloit vn soir dans son estude
 vint (comme il luy sembloit) ce Philo-
 sophe & commençant à luy parler il
 luy expliqua si clairement ce dict passa-
 ge qu'il en feust bien resolu: certains
 iours apres rencontrant ce Philosophe
 il luy demande pourquoy dans sa pro-
 pre maison n'auoit il voulu expliquer
 ce passage veu qu'il le luy auoit exposé
 en la maison d'autrui: lors respondit ce
 Philosophe. Iay bien songé dict-il t'a-
 uoir expliqué ce passage mais en verité
 ie ne l'ay poinct fait, de là conclud S.
 Augustin que vne mesme chose peut

estre songe à l'un & verité en l'autre: car pendant que le Philosophe songeoit d'expliquer tel passaige, l'autre en veillant receuoit veritablement les paroles de telle explication. Il recite d'un autre lequel aiant dormy par plusieurs iours ne pouuant estre par maniere quelconque esueillé aiant acheué son sommeil il recitoit à ses domestiques qu'il luy sembloit voir qu'il estoit chagé en cheual & qu'il portoit des viures à certain endroit du camp qu'il designoit & feust trouué que veritablement telle chose auoit esté ainsi faicte: ces deux suppositions faictes, nous disons que quand à ce qu'on recite des sorciers cela peult estre aduenü par songe & aussi en verité D'abondant il peult estre songe à l'un & verité en l'autre. A ce premier rang on doit mettre tout ce qui est escript en la distinction. 26. du decret. 4. 5. chap.

Episcopi. Si souuant repeté par ceux qui tiennent que ce sont tousiours songes & par mesme moyen il faut aussi rapporter toutes autres sentences & autorités semblables. Au second rang il faut mettre tous les malefices & ceuures mauuaises exercees par les sorciers &

*Distin. 26.
4. 5. c. Epif*

magiciens dont la saincte escripture, les peres & les histoires font mention cōme de choses veritablement aduenues. Et en ceste maniere on accorde aisēmēt tant l'escripture que les peres & aussi les histoires lesquelles bien souuent semblent estre contraires cōme pour exemple nous lisons au second liure de Iean baptiste Neapolitain chap. 26. que luy estant curieux de sçauoir sil y a aucune verité en ce que les forcieres déposent, il donna ordre de regarder de ses propres œilz ce qu'elles en faisoient, & de faict aiant gaigné vne vielle forcierre il veid toutes leurs manieres de faire par la fente d'vne porte & veid qu'vne vielle femme toute neüe s'oignoit d'vn certain vnguent ce qu'ayant faict elle s'endormist si profondement que en la battant de verges on ne la sceut esueille. En fin s'estant esueillée elle affermoit d'auoir passé la mer & veu choses admirables qu'elle recitoit en sa presence & de certains autres qui l'auoient contemplée comme luy. Et quant on luy oppo-
Dis- se.
4-7-1-101
 soit les playes qu'elle auoit receu en son corps pendant qu'elle dormoit elle n'en vouloit rien croire. Au contraire nous
 auons

auons Apuleius qui recite auoir esté sē- *Apulius*
 blablement curieux & d'auoir regardé *de asino*
 (conduit de vne chambriere) & regar- *aureo.*
 dant aussi par la fante de la porte du ca-
 binet où vne forcierre toute neuue s'en-
 gressoit de son vnguent & dict que ce
 pendant qu'elle s'en frottoit elle se chā-
 geoit peu à peu (comme il sembloit en
 vng chat huant. Et en fin ayāt des aisles
 elle senuolla par la fenestre de quoy (cō-
 me dit est) il en feust spectateur : Ces
 deux histoires contemplees veritable-
 ment par deux hommes fort curieux de
 scauoir la verité de ce fait monstre
 bien que l'un & l'autre peut estre, car on
 ne doit pas d'auantage adiouster foy à
 Iean baptiste Neapolitain, que à Apu-
 leus Affricain, attēdu mesmement que
 saint Augustin en faiēt cas & nōse dire
 que ce feussent fables ce que Apuleius *Aug. li. 18.*
 en escriuoit, ains il enseigne comment *de ciuit.*
 cela se pouuoit faire. Il est donc questiō *cap. 18.*
 d'accorder l'un & l'autre & non pas d'un
 faiēt particulier en faire consequence
 vniuerselle comme font ceux qui rap-
 portent toutes ces choses seulemēt aux
 sōges contre la reigle de dialectique qui
 dit à *particulari ad vniuersale consequentia*

nulla. Il y peust aussi auoir prestiges en ces affaires comme saint Augustin le donne entendre au lib. & chap. prealeguez quant il traitel l'histoire de Iphigenia disant qu'elle ne feust veritablement sacrifiée comme tous les assistans l'estimoient, ains que ce feust vne biche au lieu d'icelle laquelle par prestiges du diable represétoit la mesme Iphigenia. Pourroit aussi aduenir par mesmes prestiges du diable qu'on pēseroit voir vncorps humain qui ne le seroit en verité ou bien prendre vn pour l'autre, de-

*Clemens in
recogniti-
onibus.*

quoy il y a assez d'histoires en saint Clement recitant aux liures de ses recognitions ce qu'il en auoit veu faire à Simon Magus d'autre part il n'est tousiours vray que cela soit par prestiges &

*Tertul lib.
de anima.
cap. de her-
motimo.*

illusions, comme bien l'enseigne l'histoire de Hermotyme qui faisoit entēdre à sa femme que quant il dormoit il s'en alloit parmy le monde l'ame quittant le corps & puis y reuenant & ainsi il se le persuadoit. Ces ennemis voulant faire preuue de cela luy couperent la gorge. Mais comme dit Tertulien par ironie l'ame ne reuint assez de bonne heure, tellement qu'il ne se reueilla plus. Or

si c'eust esté prestigieusement faict il ne feust pourtant mort, car on n'eust point touché à son vray corps. C'estoit doncques son propre corps : Et ainsi toutes les manieres de faire pouuans estre, à sçauoir & que telle chose aduienne par songe seulement & qu'elle aduienne aussi veritablement, & que le corps qu'on void dormant ce ne soit qu'un phantosome ou aussi qu'il soit le vray corps de celuy qu'on pèse. Il est questio sçauoir discerner quant telle chose aduient en verité ou seulement par songe ou par prestige. Sainct Augustin en ce riche chapitre cy dessus allegué nous en resoult s'il est bien entendu : Et en somme il nous donne entendre qu'il fault tousiours bien & fidellement obseruer trois reigles dont la premiere est qu'il en fault faire iugement par l'experience & realité qui en ensuit: car quât il veult resouldre à sçauoir s'il y auoit realité au sacrifice de Iphigenia, il respond que non, ains que par art diabolique vn autre chose feust supposée à sa place dautant dit-il, que l'experience le donna entendre par apres. Iphigenia estant trouuée en vne autre contree bien loin de

*Aug. lib. 18**de ciuit. dei**cap. 18.**mod. T. d*

là où elle auoit esté soudainement trās-
portee par les diables toute pleine de
vie, puis qu'elle y surueſquiſt lon tēps.
Par la meſme experience il cōclud que
les compagnons de Diomedes ne furēt
changez en oyſeaux comme on l'eſti-
moit. Car fort lon temps apres ceſdits
oyſeaux y feirēt leurs nids, multipliāts
leur eſpece tout ainſi comme les autres
oyſeaux. Et telle propagation d'eſpece
eſt vne realité qui eſt ſuffiſante preuue
que tels hommes furēt tranſportez ail-
leurs par les diables ſi ſoudainement
qu'on ne ſ'en print garde, tels oyſeaux
eſtans ſuppoſez a leurs places, leſquels
ne pouuoient eſtre preſtigieux, dit-il,
ains veritables, l'experience de la reali-
té repugnant à toutes illuſions, ioinēt
que les preſtiges du diable, comme a
dit bien doctement ſainēt Thomas,
ne peuuent lon temps durer, à cauſe
qu'elles ne ſont natures ſubſiſtentes:
mais ſeulement accidens communs (cō-
me on les appelle en Dialectique) deſ-
quels le propre c'eſt d'eſtre facilement
changez par l'alteratiō naturelle. Ceſte
reigle fait entendre que ce que Moyſe
faifoit en Egypte & au deſert, ce n'e-

D. Thom.

stoit par illusions: car veritablement les
poissons moururēt dans la riuiera chā-
gee en sang. Et aussi veritablement les
chenilles & autres bestiolles gasterent *Exod. 7.*
les bleds, les orges, vignes & arbres d'E-
gypte. Fait aussi entendre que ce que
feist le diable contre Iob, ce feust pure *Iob 2.*
verité, comme font foy la mort de ses
ensans & seruiteurs, & ruïne de leur
maison. Il en faut autant dire des sor-
cieres, & regarder fil y a point quelque
realité en ce qu'elles pensent auoir fait.
Et puis qu'on y en trouue tant & plus, il
est question de plus n'en douter. Il y a
realité aux infanticides, comme il a esté
verifié que tels ensans qu'elles disoient
auoir suffoquez, furent veritablement
trouuez de leurs parens, tout ainsi cō-
me elles auoient depose. Mesmes l'ex-
humatiō de leur corps a esté verifiée par
les ossemēs qui n'ont point esté trouuez
dans leurs sepulchres. Il y a realité en la
marque qu'ils portent en leurs corps, la-
quelle seulement est toute lepreuse &
insensible, marque qu'on ne sçauroit
trouuer à autres que ceux qui se disent
estre tels, vne autre realité est d'une
piece de leur vestement qu'ils exhibēt

par hommage à Sathan. Et auons veu de noz œils que telle piece falloit au vestemēt, tout ainsi comme ils l'auoiēt designee. Il y a realité manifeste aux malefices qu'ils exercent sur hommes & bestes, les rendant stupides & presque morts, puis à leur seule parole les remettants comme au parauant. Non (comme dict Lactance) qu'ils puissent guerir les maladies (car cela est hors de la puissance naturelle du diable). Mais il est bien en sa puissance naturelle de mettre empeschement en quelque partie d'un corps viuant, ce qui se void en l'histoire du demoniacle sourd & muët, & de la femme courbe qui ne pouuoit aucunement regarder au ciel. Et peust par mesme moyen oster tel empeschement, si bien que ce n'est guerir: mais laisser d'empescher les conduits naturels, Dieu le permettant ainsi par son iuste & occulte iugement, sur lequel il ne faut passer plus outre, comme le conclud souuent sainct Augustin. Resulte donc par la premiere regle, que les choses confessees par les sorciers, ne sont tousiours songes, & qu'il y a pure verité du faict.

*Lactance
lib. 2. diuinorum inst.
cap. 16.*

*Iuce. 11.
Luc. 13.*

Aug. lib. 2. cōt. aduers. sa legis ci. 12. & lib. 22. contra faust. cap. 72. & lib. de sancta virgine cap. 40. 42.

La seconde reigle qui est de saint Augustin & saint Thomas, est de regarder si tout ce qu'on dict gist en la puissance naturelle du diable laquelle remarque tacitement saint Augustin quand traictant le faict de Diomedes il dict que cela feust par subtraction & transportement de corps, raison pource qu'il n'est poinct à la puissance naturelle du diable de transmuer vn corps en autre quant à la substance & pource il falloit que ce feust en presentant par transport ou autrement vn autre corps au lieu & place d'iceluy. Saint Augustin ne veut accorder le premier poinct pource que (comme il auoit desia dict) telle chose estoit hors de la puissance naturelle du diable. Et accorde le secōd à cause qu'il n'est hors de ses forces naturelles, *Neque enim dicitur demonibus iudicio dei permissis huiusmodi prestigia dispendia esse possunt.* Et comme il explique ailleurs cela aduient quand le diable veut, & tout ainsi comme il veut pource que Dieu ou leur cōmande expressement on leur laisse faire naturellemēt, *Quando volunt & quomodo volunt deo vel iubente vel sinente.* Saint Thomas

Aug. lib. 1.
de ciuit.
cap 18.

August.

D. Thom. 1.
p. q. 114.
art. 4. ad 2.

*Clemens
in recogni-
ti lib. 3.
Irenæus lib.
2. cap. 57.*

ensuit ceste reigle quand il dict que s'il s'agist de la resurrección des morts ou autres semblables choses supernaturelles qu'il faut penser que ce n'est qu'illusions, car combien que Dieu par sa providence vniuerselle employe les malins esprits à plusieurs effects, non pas toutes fois à œuures miraculeuses qu'il reserue à foy & aux siens, les Diables aussi n'estans capables des dons supernaturels ceste reigle a faict discerner aux premiers Chrestiens les œuures magiques de Simon Magus d'avec celles de saint Pierre & autres Apostres, comme font foy entre autres saint Clemēt & Irenee fera aussi discerner les œuures de l'Antechrist d'avec celles des Chrestiens, Ceste reigle a aussi occasionné S Augustin de dire que non seulement les œuures admirables du Diable comprises à l'ancien & nouveau testament estoient croiables, mais aussi plusieurs autres choses dont les histoires prophanes font mention & mesmes les poetes lesquelles presque tout le monde estimeroit fabuleuses. Saint Augustin par sa grande subtilité d'esprit & profond sçauoir des lettres saintes n'ose dire

que ce fussent fables, mais il montre
 que cela pouuoit estre en verité ou en
 apparence. Et pource que comme disoit
 Tertulien *Dæmones soli vouere Christiani*
 Et les Chrestiens ne le sçauēt pas mieux
 que par la saincte escripture : resulte
 qu'on n'en peut droictement iuger si
 on n'est versé en la leçon de la saincte
 escriture & des anciens peres qui en a-
 uoient la vraye intelligence de resour-
 dre maintenāt tout ce qui est en la puis-
 sance naturelle du Diable, ce n'est pour
 maintenant à mon propos pour en fai-
 re lōg discours, seulement diray avec
 sainct Thomas qui auoit comme on dit
 l'ame de S. Augustin, qu'il est en sa puis-
 sance naturelle faire tout ce que natu-
 rellement se peut faire vsant des moiēs
 dont nature à de coustume d'vser appli-
 quant vne chose a l'autre, comme natu-
 re faict, comme vn homme faict soudai-
 nement du feu applicquant l'alumette
 au charbon, ce que nature feroit, mais
 tout à loysir comme aussi il appert des
 foudres où nous faisons soudainement
 desbender vne artillerie. Et experience
 l'enseigne. car les Anges qui tournent
 les cieux apliquants les mouuements

*Tertul. lib.
de anima.*

*S. Thomas
p. q. 114 ar.
4.*

*xixtus senē
sis Biblioth
sacrae lib. 3.
in thoma.*

*Vide Iustin
q. 24. ad
orthodox.*

des cieux aux elements, ils font produire toutes choses naturelles (supposant la matiere & forme lesquelles ont esté creés de Dieu immediatement. Et pour ceste occasion ils sont appellez tant au Pseaume 32. que à l'Euāgile de ces mots, *Virtutes calorū*). Car sans eux les cieux n'auroiēt point de vertu nō plus qu'un corps sans ame) ce qu'à bien touché en passāt S. Augustin au liure 3. contre Maximin Arrien, chapitre dixseptiesme. Or est il que tout ce q̄ les forciers de o-sent est de la puissāce naturelle des malins esprits, comme on se pourra aduiser par les discours de ce liure, signamment aux Scholies, sur la sentence dōques la seconde regle fait entendre que ce ne sont tousiours songes. Ioinēt qu'il n'y a rien repugnant à l'Escripture, aux peres, aux Histoires, moins à la raison. De l'Escripture on peut remarquer pour ceste seconde reigle de ce qui en est escrit au liure de l'Exode où est parlé des Magiciens de Pharaon, & aussi ce qui est couché aux trois premiers chapitres du liure de Iob.

Psal. 32.
Luc. 12.

Aug. lib. 3.
cont. Maxi-
mi. cap. 17.

Exodi.

Iob. 1. 2. 5.

La troisieme reigle est fondee sur la

generalité. Car saint Augustin n'osât
reduire semblables choses en fables, il
admeine en somme ce qui en auoit esté
fait long temps au parauant luy, & ce
pratiquoit encores de son temps en plu-
sieurs quartiers du mōde, les vns affeu-
râts l'auoir ouy dire à gēs digne de foy.
les autres affermans l'auoir ainsi expé-
rimenté: vois saint Augustin aux cha-
pistres seize, dixsept, dix huit du liure
dixhuietiēme de la cité de Dieu mes-
mes ceste generalité à faict que Hipo-
crates na point failly en ses raisons quāt
il veut denier les vrayes causes des ma-
ladies & diēt que la peste quant elle est
vniuerselle ne peust prouuenir des cau-
ses ordinaires en nature: mais qu'il le
faut rapporter à Dieu & causes inuisi-
bles. I'en dist tout autant en ce faict icy
qui n'est de moindre importance. C'est
grand chose que les forciers de France
& de nostre temps, déposent ne plus
ne moins que celles d'allemaigne qui
sont & ont esté il y a soixante ou qua-
tre vingts ans: Et si bien qu'il semble
à voir qu'elles ayent estudié aux liures
qui ont esté composez en latin par gens
doctes couchants par escript tous les

Aug. lib. 18.

de ciuit.

cap. 16. 17.

18.

Hipocrates.

lib. 2. de

morbis &

lib. de af-

fection.

de portemēs iouxtela verificatiō qu'ils en auoient faicte apres leur depositiōs. Et toutesfois on trouue que ce sont gēs mechaniques (voire pour la stolidité d'entendement) plus approchans des bestes que des hommes. Telle generalité & conformité donne assés entendre la verité du faict, si nous voulons venir a toute raison qui est l'autre fondement que nous proposons tantost disāns que cela ne cōtreuenoit à la raison. Car comment est il songé ce qui n'aient iamais que le ieudy au soir si cestoit songe il leur pourroit aussi bien auenir à vn autre iour. Toutesfois trestous conuiennent à cela, que telle assemblée ne se faict iamais qu'au ieudy seulement. Nous doutons apres la raison pourquoy plustost à tel iour qu'à autre d'abondant si ce n'est que songe, comment tant de gens qui ont esté en diuers temps & regions fort esloignées par consequent l'vn de l'autre, pouuoient ils songer trestous vne mesme chose? Les medecins accordent que la diuersité des viandes & quantité d'icelle cause la diuersité des songes: toutes telles personnes vsoient elles iadis de mesmes viā

des & en pareille quantité avec ceux qui songent aujourdhuy choses pareilles & toutes egalles? Ils accordēt aussi que la complexion des personnes fait songer diuerfement : vn sanguin songera volontiers choses plaisantes, vn melancholique choses fascheuses, vn martial songera guerres, vn ieune garçon songera ordinairement autres choses qu'un vieil homme & vn hōme qu'une femme. Je m'en rapporte à Aristote Artemidorus & autres qui ont fait liures des songes, estant doncques la pluspart de telles gens diuers en complexions, aage sexe & secte comment se peult il rencōtrer qu'ils songent ou ayent songé trestous vne mesme chose l'un ne variant en rien de l'autre & qui plus est en iour & heure semblables. On pourra dire qui c'est le diable qui procure cela. Bien, on approche desia de la verité puis qu'on accorde que c'est chose qui est par dessus les forces humaines, & qu'il faut rapporter cela aux effectz du diable. De là ie demande puis qu'on accorde que c'est vray songe à cause que le diable le peut ainsi faire, pourquoy fait on difficulté d'accorder la realité

*Aristo. lib.
de somno.*

*Artemido-
rus de som-
ni. inter-
pretatione.*

du faict attendu que c'est chose qui est
 aussi bien en la puissance du diable?
 Ioinct que les experiences y sont, &
 que cela ne contreuient ny à l'escrip-
 ture ny aux peres ny aux histoires &
 qu'il a esté predict que sur la fin du mō-
 de telles choses seront plus frequentes
 que iamais n'auoient esté au parauant
 ainsi que nous le monstrerons. Au reste
 il n'est vray semblable que telle gene-
 ralité & conformité puisse estre songé
 procuré du diable. Car premierement
 vn diable ne peust operer qu'à vn seul
 lieu ainsi que le monstrent saint Iustin
 martir Didimus, & saint Thomas. Ce
 ne seroit donc poinct vn seul diable
 mais plusieurs qui traualleroient apres
 cela. Et faudroit qu'il y en eust autant
 pour le moins qu'il y a des forciers &
 forcieres songeants & qu'ils trauailla-
 sent tant seulement à cela à tel iour &
 heure: chose qui est autant estrange cō-
 me mesme la realité du faict. Car pour-
 quoy les Diables s'accorderoient ils de
 ne trauailler à autre chose plustost à
 ce iour & heure, seulement qu'à autre?
 il n'est vray semblable, car pourroit e-
 stre qu'ils y auroient interests, pource-

Iustin mar.

q. 40.

Didimus.

lib. 1. de s.

sancto. S.

Tho. 1. p. q.

que se pourroit pour lors preséter quelque grande commodité de tépter d'autres gens en choses biē plus execrables que ne sont les songes, Et ainsi aduendroit que vn ou plusieurs des sorciers ne songeroit à sa sinagogue comme les autres, pource que son Diable seroit occupé à meilleurs negoces selon son art & fantasie. Ioint que le Diable peut bien mouuoir la fantasie de l'homme, comme il appert par les tentations qu'il nous presente, & ainsi le pratiqua à l'endroit de Iudas, d'Anamas, & Saphira, Ioan. 13. Act. mais cepēdāt il ne peut vser à sa volōté s. Thom 1^r p. q. 111. art 3. ad 2. de nos fantasies, & leur represēter tout ce qu'il voudra à son apetit. Car comme dit saint Thomas, il ne sçauroit mettre ou imprimer en la fantasie de yng auetgle né, les couleurs, ny à vn sourd de nature, le son des voix (comme aussi nature ne peut) mais il peut bien mouuoir la phantasie & luy représenter les obiects qu'elle a autrefois conçu. Or les phantasies de toutes ces gens ne sont point en tout semblables, ny tousiours en mesmes temps & heure pareillement disposees. Il est donc bien difficile à monstrier que

ce soient songes: Et voire plus que non
pas de prouuer telle choses auoir esté en
verité pratiquee, supposans ce qu'en au-
uons dit cy dessus: Car en ce secōd point
il n'y a nul inconuenient, ny (comme au-
uons ia dit) contre l'escripture les peres,
les histoires & la raison. Mais au pre-
mier il y a des absurditez que nous ve-
nons d'en toucher les aucunes. Reste de
resoudre encores vn point qui pourroit
esbranler les personnes peu auisez à la
leçon des peres. Louys Viues Grana-
tin qui a commenté saint Augustin sur
les liures de la cité de Dieu. Quand il
vient à commenter ce beau & docte
chapitre que nous venons d'alleguer, il
se monstre assez petit Theologien, cō-
me tel il estoit en verité, ores qu'il feust
fort docte aux lettres humaines, & de
fait ceux qui liront ces Commentaires
se pourrōt souuent prendre garde qu'il
estoit (s'il faut ainsi parler) plus grand
idologien que Theologien. Voyant
donc que saint Augustin disoit tout
clairement que telles choses ne sont
rousiours fables, ains qu'elles peuuent
ainsi aduenir en verité, mesmes de ce
que Apuleius recite de foy, d'auoir esté
changé

changé en asne, c'est à dire, couuert d'une semblance d'asne, ne pouuant cela comprendre avec saint Augustin, il cōmet trois fautes. Dont la premiere est qu'il accuse saint Augustin d'ignorance, disant qu'il n'auoit leu Lucian pour n'auoir cognoissance de la lāgue Grecque. La seconde faute est qu'il dit qu'Apuleius auoit tiré son discours de Lucian, lequel Lucian dit auoit cela controuué de sa teste pour passe-temps. La troisieme faute & plus griefue est que quand saint Augustin conclud que telles choses pouuoient estre ou fables controuuees, ou veritez pratiquees, (qui est la resolution de nostre discours) Viues s'y oppose, & dit que vrayement tout cela ne pouuoit estre que fable, à cause que Plin dit au liure 8. que toutes ces choses ne peuuent estre que fabuleuses. Or d'accuser saint Augustin d'ignorance, & dire qu'il n'auoit leu les œuures de Lucian, il ne luy en appert rien. Et si nous pourriōs amener autheurs Grecs, sacrez & prophanes citez tout à propos par saint Augustin. Combien qu'il eust naturellemēt en hayne les lettres Grecques, ainsi qu'il s'en confesse aux liures

*Aug. lib.
conf.*

Q

de ses confessions. Et à ceste occasion il n'y feust tant versé cōme aux lettres Latines. Au reste vn cōmentateur ne doit facilement condēner d'ignorance l'auteur qu'il se propose à expliquer, ains il le doit en toutes choses soustenir si elles sont soustenables. Quant à l'autre, qu'il dit Apuleïus auoir tiré son Histoire de Luciā, il ne luy en appert nō plus: ains il appert plustost du contraire: Car Lucian dict que ce qu'il en escriuoit, c'estoit fables controuuees, où Apuleïus dit clairement que ce qu'il en escriuoit estoit pure verité iusques là, de reprendre ceux qui pensent estre songes ce qu'il en escriuoit. Disant telles personnes estre peu versées aux affaires & se-

Apuleius crets d'importance. Et si Apuleïus eust
ap. l. 4. c. 2. eu opinion que choses semblables feussent imaginaires, pourquoy ayant eu adournement personnel pardeuant le gouverneur d'Aphrique, pour auoir esté accusé de Magie & malefices, ne disoit-il brieffuement en ses deux Apologies qu'il a faictes pour s'en purger, que ce n'estoit qu'un bruit populaire & vraie fable, ce qu'il ne fait, mais seulement il tasche à prouuer qu'il n'estoit tel qu'on

*Ternul lib
 de anima
 Aug.*

l'accusoit. Et pour le troiesme Viues où il n'auoit leu au moins retenu les sentences de Tertulien & de sainct Augustin apportees en l'Epistre liminaire de ce liure, par lesquelles est demonstré que les Payens estoient du tout auuegléz en la cognoissance des esprits bons & mauuais : attendu que Viues vient à preferer la sentence de Pline, homme Payen & atheiste, à celle de sainct Augustin Docteur plus celebre & irrefragable en l'Eglise de Dieu : Certainemēt si Viues eust voulu continuer ceste façon de faire, iusques à ses derniers commentaires, quād sainct Augustin dit. Et mōstre prolixement qu'il se fera vne resurrection generale en mesme chair & os. Viues eust peu dire sur cela qu'il ne le faut croire, par ce que Pline dit autrement, & s'en mocque comme de chose fabuleuse & impossible. Or donc ce que sainct Augustin en disoit, il ne l'auoit apprins en l'escolle des Philosophes : mais en l'escole de l'escriture & des Chrestiens qu'ils appellēt la cité de Dieu. Et pour ce beaucoup mieux attouche ce chapitre de sainct Augustin vn bō Docteur qui auoit commenté les susdicts

Qij

liures au parauant Viues lequel combié que ne feust si docte aux sciences humaines, il estoit toutefois (comme il appert) meilleur Theologien que luy. Or venant à l'explication de ce chapitre il ne dict autre chose sinõ qu'il baille ce brief aduertissement: *Hic (inquit) diligenter notandus est modus possibilitatis quem potuit Augustinus in Transformationibus hominũ & bestiarũ qui a minus studiosis videtur difficilis ad intelligẽdũ.* Enquoy preuenant Viues il le touche au vif puis qu'il trouue cela nõ seulement difficile,

D. Thom. 1.
P. 4. 14
art. 4.

mais impossible. Au reste qui voudra voir vn docte & ample cõmentaire sur ce chapitre de saint Augustin qu'il lise S. Thomas en sa premiere partie question cõt quatorziẽme article quatriẽme.

Ioannes
Georgius
Godelma-
nus in dis-
putatione
habita Ro-
stochij
xxvj. s. b.
reuarij anni
1584 in
colleio
fratern

Il y a eu ceste presente annee 1584. vn Iurifconsulte Allemand nommẽ maître Iean George Goldeman lequel a publiquement disputé (comme il dict) puis fait imprimer quatre vingts propositions tendentes aux fins de monstrier que tout ce que les sorciers deposent ce n'est que songes & imaginatiõs auquel il n'est besoin faire vne response à part d'autant qu'elles sont toutes

confutees en diuers endroiçts de c'est
 œuure: seulement auons à remarquer
 ce qu'il dict que iusques à luy nul n'a
 fceu faire distinction entre Magicien
 Sorciere & empoisonneur ou venefi-
 que & que de là est aduenü que nul n'a
 fceu encore refoudre ceste matiere. Il
 accorde toutefois que les magiciens &
 empoisonneurs sont dignes de mort
 mais non pas les sorcieres ny ayant en
 elles autre chose de mauuais, mais pures
 imaginations & illusions, iusques là de
 dire que combien qu'elles estant esueil-
 lees consentent à telles imaginations
 elles ne sont nullement coupables ny
 deuât Dieu ny deuant les hommes alle-
 guant pour toutes excuses qu'il y a de
 leur part du dol & fraude sathanique
 erreur & ignorance peur, & crainte
 auecque contraincte enquoy il se mon-
 stre trop ardent à les soustenir. Car s'il
 y a consentement & du plaisir sur telles
 imaginations il n'y peult nullement
 auoir contraincte & si la seule concupif-
 cence charnelle selon nature est chose
 damnable par la loy de Dieu comment
 l'impure commixtion charnelle auec le
 Diable ne fera elle plus execrable ores

*excussa sra
 co forti pro-
 positione
 prima secō-
 da & ter-
 tia.*

*propositio-
 ne 11. 13. 14.*

*propositio
 ne 38. v/que
 61.*

qu'il ny aist que la seule conuoitise & delectation dans le cœur : Or pour le confondre à vn mot puis qu'en sa proposition douzième il dict que veritablement les magiciens renoncent leur Dieu & leur baptême adorēt le diable font tout ce qu'il leur commende mettent toute leur esperance & confiance en luy iusques à luy recommander à l'article de la mort leurs corps & ames, Nous luy demandons: si les forcieres font aussi tout cela pourquoy ne seront elles aussi bien dignes de mort comme ceux qu'il appelle magiciens? Car (pour exemple) si l'homicide est digne de mort à plus forte raison le parricide & si le fornicateur doit estre puny à plus forte raison le stuprateur. Or il est ainssi qu'on trouue aux forcieres tout ce que il accorde des magiciēs doncques elles sont plus punissables qu'eux. Et qui empesche que toutes ces choses ensemble ne puissent estre en vne personne: veu mesmement que l'escripture fait mention de certains qui estoient enchanteurs magiciens, deuins, venefiques & forciers tout ensemble cōme entre les autres vn Roy Manassēs. Et sur ce on

peust remarquer les sentences de l'es-
cripture cy dessus citees & aussi celles
qui sont admencees au chapitre 6. de ce
liure. Mais la faute de c'est hōme prou-
ent de ce qu'il pense estre chose impos-
sible que le diable puisse porter les
hommes ou femmes en l'air ou auoir
compagnie charnelle des femmes, ou
que les personnes puissent ressembler
aux loups chiens ou chatz comme il
s'explicque en sa proposition. 68. Et
aussi en la 69. & 71. Contre toutes les-
quelles erreurs sera cōbatu en ce liure.
La grace de nostre Seigneur t'assiste
toufiours (Amy lecteur) Et à moy aussi.

Amen.



TABLE DV DISCOVRS
DES ESPRITS, POVR EN-
têdre la matiere difficile des sor-
ciers, comprinse en la sentence
contre eux donnee en Auignon,
1582.

Selon l'ordre Alphabetique.

D

- D**E la Creation bonté ou
malice des Anges, chap.
iii. fol. 24.
- Des moyens qu'ont les
malings esprits pour venir vers
nous, & du lieu où ils resident,
chap. iiij. fol. 34.
- Des sorciers & que les femmes y sont
plus adonnees que les hommes,
chap. vij. folio 60.

T A B L E.

Des noms que doiuent dōner les par-
rins & marrines, qui puissent ser-
uir d'instruction aux enfans pour
faire teste au Diable, scholie iij.
folio. 87.

L

LE cercle simbole de la diuinité,
scholie vj. fol. 89.
Le pretendu du Diable n'est que de se
faire adorer comme Dieu & trom-
per les hommes chap. v. fol. 40.

Q

QUe le Diable n'a besoing d'au-
cune chose que nous puissions
auoir en ce monde sinon la foy in-
fuse & la grace de Dieu, scholie
iiij. fol. 87.
Quel iour sathan celebre, Scholie vij.
folio. 91.

T A B L E

Quelles sont les œuvres de Sathan,
scholie ix. fol. 96.

Pourquoy le Diable apparoit en for-
me de Bouc scholie xj. fol. 105.

Conclusion du liure assavoir si les ar-
ticles contenuz en la deposition des
forciers doivent estre prins comme
aduenus par songe ou biē en verité
ou realité. folio. 108.

R

R *Esponce à ceux qui demandent*
quel danger il y a de soy servir
du Diable chap. viij. fol. 63.

S

S *Il y a des esprits ou non, chap. i.*
folio. i.

Sorcellerie peché enorme & detesta-
ble chap. vi. fol. 50.

Si les esprits ont corps, chap. ij. fol. 11

TABLE

Sentence donnée contre les sorciers en

Auignon. 1582. fol. 73.

Scholies sur la sentence donnée contre

les sorciers, fol. 76.

Seul point suffisant pour convaincre

ceux qui pensent que ce soyent son-

ges, scholie v. fol. 88.

Si un corps humain peut estre porté

en l'air, scholie viii. fol. 95.

FIN.

Ce present livre appartient
à Francoise Du Jardin Colij
ou celle qui le donnera
Lui prie de le vendre
Livre donnera continement
faict le sept. me. jour d'aoust
Mille six cent soixante sept

